

**NATIONAL ASSEMBLY OF
SEYCHELLES**

Tuesday 10th June 2025

The Assembly met at 9am

National Anthem

Moment of Reflection

Mr Speaker in the Chair

MR SPEAKER

Bonzour tou Manm Onorab. Bonzour nou bann zofisye Lasanble. Bonzour nou piblik ki pe swiv nou ozordi. Byenveni pou nou travay sa semenn. Pou komanse avan nou al lo lot *item* lo *Order Paper*, Onorab Pillay *Leader* Lopoziyon in demann mwan laparol pou fer en pti mesaz felisitasyon. Onorab, mon akord ou laparol.

HON SEBASTIEN PILLAY

Bonzour Mr Speaker. Bonzour tou koleg Onorab. Bonzour tou dimoun ki a lekout Lasanble Nasyonal ozordi bomaten. Mr Speaker, wi, mon'n demann ou permisyon pou *extend* en mesaz felisitasyon anver *Father* Danny Elizabeth ki ti *Archdeacon* dyosez Legliz Anglikan Sesel. E ki'n ganny elekte koman nouvo

Levek, the New Bishop of the Anglican Diocese of Seychelles.

Mon oule felisit *Father* Danny ki son parkour parey mwan menm in pas dan lansennyman. E nou swet li tou le meyer dan son fonksyon. E ki i kapab kont lo sipor. E lo lapar nou Prezidan *United Seychelles*, nou parti e tou Manm nou parti, mon *extend* nou senser felisitasyon nou meyer ve pou li pou son fonksyon ki i pe fer.

E nou swete ki i ava kapab deservi sa fonksyon avek sa o nivo lefikasite, profesyonnalizm ki in toultan montre. E nou osi swete ki i ava ganny sipor tou bann dimoun ki a kote li. Alors, mon oule dir avek sa felisitasyon *Father* Danny pou apwentman koman larsevek Dyosez Anglikan Sesel. E nou kontan ki nou'n ganny en Seselwa ki'n ganny elekte dan sa pozisyon Mr Speaker. Mersi bokou.

(APPLAUSE)

MR SPEAKER

Mersi Onorab. Mon a zis pran lokazyon pou repet sa mesaz felisitasyon lo lapar Lasanble Nasyonal. E mon espere ki nou annan sipor tou bann Manm pou sa mesaz. Nou rekonnet ki sa pozisyon ki *Father* Danny Elizabeth pe pran, i en pozisyon

leadership ki tre enportan dan nou pei.

E sirtou kan mon santi poudir nou pei i bezwen en kantite *leadership* dan size moral, *ethical* e spirityel pou nou sitwayen. Donk, nou aport senserman nou felisitasyon pou *Father* Danny, e nou swet li bon sikse. Mersi.

Madanm Clerk, nou a prosed avek prezantasyon papye.

MADAM CLERK

Mersi Mr Speaker. Bonzour Mr Speaker. Bonzour tou bann Manm, tou bann *staff* Lasanble, e tou bann dimoun ki a lekout. Bann papye ki pe ganny prezante bomaten i.

S.I. 38 of 2025 Anti-Corruption (Salary and Allowances of Commissioner, Chairperson and Members of Advisory Council) (Amendment) Regulations, 2025.

S.I. 39 of 2025 Prohibition Against Approaching the Dangerous Wrecks Notice, 2025.
Mersi Mr Speaker.

MR SPEAKER

Mersi Madam Clerk. Ase kourt pou ozordi. Nou a kapab kontinyen avek nou prosen *item*. E sa se *Private Notice Question*, mon a demann Madam *Hansard* Raporter pou

apel Vis-Prezidan e son delegasyon silvouple.

Bonzour e byenveni Vis-Prezidan Ahmed Afif. E egalman Mr Shane Emile *CEO Land Waste Management Agency*; Ms. Christina Dora *Manager* dan sa *Agency*, Ms Audrey Payet *Acting Principal Procurement Officer* dan Minister Finans, Plan Nasyonal e Komers. E byenveni pou partisipasyon dan *Private Notice Questions*.

Mon pou envit Onorab Pillay pou poz son kestyon. Mon a zis fer en pti remark, ki kestyon ki Onorab Pillay pe poze in ganny en *small rewording* lo mon par. E fotespere Onorab Pillay napa okenn lobzeksyon kont sa. Onorab, mon ava envit ou pou poz ou kestyon.

HON SEBASTIEN PILLAY

Bonzour Mr Speaker. Nou'n byen komanse, nou a reste parey. Mon kestyon i lir koumsa ; Premyerman *allow* mwan pou swet labyenveni Vis-Prezidan Larepiblik dan Lasanble. E bann *staff* e bann zofisyè sorti kot *LWMA*. E byensir mon a swet en bonzour spesyal tou bann kontrakter *LWMA* ki plizyer zot in *call* mwan, anvoy mwan mesaz depi yer an relasyon avek sa kestyon

ki zot in tande dan nouvel pou pas devan Lasanble.

E mon remerci Vis-Prezidan dan son kapasite koman Minis Finans e mon prezimen koman Minis Lanvironnman osi ozordi bomaten ki pe vin reponn sa kestyon. Mr Speaker, kestyon i li koumsa; Swivan plizyer konsern eksprimen par bann kontrakter LWMA, ki enkli fot dan prosedir *tender*, peyman ki pe tarde e grander louvraz ki pa koresponn avek peyman, eski Gouvernman i kapab eksplike ki i pe fer pou adres sa bann konsern? Mersi Mr Speaker. E nou espere ki nou a ganny bann bon larepons kler...

MR SPEAKER

Onorab! Onorab! Silvouple ou poz ou kestyon e se tou. Nou'n byen komanse, annou kontinyen. Mersi. Vis-Prezidan, ou repons.

VICE-PRESIDENT AHMED AFIF

Mr Speaker merci bokou Mr Speaker. Bonzour Mr Speaker, bonzour *Leader* Lopozisyon, *Leader* Biznes Gouvernman, tou bann Manm Onorab e tou dimoun ki pe swiv. Mr Speaker, premyerman les mwan fer kler ki sa kestyon i enn ki konsern Minister Lanvironnman. Me

akoz Minis Flavien Joubert i aletranze lo en msiyon travay, mon pe reprezant son Minister avek en lekip ki konpri zofisye LWMA.

E osi zofisye kot *Unit Central Procurement Unit* Minister Finans ki kapab ede donn serten klarifikasyon kot i nesaser. Dezyenmman mon bezwen dir ki kestyon li menm pe al dan serten teknikalite lo en kote. Me i osi mank detay ou klarite pou nou teknisyen avek ou permisyon Mr Speaker, mye kapab donn bann leksplikasyon.

Par egzanp ler ou dir ti annan fot dan prosedir i neportan nou ganny en de legzanp sa kalite fot. Kan ou dir peyman pe tarde, mon kapab dir ou ki ozordi nou'n sanz sistenm peyman. E i mars bokou pli byen ki avan. Me avek ou permisyon Mr Speaker, teknisyen i a kapab donn detay dan en pti moman.

E kan ou dir grander louvraz ki pa korespond avek peyman, ankor enn fwa les nou konnen ki kalite louvraz ou pe koz lo la kot peyman ek louvraz pa balanse. Apre tou Mr Speaker, se pa LWMA ki desid pri. Se bann kontrakter ki'n propoz zot pri dan zot *tender* e lapel dof.

Alors mwan mon bezwen avek ou permisyon demann Onorab pou donn nou plis klarite, san ki i bezwen nonm okenn dimoun ou lakonpanyen, akòz mon pa krwar nou devret nonm okenn ka spesifik. Ekspete pou idantifye natir problem ki nou, nou a kapab donn klarite lo nou kote.

Alors, vwala Mr Speaker, mon premye larepons pou Onorab. Fotespere i a kapab eklersi nou pou nou mye kapab donn klarite son kestyon. Mersi bokou Mr Speaker.

MR SPEAKER

Mersi. Mon pa tro sistr ki manyer nou pou prosede avek sa. Mr Emilie CEO, Vis-Prezidan, eski i pare pou azout keksoz la, avan mon redonn laparol Onorab Pillay? Vis-Prezidan klarifye nou si i nesesser pou ganny sa bann detay avan Mr Emile i adrese.

VICE-PRESIDENT AHMED AFIF

Mr Speaker, mon krwar ti ava enportan dir nou natir sa 3 problem. Par egzanp ler i pe dir pou dir i annan problem dan *tender*, dir nou kwa egzaktaman ki sa problem. E mon asire avek ou permisyon LWMA i a kapab donn ou natir sa problem.

MR SPEAKER

Tre byen.

VICE-PRESIDENT AHMED AFIF

Selman mon pa anvi komans koz lo en keksoz ki nou pa pe *focus* lo egzaktaman sa ki li i anvi. Nou anvi konrpan kwa egzaktaman kwa sa problem ki i pe dir. Problem dan *tender* i annan plizyer...

MR SPEAKER

Dan sa ka sel manyer nou kapab prosede, se mon a donn laparol Onorab *Leader* Lopozisyon pou li fer en klarifikasyon lo bann pwèn dan son kestyon. Onroab, silvouple annou reste lo kestyon.

HON SEBASTIEN PILLAY

Mersi Mr Speaker. E mon pe sey konpran rezondet sa ki Vis-Prezidan pe demande. E ozordi bomaten, apre ki semenn pase mon ti ganny bloke *PNQ*, ozordi mon ganny...

MR SPEAKER

Silvouple...! Nou pa pou al dan sa ki'n pase. Nou la lo sa kestyon. Eski...

(Interruptions)

MR SPEAKER

Mon komans ganny enteripsyon byen boner. E mon pe demande ki Lasanble i reste annord. Nou kapab reste annord. Onorab Pillay, silvouple si ou annan plis klarifikasyon lo sa bann pwen zis *state* zot. Si napa mon pou demann *panel* pou fer sa ki i kapab avek li. Mersi.

HON SEBASTIEN PILLAY

Mr Speaker, avek tou respe pou nou Lasanble e nou *Standing Orders*, mon kestyon in ganny anvoye e in pas tes admisibilite. In ganny en pti koreksyon e nou'n dir nou prosede lo manner nou'n komanse bomaten, *ok?*

Nou annan nou en Vis-Prezidan, en Gouvernman ki swadizan sipoze ekout bann konsern ki bann dimoun i annan. Mon kestyon i kler, ler nou koz fot dan *tender* i kler poudir LWMA in ganny plziyer reprezantasyon sorti kot bann kontrater vizavi bann fot dan *tender*. Si Vis-Prezidan pa okouran, petet LWMA i merit met li okouran.

Dezyenmman Mr Speaker, an sa ki konsern retar pou peyman. Wi in annan retar pou peyman.

Trwazyenmman Mr Speaker, an sa ki konsern bann *lots* ki manner i pe ganny kase

i annan konsern parmi bann kontrakter lo bann lans ki pe ganny kase. LWMA in gannyen reprezantasyon.

E mon prezimen *knowing* profesyonnaliz Mr Emile, in prepar li pou sa kestyon. Me Vis-Prezidan bomaten mon pa konnen ki kalite kart politik i le zwe. So...

MR SPEAKER

Bon si ou'n fini, mon pa pe demann ou pou ziz parol Vis-Prezidan. Mon pe demann ou pou zis ekpslik ou kestyon. Si ou'n fini... mon pou - Ou'n fini? Bon, CEO, Vis-prezidan ou a konpran mon zis bezwen demann CEO pou fer repons ki i kapab fer lo sa *statement*. CEO, ou annan laparol.

VICE-PRESIDENT AHMED AFIF

Mr Speaker, petet zis mon bezwen dir sa, i vin parey en dimoun i al kot dokter i dir i ganny en douler. Dokter i bezwen dir ou Ki bor ou ganny en douler, dan ou lebra? Dan ou lipye? Dan ou latet?

HON SEBASTIEN PILLAY

Be ou pa Dokter ou. Ou pa Dokter! Ou ti en PS ki'n vole dan Gouvernman US -

VICE-PRESIDENT AHMED AFIF

Si ou pa dir Dokter, Dokter i bezwen komans tat ou lebra, tat ou lipye...

HON SEBASTIEN PILLAY

... dan Gouvènmman SPPF! E ou'n en PS ki'n vole dan Gouvènmman ou!

VICE-PRESIDENT AHMED AFIF

...tat ou latet, get ou tanperatir.

HON SEBASTIEN PILLAY

Ou pa Dokter ou!

VICE-PRESIDENT AHMED AFIF

Mersi bokou. Selman mon a les CEO ...

(Interruptions)

HON SEBASTIEN PILLAY

Ou en manter, ou en mansonzer e ou'n toultan koumsa ou ...

VICE-PRESIDENT AHMED AFIF

...regard ou lebra, regard ou lipye, get ou latet si i bon. Mersi.

HON SEBASTIEN PILLAY

...sa ou problem!

MR SPEAKER

Onorab! Onroab Pillay, *Order!* Mr Emile, nou a prosede parey mon'n dir. Si ou kapab adres okenn sa bann size, adrese. Si ou napa repons, nou a konrpan.

CEO SHANE EMILIE

Mr Speaker, mersi. Onorab mersi pou ou kestyon. Mwan osi mon eksprim menm konsern parey Vis-Prezidan, akòz napa klarite dan ou kestyon.

(Laughter and comments off-mic)

CEO SHANE EMILIE

Selman, mon pou donn ou fe lo kantite *bidders* ki'n vin kot mwan kot i konsern prekalifikasyon ki'n ganny kordinen par *Central Procurement Unit* ki anba Minister Finans, *hmm?*

Mon'n ganny mwan 2 ka. 2 ka kot 2 *potential bidders* nou apel li akòz zot pa nesesman in fini *secure* en kontra. Ki'n eksprim zot konsern apre ki zot ti *submit* zot dokiman, *ok* dan sa faz. E enn ladan ti'n fini ganny son let e son let ti'n dir li poudir i pa kalifye pou li bouz dan lot faz *tender*.

E dan sa lot osi i dir pou dir i annan *judicial review*, savedir lazans pa kapab pous son ka devan. Akòz baze lo

Lalwa Prokiman, i annan son drwa pou li al devan Lakour pou li met en konplent. E mwan mon'n *advise* li mon'n dir li baze lo bann konsern, baze lo sa let ki'n sorti kot Minister Finans la, la ou drwa pou egzers ou drwa pou ou al devan lakour.

E dezyenm osi i pa'n kalifye akòz i pa'n *meet* kriter. E sa i 2 ka ki mon'n resevwar so far Mr Speaker. E petet sa i enportan fer resorti osi tou ki nou lo bon semen kot i konsern *tender* la *right now*. Nou pe progrese baze lo nou *road map* ki'n ganny devlope. E *National Tender Board* osi i pe ganny met okouran lo progresyon ki annan.

E resaman dan medya nou ti koz ki ti annan en pti retar teknik pou en prosedir teknik ki'n andeor nou kontrol. Me selman *less than 5* zour nou ti kapab rektifye sa problem. E la *we are back on track*. E ler on dir *back on track* se ki nou pe fer vizit. Nou pe fer vizit. Nou pe anmenn tou bann *potential bidders* dan distrik.

E i diferan konpare avek bann lannen oparavan kot tou *potential bidders* la *right now*, i pe pas dan tou sa santye, i pe mont tou sa kap ros. E pe pas dan tou landrwa pou zot kapab vwar e konpran ki *requirement*

scope, ok? So, sa i mon premye larepons Mr Speaker.

MR SPEAKER

Mersi *CEO*. Bon, okenn lot lenformasyon i pou bezwen sorti par ekstyon siplemanter ki bann Manm e loter kestyon i kapab poze setou. Tenir en pti moman. Tre byen, Onorab Aglae, i kapab komanse.

HON EGBERT AGLAE

Mr Speaker bonzour. Mon a dir bonzour *VP* ek *panel LWMA*. Mr Speaker, selman i regretab larepons ki *CEO* in donnen. I ti kapab koz lo peyman ki pe tarde. I pa'n...

(Interruptions and comments off-mic)

MR SPEAKER

Wi. Be poz... Onorab, e lezot Onorab ki pe koze, ki pou koze. Nou pa pou komans dir *CEO* pa'n byen fer, *VP* pa'n byen fer. Nou pou poz kestyon ki neseler pou eklersi sa size. Onorab Aglae, mon a demann ou donn legzanp, si ou annan en kestyon pou *CEO* oubyen pou byen *panel*, poz li silvouple.

HON EGBERT AGLAE

Mr Speaker, nou tou nou bezwen donn legzanp. Se sa ki ler *VP* in ekrir larepons pou

donn CEO sanmenm sa ki ou pou gannyen. Mersi! Mon kestyon premyerman, mon ti a kontan - anvi ki ti annan bann koupir dan finansman kontra bann kontrakter ki ti ganny fer en pe letan pase, *ok* - i annan ki ti ganny koupe R7 mil, R 8 mil.

Eski ozordi zot in reglemant sa bann koupir ki zot ti fer avek sa bann kontrakter dan lefase, pou kapab fer ki letan sa bann kontrakter ti sinny en kontra ti baz lo en sonm e apre zot in fer koupir. Eski sa pe ganny reglarize ouswa in ganny reglarize?

Dezyenmman, anvi ki letan bann kontra i annan bann vizit ki zot pe ganny fer mon krwar zot in fer les la, lenpresyon ki zot pe donnen se ki zot pou servi mwens kontrakter, aköz zot pou lakantite e grander travay *scope* ki zot pe donnen i pe ogmante.

E Minis Finans dayer, ou predeseser – *VP* - ti fer resorti ki zot anvi annan mwen kontrakter dan plas annan plis kontrakter pou donn sa bann loubraz. Eski ou kapab konfirman poudir zot pe vin avek en lot kalite prensip pou *award contract* pli gran landrwa travay, ki fer ki mwens kontrakter ki pou kalifye dan bann distrik ouswa rezyon? Mersi.

MR SPEAKER

Mersi Onorab. Vis-Prezidan ou a reponn oubyen diriz ou *panel*.

VICE-PRESIDENT AHMED AFIF

Mersi bokou Mr Speaker. Avek ou permisyon mon a demann CEO *LWMA* pou adares sa bann pwen teknik.

MR SPEAKER

Mersi. CEO?

CEO SHANE EMILIE

Mersi Mr Speaker. Mersi Onorab, mersi pou ou kestyon. *In fact*, pou mwan fer kler ki bann kontrakter ki la ki pe delivre servis, i annan kategori kontrakter ki ler i ti *submit* son bid dan *National Tender*, plis ki 4an pase - ki son kontra i annan bann sanzman ki'n ative pandan bann lannen baze lo bann lazistaz ki annan.

Me lazistaz ler i ganny fer, i ganny fer baze lo en sistenm negsyasyon konpran mwan? E apre i annan kontrakter osi tou ki'n ganny lof. Ki savedir lof? Savedir i annan bann landrwa ki depi oparavan pa ti ganny netwaye, i pa ti zanmen ganny met dan *tender*.

Zot konn byen laplipar Onroab dan Lasanble la ki *LWMA* in fer provizyon kot i fer

konpromi dan son Bidze, pou li azout sa bann diferan sit ki pa'n netwaye. E prezan i kouver. Me sleman ler i fer sa la i negosye avek sa kontrakter pou fer sir ki i ganny sa sonm ki i merite. Sa i mon premye larepons.

E apre lannen pase mon rapel byen ler nou ti prezant sanzman ki pou annan dan nouvo *scope tender* la. Nou ti fer *meeting* rezyonnal avek tou DA, avek tou Manm Lasanble. E ti annan en pe Manm Lasanble ki pa ti prezan dan sa bann *meeting*. Nou ti donn ase lenformasyon, e menm nou ti al dan medya nou ti donn ase lenformasyon. Nou ti zwenn avek tou *potential bidders* dan pre kalifikasyon; nou ti donn tou lenformasyon nou ti ekpslike.

E nou ti menm dir ler mon ti vin dan Lasanble ki i pou annan lazistaz dan *scope* ki tou bann sit ki anba *one-off or after care* pou ganny abzorbe dan sa *National Tender* la ki nou pa ankor fini finalize.

E i enportan fer resorti, wi, i pou annan en rediksyon. I pou annan en rediskyon, aköz anzman ki nou pe anmennen nou pe profesyonnaliz sa. E nou bezwen pran kont osi tou ki i annan bann lenplikasyon bidzeter ki nou bezwen konsidere ladan. Me lanmenm

ler nou'n dir be non, sa model parey ti ete avan kot sakenn ti ganny en pti bout o bor kanmarad la, i kout Gouvernman bokou plis, *ok?* I kout Gouvernman bokou plis larzan.

E LWMA, ler in konsilte e mon war i drol sa kestyon pe ganny leve. Kan ler i annan kontrakter la deor, enteraksyon ki nou'n annan avek zot, zot in dir poudir sa mezir i korek. Sa mezir i korek.

(comments off-mic)

MR SPEAKER

Order!

CEO SHANE EMILIE

Sa mezir i korek.

(comments off-mic)

MR SPEAKER

Order! Onorab Arrisol silvouple, aret montre fer komanter avek lot kote. E sa i aplik pou tou lde kote lasal. CEO, silvpouple prosede.

CEO SHANE EMILE

Mersi Mr Speaker. E ler mon pe dir sa, mon bezwen *share* lenformasyon ki mon pe gannyen avek mon bann teknisyen ki al lo *site*, ki'n fer rankont avek sa bann

kontrakter. I enportan pou *share* sa, akòz piblik pe ekout mwan la ozordi bomaten. E zot bezwen konnen kwa ki'n ganny dir - fe parey i ete.

E LWMA mon rapel byen dan Lasanble menm rankont ki'n annan avek politisyen, avek tou dimoun, nou ti ganny demande pou al dan medya e donn ase lenfomasyon *which is exactly* kwa ki nou'n fer. Nou'n fer rankont rezyonnal malgre defi resours, LWMA in delivre pou li donn ase lenformasyon la deor.

E kwa ki enportan se ki bann *potential bidders* zot bezwen lir byen zot dokiman. Zot bezwen konpran prosesis, e ler zot pa asire nou annan en tim ki dedye letan dan *Procurement Section* avek sipor Minister Finans pou nou *attend* pou okenn konplent ki annan Onorab pou nou donn sa lenformasyon.

E Mr Speaker, si ou permet mwan reponn sa kestyon peyman avek ou permisyon? Ki mon pa ti reponn avan?

MR SPEAKER

Mon a ekout ou, wi.

CEO SHANE EMILIE

Mersi bokou. *In fact*, pou mwan fer resorti ki peyman i ganny fer

konm swivan, *ok?* Akòz i en konponan vremen enportan dan loperasyon. Mon bewen admet ki dan bann lannen oparavan ti anann serten problem miner konsernan peyman bann kontrakter.

Me apre mon larive dan lofis, mon'n etabli en nouvo mekanizm pou regle peyman dapre servis ki'n delivre depi 6enm zour dan lemwan avan ziska 15enm zour dan le mwan aktyel, *ok?* E avek tou resi oubyen *invoice* ki devret arive dan mon biro pa pli tar ki 20enm zour dan le mwan aktyel.

Mon'n set en *deadline* anndan pou tou mon bann lenspekter tou zofisye anmenn sa *invoice*. E mon aprouv - baze lo rekomandasyon Gouvernman Lokal e konsern tou dimoun dan kominote ki'n vin kot nou - mon aprouv tou peyman si rapor i ganny atase avek stanp ofisyel Biro Ladministrater Distrik, ki bezwen sertifye ki i satisfè avek servis sa kontrakter dan sa distrik lo lapar kominote, *ok?*

I annan en sapit dan kontak ki dir ki peyman i devret ganny fer pa pli tar ki 10enm zour dan le mwan swivan. Me avek sa nouvo sistenm peyman ki mon'n entrodwir depi lannen pase la, mazorite bann

kontrakter pe resevwar zot peyman avan lafen dimwan, oubyen avan 10enm mwan - *Sorry* 10enm zour dan le mwan swivan. Mon repet ankor avan 10enm..zour..dan lemwan swivan. Parey i prevwar legalman - Parey i prevwar legalman - dan sa kontra servis.

Baze lo kalkil ki kontroler finansyel in donn mwan, in fer pou el mwan Zanvye ziska Me 2025 vi ki sa lannen finansyel nou pe regarde la, pou sa faz mwayenn oubyen *average percentage* peyman ki'n ganny fer avan 10enm zour dan lemwan swivan, *ok* - i egal 98.5 poursan lo 428 kontrakter anba *portfolio* lazans.

E mon annan levidans si anka zot oule egzamin tou peyman par mwan avek sa analiz. E par mwan ki'n fer kalkil *by the way*. I mon kontroler finansyel ki'n fer sa kalkil. E an plis detay, *ok* en legzanp, an Zanvye ti 99.3 poursan. E an Me 100 poursan kontrakter in ganny peye avan 10enm zour dan le mwan swivan, *ok*?

Pandan en lannen edmi ki'n pase in annan en gran amelyorasyon ki nou bezwen admet avek zefor e travay ki pe arive lazans dan peyman pou servis, ki sa bann kontrakter pe donner anver Gouvernman

Sesel. Me nenport retar potansyel dan resevwar peyman apre 10enm zour sa mwan apre, i kapab ganny asosye avek plizyer rezon.

Premye, resi ki ariv an retar. E mon demann tou kontrakter ki pe ekout mwan la a sa moman pou soumet zot resi a ler, e pou evit dezapwentman dan peyman. Akoz i annan zour pandan le mwan ki ganny dedye pou fer lenspeksyon travay avek lofis Ladminsitrater Distrik avan zot ganny peye.

Mon ti fer kler lannen pase, ki mon annan mwan plziyer rezyon. E dan sak rezyon i anann 4 a 5 distrik. E 4 a 5 distrik mon annan mwan 2 lenspekter. Ki i pe al regarde li? Netwayaz semen, larivyer, lanmar, lans avek koleksyon salte. En ta travay, e i bezwen travay lo en *schedule* pou li fer sir ki i delivre aköz mon annan en *deadline* anndan. E kontrakter osi i konn sa byen.

Dezyenm rezon par ler petet ki annan en pti retar dan peyman, se aköz problemn performans kontrakter. Nou bezwen be *accountable* LWMA avek larzan *taxpayers*. Nou pa kapab zis pey en kontrakter si i annan lerer lo sit, e *DA* in konplent in dir i pa satisfè - mwan mon annan en

lobligasyon koman *CEO LWMA*, pou mwan fer sa kontrakter koriz son lerer aköz kontra i fer provizyon.

(APPLAUSE)

CEO SHANE EMILE

Kontra i fer provizyon, *ok?* I son lobligasyon. E la prezan i annan bann travay ki ganny fer kot nou bezwen fer bann nouvo kalkilasyon, *ok?* E kontra ki fer provizyon. Me i enportan pou soulinyen ki bann kontrakter pe delivre anba kontra servis. E i pa pe ganny konsidere koman bann travay sa lazans.

Zot servis i dedye anver popilasyon Sesel. E lazans i annan en lobligasyon. Mon repet ankor en lobligasyon avek larive premye - zanmen ti annan sa pozisyon. Avek larive premye *Contract Manager* dan lazans ki pe met lord avek bann keksoz ki pa ti pe mars byen. E met en standar, *ok?*

Pou fer sir ki bann servis i zwenn bezwen kominote, e nou bann kriter teknik. Mersi Mr Speaker. Ti annan sa trwazyenm pwen ki ti'n ganny leve Mr Speaker ki mon pou enviot avek ou permisyon. Mon pou envit mon *Waste Manager* pou entervenir an sa ki konsern grander louvraz ki pa

korespond avek peyman, Mr Speaker?

MR SPEAKER

Wi, i kapab entervenir wi. *Waste Manager*.

(comments off-mic)

MR SPEAKER

Order! Order! Onorab Pillay.

HON SEBASTIEN PILLAY

Ou donn siplemanter, selman kekyon orizinal pa ankor...

MR SPEAKER

Ou a ganny sans adres siplemanter.

(comments off-mic)

MR SPEAKER

Order!

(comments off-mic)

MR SPEAKER

Onorab Pillay, mon a pe demann ou ankor enn fwa gard lord silvouple, pou nou kapab rpan sa kekyon. *CEO*, oli ou zofisyei kapab pran laparol?

**MANAGER LAND WASTE
MANAGEMENT AGENCY
CHRISTINA DORA**

Mersi Mr Speaker. Bonzour zot tou a lekout. Mr Speaker, i

annan lenstans kot *bid* finansyel ki bann kontrakter ki bann kontrater aktyel ti soumet pliski 4an pase, i bokou pli ba kilenstimasyon entern, san pran an konsiderasyon grander e kompleksite bann sit netwayaz.

Dan detrwa ka, lazans in remarke ki apre kontrakter in ganny kontra, zot in eksprim ki larzan kontra pa ase, malgre ki se zot menm ki ti soumet sa *bid* pli ba. Sa bann kontrakter pa ti vreman konpran byen lanpler travay, kantite travayer ki nesaser, e lezot depans loperasyon tel ki transpor ek lekipman proteksyon personnel.

Sa pratik soumet *bid* ba, zi spou ganny kontra i pa soutenab. E in met an danze kalite servis ki lazans i resevwar pou plizyer lannen. Dan bokou ka, zot *bid* pa'n enkli bann eleman enportan tel ki netwayaz pandan *weekend* ek bann konze piblik, oubyen lilizasyon lekipman spesyalize.

An plis bann pri ki'n ganny site i bokou pli ba ki pri marse pou menm kalite travay ek kondisyon. E sa i montre ki zot in fer serten sipozisyon lo rediskyon frekans netwayaz oubyen pa met ase travayer. Sa in ogmant risk pou pa respekte

bann standar lasante ek sekirite lo sit travay. Sirtou dan bann landrwa piblik kot i annan bokou dimoun.

Pou rezourd sa bann defi, lazans in eklersi lo medya, e dan bann rankont ofisyel ek tou partisipan tender. Teknisyen Minister Finans e bann rankont rezyonal avek tou *DA* e Manm Lasanble Nasyon, ki pou sa *tender* aktyel ki ekspekte konplete lafen lannn 2025. I pa pou aksepte sa *bid* pli ba zis par *default*.

Okontrer pli gran preferans pou ganny donnen a bann soumisyon ki byen alinyen avek bann estimasyon entern lazans. E ki osi pe reponn lapel bann kriter teknik etabli, pou profesyonnaliz sa servis a en nivo pli ekitab e dekalite ki Gouvernman Sesel e Lepep Seselwa i merite.

Me osi asire ki sa bann nouvo kontrakter apartir komansman 2026, i asir en kontra ki permet li zwenn tou son bann depans pou prosen 5an. Kontra pou nepli 3an, me 5an Mr Speaker. Mersi.

(APPLAUSE)

MR SPEAKER

Mersi. Bon, mon remersye panel pou bann *statement* byen detaye ki'n pas lo sa bann size.

Mon ekspekte ki sa i a permet nou fer leres kestyon bref e direk. Vis-Preidan ou oule azout kekesoz?

VICE-PRISIDENT AHMED AFIF

Wi Mr Speaker. Mon ti oule zis azoute ki petet mon tim i en tim ki zot poli, e zot pa pou azir dan en fason ki pa apropiye dan Lasanble. Selman an menm tan mon bezwen dir nou pa apresyase bann komantr tel ki mwan ki'n ekri zot larepons. CEO, mwan ki prepar son larepons.

In prepar tou son keksoz li menm. In prepar tou son dokiman in donn mwan. Mon krwar nou pe ensilte zot lentelizans.

(comments off-mic)

VICE-PRISIDENT AHMED AFIF

Zot bann dimoun ki travay dir, nou bezwen annan respe pou bann teknisyen. E nou ebzwen respe kalite travay. Mwan mon felisit zot pou sa kalite travay ki zot pe fer. Mersi.

(APPLAUSE)

MR SPEAKER

Bon. Mon annan 8 Manm lo mon lalis. Mon pou sey pran kestyon tou le 8 si letan i permet. Si i annan lezot Manm

ki lev lanmen i pou totalman depan lo letan ki nou annan. Nou a kontinyen avek kestyon. Silvouple sey fer zot kestyon prezan presi koumsa nou kapab ganny en repons direk. Onorab Larsen, ou kestyon.

HON CECILE LARSEN

Mersi Mr Speaker. Bonzour tou dimoun, spesyalman zabitan Au Cap ki a lekout. Mon krwar lentan *tender* i ganny fer i annan e *proposed estimate* ki bann kontrakter i gannyan pou baz zot *bid* lo la. E pou sa ki nou war en koupir dan finans kontra sa bann kontrakter. Eski sa pa'n anmenn lenpak lo kalite travay ki sipoze ganny delivre, anvi serten konsern par manm piblik ki louvraz pa alaoter? Mersi Mr Speaker.

MR SPEAKER

Vis-Prezidan e *panel* nou pou sey bref silvouple?

VICE-PRESIDENT AHMED AFIF

Mersi bokou. Mon pou bref Mr Speaker. Mr Speaker, mon krwar CEO in ekpliske poudir zot *LWMA* zot annan sa ki zot apel en *Internal Cost Estimate*. Zot baz tou zot lekspektasyon bann *lof* lo la. Me parey CEO in ekpslike, se bann kontrakter ki

zot, zot *bid* par anba sa *Internal Cost Estimate*.

Me malgre sa zot fer zot mye pou zot koz ek zot, pou eksplik zot. I annan 2 ka ki ou ganny en kontrakter i pran 3 *bid*. I pa enterese ek 3enm, i enterese ek premye li. I met son pri byen li, sa enn 3enm i met en pri bokou pli ba. I pa ganny premye ek deyzenm, i ganny trwazyenm. Ler i ganny trwazyenm i vini i dir be mon konnen mon'n met ba. Mon pa ti pe rod sa mwan.

Me selman se ou ki'n mete ou pri ki *below cost estimate*. E ou akspete ou menm poudir i *below cost estimate*, aköz ou ti krwar ou pou gannye ou pa ti anvi selman. Be nou bezwen nou tou pran nou responsabilite. E li i annan en *tender process* ki li i swiv, e li i bezwen *accountable* pou tou son aksyon.

Si ou annan detay avek ou permisyon Mr Speaker, petet li i a kapab donn plis klarifikasyon. Se sa lenformasyon ki mwan mon gannye. Mersi bokou.

MR SPEAKER

CEO, si ou annan keksoz pou azoute nou a fer li bref.

CEO SHANE EMILE

Wi Mr Speaker. Mersi Onorab. Mersi pou ou kestyon. *In fact*, parey mon'n fer resorti mwan ler mon'n vini mon'n ekout konsern bann kontrakter, sanmenm sa ki mon dir safwasi nou pa pou ale pou *the lowest bid*. Nou annan sa *internal cost estimates* ki nou'n set, aköz i bezwen annan bann *bid* ki realistik.

Savedir ler i fer son kalkilasyon nou'n fini dir dan sa bann rankont ki nou'n fer. Fer sir zot prepar zot byen *this time around*, fer zot bann kalkilasyon byen. E mon'n fini mete, mon'n fini ganny *endorsement of* Minister Finans. Apre menm bann larestan Onorab ki ti la dan *meeting* rezyonal, ler nou ti fer resorti sa zot ti vreman agree avek sa.

So, savedir nou pa pe pran *the lowest bid this time around*. Savedir *let say* si i annan en sif, si ou pli pre avek sa sif i depan lo kantite ki pli pres avek sa sif, la Komite Evaliasyon i regarde e pran sa enn ki pli bon apre i get son laspe teknikal osi tou. I get finansyel avek teknikal. Mersi Mr Speaker.

MR SPEAKER

Mersi. Onorab Uranie, ou kestyon.

HON ROCKY URANIE

Mersi Mr Speaker. Bonzour *panel*. Bonzour tou koleg Onorab. Bonzour tou bann zabitan La Digue, ki pe *bid* pou en kontra. Mr Speaker, mon'n ekout VP boner. In dir ki *bidder*, bann kontrakter ki determin zot pri i pa lazans. Me selman lazans in eksplike la ki li *internally* i annan son *cost estimate* ki i fer pou sa bann kontra.

Vedir si i annan 3 kontrakter ki'n *bid let's say* en lans, en grander lans. Enn in *bid* 80mil, enn 90mil, enn 100mil. E anndan kot lazans *on cost estimate* i 85 mil. So, lekel ki pou ganny sa kontra? *In the end* lekel, dir nou vreman lekel ki determin sa pri. Savedir lekel ki donn sa pri? Akoz *in the end* i pa kapab sa *bidder* ki'n determin son pri, i bezwen lazans anndan. Lazans i deza annan *cost estimate*.

So, larzan...

MR SPEAKER

Onorab, mon pou fer mon pou met en pwen *Standing Order* devan ou. Se ki en kestyon pa devret ganny baze lo en ka ipotetik. So, permet mwan mon pou donn laparol *panel*. Selman permet mwan ki nou pa pe al antre en kantite detay lo ki ti

pou arive isi, ki ti pou arive laba dan diferan ka.

Silvouple- silvouple *CEO*, Si ou annan en remak en repons pou fer oubyen *VP*. Si zot annan en remark pou fer *go ahead*. *Go ahead please*.

CEO SHANE EMILIE

Mr Speaker, mersi. Onorab, Onorab nou ti'n deza donn sa larepons oparavan. Selman mon ava sey rod en fason mon ava reekpslik ankor. Bon, parey dan term angle i dir *Internal Cost Estimate*. Savedir ou annan en estimasyon entern ki ganny determinen par sa *procuring entity*.

Savedir sa lazans ki pe kordin sa tender. Sa fwasi baze lo bann koncern avek serten problem ki'n arive dan lepase, napa okenn *staff* dan lazans ki'n fer lestimasyon. Sa i en travay ki'n ganny fer par en ekonomis spesyalize, kalifye pou li fer sa travay. E ler in fer son travay, nou'n met devan li tou bann koncern bann kontrakter ki'n vin dvan nou pou sa bann dernyen lannen, *ok?*

In fer antre tou bann diferan depans ki ou kapab mazinnen anba lesyel ko ti koncern depans kontra, *ok?* E ler in fer sa estimasyon otomatikman parey mon'n dir,

baze lo sa *lot* ti pou annan diferan *lot* dan distrik. E ler sa kontrakter i pe *bid* la, lekel ki pe antre dan biznes la? Limenm.

Savedir si li ki dan biznes, li ki bezwen prepar son kad finansyel. Lazans pa kapab donn li sif ki i bezwen konsidere pou li kapab *submit* son *bid*. I parey tou dimoun, ler i pe *submit* son *proposal* i bezwen fer kalkilasyon pou li menm e apre *bid*. Ler pou annan evalyasyon, si par egzanp i annan sa sif, pou rezon teknikal mon pa kapab dir okenn sif la.

Me si i annan en sif let say la, *ok* - nou'n dir *this time around* si ou annan *bidders* ki laba anba, nou pa pe pran. Si i vin pli pros avek lestimasyon. Akoz avan ki ti arive, ler in fer evaliasyon in pran bann ki pli ba laba, *ok*? Si en pti gin par lao, i depan lo kantite. So, donn ou dokiman, donn ou dokiman.

Non, Onorab i enprotan ki ou ansenny ou lekor lo Lalwa Prokriman...

(laughter and **APPLAUSE**)

CEO SHANE EMILE

Akoz Lalwa Prokriman...

(comments off-mic)

CEO SHANE EMILE

Onorab, Onorab mon lentervansayon i teknikal akoz mon serye ek Lalwa. E Lalwa Prokriman Mr Speaker, i fer proviyon e nou'n fini prepar nou dokiman teknikal ki nou'n fini dir kwa ki nou pe aksepte ki Minister Finans in dakor. E dir *you are the procuring entity*, eski ou'n swiv Lalwa prokriman? Wi.

In konpare, in regarde lanmenm ler i dir *ok*, nou pe pran li parey i ete. Petet Mr Speaker, koman en sizesyon i enportan petet okenn Onorab ki annan okenn dout, mon pare pou asiz avek zot pou eksplik zot pli byen ki sa. Mersi bokou.

MR SPEAKER

Ok, i a bon. *Ok*, mon a pran en kestyon lo kote isi. Onorab Arissol.

HON SANDY ARISSOL

Mr Speaker, mersi. Bonzour Minis VP avek ou lekip. Tou dimoun ki a lekout mon ti a kontan premyerman remersye zot pouzot larepons pou zot travay ki zot pe fer. Mr Speaker, tou mon bann konsern in ganny adrese par bann larepons kler, senp e zis. Alor, en lot *PNQ* in fize sa semenn. Mersi bokou.

MR SPEAKER

Mersi bokou. Onorab Uranie, *sorry* Onorab Uranie mon'n pas li. Onorab Gill prezan.

HON CHURCHILL GILL

Mersi Mr Speaker. Bonzour *panel*. Bonzour tou dimoun. Mon kestyon i lo sa bout prosedir *tender*. Kriter ki nou'n ganny ekpslike, i dir nou ki bann dimoun ki *submit* zot *tender* i annan ki *below market value* ki nou'n ganny dir la anterm zot *cost*.

Me selman tou sa bann kontrakter, ki ozordi dan kontra zot pe fer sa bokou lannen. E zot bann kontra in ganny *extended*. Mon kestyon alor pou *CEO*, si sa bann dimoun zot *bid* par anba *market value* oubyen *estimated*, *internal estimated cost*, i annan ladan pa'n ganny kalifye pou nouvo *tender*, ki mannyer ki ou *extend* zot kontra?

Zot sipoze pa kalifye pou kapab travay selman zot deza pe travay ou *extend* zot kontra. Eski sa ekonomis pa'n realize poudir ler ou *extend* kontra apre tou sa kantite letan, i annan *inflation* dan kou loperasyon? E aköz ki *LWMA* sa kantite *extension* ki in fer, i pa'n vwar li nesaser pou osi *increase* peyman sa bann dimoun? *Given* sa bann *inflation* depi ler kontra ti sinyen *initially*. Mersi.

MR SPEAKER

Mersi. Vis-Prezidan ou adres sa avek *CEO*?

VICE-PRESIENT AHMED AFIF

Mr Speaker, avek ou laprouvasyon *CEO* i ava reponn. Mersi.

MR SPEAKER

CEO, ankor enn fwa nou a sey bref.

CEO SHANE EMILE

Ok, Mr Speaker, mersi bokou. Onorab, mersi pou ou kestyon. *In fact*, pou mwan fer resorti ki sa bann kontrakter aköz ti annan en *delay* dan *National Tender* pou nou finalize, sa bann kontrakter nou rod permisyon atraver *Central Procurement Unit*, anba Minister Finans ki *National Tender Board* in donn laprouvasyon pou nou *extend* sa bann kontrakter.

E ou rapel byen lannen pase mon'n ekout ou byen Onorab, ler ou ti pe dir mwan regarde al anmenn konsern bann kontrakter devan kot i konsern *contract sum* anba zis ti annan bann sanzman dan lekonomi. Petet si i annan petet par egzanp lenpaks kot i konsern trezyenm mwan saler.

E apre la nou'n war poudir *minimum wage* osi tou.

Mon'n fini fer sa travay. *In fact*, tou kontrakter in ganny let. Ou konnen konbyen ki'n *submit claim*? 6 dan tou sa kontrakter. Me anterm *minimum wage* mon an negosyasyon avek Minister Finans, akòz nou'n fini ganny serten *request from* bann kontrakter. E Minister Finans pe regarde. Akòz ou konnen i annan sa risk finansyel la ki bezwen regarde dan Bidze ki provizyon i kapab fer.

Akòz ou pa prevwar ler i annan sa bann sanzman ekonomik. So, ou bezwen fer son kalkilasyon e regarde e fer provizyon. Savedir dan *Mid-Year Review* i pou bezwen fer provizyon, akòz i pa zis mwan ki'n *submit* sa demann devan Minister Finans. I osi annan Minister Ledikasyon osi tou avek bann lezot Minister. *Ok?*

MR SPEAKER

Mersi *CEO*. I a bon. I a bon. Onorab Loze, ou kestyon.

HON JOHAN LOZE

Mersi Mr Speaker. Mr Speaker, nou remersi bann teknisyen ki'n vin avek en larepons prepare pou en kestyon ki Vis-Prezidan ti napa repons. Mr Speaker, ti annan kestyon

orizinal in entrodwir 3 size li en. Fot dan prosedir *tender*, peyman ki tarde, grander louvraz ki pa koresponn avek peyman.

Prezan *CEO* i dir nou poudir i ekout byen konsern bann kontrakter. Be ler *CEO* ti reponn son larepons orizinal in koz lo 2 soumisyon ki'n ganny fer avek li, lo sa premye *issue* se fot dan prosedir *tender*. Prezan mwan mon kestyon pou *CEO* Mr Speaker, eski i pe donn Lasanble en lasirans ki dan tou sa bann kontrakter *LWMA* in ganny zis 2 soumisyon sorti kot kontrakter lo fot dan prosedir *tender*, peyman ki tarde, grander louvraz ki pa korespond avek peyman.

Eski zis 2 kontrakter ki'n lev sa bann size avek li e avek son bann zofisye dan *LWMA*? Mersi Mr Speaker.

MR SPEAKER

Mersi. Yes Vis-Prezidan. Nou a demann *CEO* pou reponn.

VICE-PRESIDENT AHMED AFIF

Mersi. Mon a donn *CEO* silvouple.

MR SPEAKER

CEO?

CEO SHANE EMILE

Mr Speaker, mersi. Onorab, mersi pou ou kestyon. Sak sa bann konponan dan sa kestyon son konteks i diferan. Ki mannyer i diferan? Ler i annan sa alegasyon lerer dan prosedir *tender*. Mon'n fer resorti - mon'n donn larepons mon'n dir i annan 2 *potential bidders* ki'n vin kot mwan, *ok*?

E parey mon'n fer resorti prekalifikasyon pa'n ganny fer par lazans, in ganny fer par *Central Procurement Unit*. Zot in vin kot mwan in dir mwan poudir apre tel kantite letan, i annan enn in ganny son let, lot osi parey ki'n dir *whatever* ki li in war ki li i pa satisfè. E dan son let ki in gannye avek *Central Procurement Unit*, in fer kler ki i bezwen al fer sa *judicial review*. Akoz la Lalwa Prokirman i donn li sa drwa pou li fer sa.

Sa dezyenm konponan sa kestyon kot i konsern peyman anretar, *ok* - sa mon napa en sif lo mon latib, me pa mazorite parey mon pep ganny dir la bomaten la, *ok*? I annan kontrakter ki wi, dan bann mwan oparavan ki'n *call* mon lofis pe demann en *feedback* lo zot peyman. Me 10enm zour mwan apre ki parey mon'n dir son mwan swivan, i pa ankor frenmen sa mwan.

E nou ti ankor dan sa letan pou nou donn li son peyman. E lanmenm ler mon dir mon dir nou a fer *follow up* pou nou regarde. *Ok*, Onorab? So, mon napa en sif pou odnn ou pou sa. Akoz sa parey mon pe dir ou i en lot konponan dan li menm.

Trwazyenm kestyon kot i konsern *scope* wi i annan serten sanzman ki mon'n fer depi ler mon'n pran lofis an Out 2023.

I annan kontrakter ki ti ganny en kontra ki son *scope* sete tro elarzi, e wi mon'n vwar. E dan *clause* dan kontra i dir ou kapab fer modifikasyon, akoz i en *case-by-case basis* sa. Koman kontrakter i vin kot ou i dir ou. E vre ler mon'n al lo *site* mwan menm an personn, mon'n analiz sa *site*. E mon'n war sa larzan ki i pe gannye i pa ase konvenab, e mon'n fer sanzman dan son kontra.

Me avan mon fer modifikasyon mon bezwen alert *POU or Central Procurement Unit*, akoz mwan osi mon annan en lobligasyon anba Lalwa pou fer sir ki mon swiv lareg, *ok*. So parey mon'n dir, lareman or kontra i fer proviyon pou annan modifikasyon. Me sa i bezwen annan en negosyasyon ant lazans avek sa kontrakter. Mersi Mr Speaker.

MR SPEAKER

Mersi *CEO*. Onorab Vidot, ou kestyon.

HON AUDREY VIDOT

Mersi Mr Speaker. Bonzour Mr Speaker, *VP* ek ou delegasyon tou Manm Onorab. En bonzour spesyal zabitan Roche Caiman. Mon kestyon pou *panel*, zot in dir pou dir zot resevwar sa bann *invoice* dan bann le 20. Akoz ki menm si Lalwa i annan serten provizyon pou peyman, zot pa kapab fer le nesese pou asire - si zot dir poudir zot bann lenspekter zot bann programm pe mars byen, akoz ki zot pa kapab fer provizyon ki sa bann dimoun, bann kontrakter i ganny peye a ler pou ki zot kapab pey zot bann travayer, osi a ler, zis parey nou ki travay nou anploye nou ganny nou saler nou dat ki nou merit gannye?

Mon dezyenm kestyon; anlany avèk zot dir poudir zot pe mars byen an term dan lenspekasyon pou asire ki travay i mars byen, kontrakter pe delivre. Zot dir pou dir zot annan en programm travay, me *still* i annan deka kot i annan distrik Ladminsitrater Distrik in demann zot en programm *schedule*, zot pa ankò kapab donnen. I annan defwa kot zot

menm pa enform *DA* pou al vizit kot kontrakter i ale lo li menm, lenspekter i ale lo li menm.

E kontrakter parfw a annan konsern akòz zot ganny dir i anan konplent lo zot *site* i sal. Me par kont i pa dan zot *scope of work*. E sa lotorite pa konnen. So, si ou kapab klarifye sa? *Thank you*.

MR SPEAKER

Mersi. *Panel* nou a fer en klarifikasyon. Vis-Prezidan?

VICE-PRESIDENT AHMED AFIF

Mr Speaker, avèk ou permisyon. Zis lo premye pwen kontrakter pa pe ganny peye a ler. Mon krwar mon a les *CEO* donn bann sif. Selman zis pou *remind* li poudir;

- May 100 poursan kontrakter ti ganny peye a ler.
- An Avril, 98.4poursan ti ganny peye a ler.
- Fevriye, 96poursan ti ganny peye a ler.
- E mwan Zanyve 99.3poursan ti ganny peye a ler.

Alor, annou pa envant problem kot napa problem. Sa premye pwen. Dezyenm pwen kot i konsern serten ki zot annan vizavi peyman

verifikasyon avek ou permisyon mon a les *CEO*...

MR SPEAKER

Wi, *CEO*. Nou deza tandè en repons silvouple. Zis azout sa ki neser, apre i annan keston enplikasyon *DA* dan bann vizit si ou kapab adres sa. Silvouple nou pe *run out of time*, mon ti a kntan terminen.

CEO SHANAE EMILE

Mr Speaker, mersi. Mon pou pas sa keston avek *Waste Manager*. Akoz i konpran byen son *portfolio*. E i a kapab donn sa bann larepons ki Onorab pe espere. Mersi bokou.

MR SPEAKER

Waste Manager.

**MANAGER LAND WASTE
MANAGEMENT AGENCY
CHRISTINA DORA**

Mersi Mr Speaker. An sa ki konsern vizit avek *DA*, tou bann lenspekter i *schedule* zot vizit avek *DA on a weekly basis*. E tou *DA* i ganny enformen, e mon ti a kontan fer resorti Mr Speaker ki Roche Caiman i distrik ki nou pe ganny byen resewar avek *DA*. E *DA* i byen azour avek sa ki pe pase. Mersi.

(*comments off-mic*)

MR SPEAKER

Mersi. Onorab Georges?

HON BERNARD GEORGES

Mersi Mr Speaker. Mersi. Mr Speaker, mon ti a kontan felisit *panel* ki devan nou ozordi ki'n byen reponn en keston malfonde par *Leader* Lopozisyon. Mon keston i lo trwazyenm vole sa keston ki devan nou ozordi. E en pti pe swivan sa enn ki fek ganny demande.

Eski i annan en posibilite, e la mon adres sa keston avek *CEO LWMA*. Eski i annan en posibilite pou regard sa bann kontra lo en baz distrik, *rather* lo en baz nasyonal? Akoz parey in eksplike *DA* i bezwen *vet*, e asire ki performans i bon avan ki peyman i ganny fer.

Me eski i pa ti a kapab kekfwa dan lentere sa distrik pou ki sa bann kontra i ganny administre lo nivo distrik an partikilye pou rod bann kontrakter ki reste dan sa distrik. E ki ava annan donk en lanmour pou sa travay ki zot fer akoz se zot distrik ki pe ganny revwar, dan en fason ki nou ava annan si i annan mens problem lo lakantite travay vizavi peyman ki ganny fer.

E nou ava kapab fer ki lentere gard en distrik byen prop - an bonn sante i ava reste

lo nivo sa distrik. Mersi Mr Speaker.

MR SPEAKER

Mersi. VP, lekel ki kapab adrese?

CEO SHANE EMILE

Mr Speaker mersi. Onorab mersi pou ou kestyon. Ou konnen ler mon ti pran lofis Out 2023, mon ti *ponder* lo sa sizesyon ki ou'n met devan la bomaten. E ler ou pe get pratik global dan plizyer pei, en legzanp mon'n viv Ostrali. I responsabilite *Council* pou li annan *oversight* lo bann kontra netwayaz, e pa en lazans dan Gouvernman ki fer li.

E petet wi, mon poudir mon totalman dakor aköz i pa zis mwan ki'n *echo* sa sizesyon. I osi Manm *Management* e osi *previous Board*. E osi menm bann travyer ki'n *echo* sa. E mon krwar la prezan petet la, i ava annan sa bon travay ant bann Onorab dan sak distrik avek *DA*, ki petet zot kapab annan en pli bon apersi lo bann keksoz ki pe arive dan zot distrik.

E annan en gran kontribisyon osi tou atraver sa. So, selman sa i en desizyon ki Gouvernman i bezwen pran. Me selman koman en teknisyen, baze lo pratik global mon pou

siport sa 100poursan Onorab. Mersi bokou.

MR SPEAKER

Mersi. Bon, nou'n fini avek kestyon bann lezot Manm. Zot a remarke ki nou'n bokou depas letan abityel. E mon oule eksplike ki sa i en leksepsyon aköz ozordi nou pou annan zis kestyon lo *Order Paper*. So, mon santi ki nou'n annan en pe plis letan pou sa. Onorab Pillay, mon a pran ou kestyon siplemanter.

HON SEBASTIEN PILLAY

Mersi Mr Speaker. Mon remersye *Leader* Zafer Gouvernman avan mwan ki'n lo en kestyon mal fonde finalman, bezwen demann en kestyon lo mon kestyon mal fonde. Sel keksoz ki mal fonde se li menm lefe ki napa personn pou...

MR SPEAKER

Ale, ale, ale. *Ok*.

HON SEBASTIEN PILLAY

Bezwen ganny dir Mr Speaker. Dezyenmman Mr Speaker, mon oule ki piblik i note ki ap e ki vis Prezidan in dir i napa larepons, nou'n vwar plizyer larepons ki'n fini ganny ekrir par bann Manm *Panel* ganny lir devan piblik. So, i pa mwan ki pou zize se piblik ki pou zize si semen i prop, si

bann kontra pe ganny byen fer. E bann kontrakter ki pou zize si zot pe ganny zot peyman a ler. E si sa bann keksoz pe marse. Sa i koumsa.

Prezan annou vin lo bann fe ki'n sorti dan sa keston e mon osi note ki mannyer *panel* i tret bann ...

MR SPEAKER

Ale, siplemanter silvouple.

HON SEBASTIEN PILLAY

E ler i ganny demande lot kote. Nou note sa, nou remersi zot pou tret nou dan sa fason. E nou remersi zot pou tret lot kote dan en lot fason. Napa problem ek sa.

MR SPEAKER

Ou siplemanter Onorab.

HON SEBASTIEN PILLAY

So, ou'n vini ou'n dir avek nou koumsa ki poudir ou'n ganny zis 2 konplent ou. Ou, ou'n ganny zis 2 konplent. Mon a re aranz sa keston. Konbyen konplent ou lazans in gannyen an zeneral sorti kot bann kontrakter? An sa ki konsern premyerman fot dan prosedir *tender*.

Konbyen an zeneral konplent ki ou lazans in gannyen an relasyon avek sa. E eski par ou menm ou, ou osi

ou'n bezwen al demann *Procurement Committee* pou regard dan sityasyon kot posibleman dokiman *tender* kontrakter i annan keksoz ki pa ti ladan ler ti *submit*, e pa ladan *by the time* kontra in ganny donnen.

Eski pa i korek oumenm ou'n bezwen fer Mr Speaker, nou oule met sa pou CEO klarifye pou nou.

Dezyenmman Mr Speaker, ou dir koumsa poudir tou *DA* i vizit ek lenspekter. Be nou'n ganny en mesaz Mr Speaker la, ki dir poudir depi sa lannen lenspekter pa ankor vin kot sa *DA*. Mr Speaker, mon kapab donn ou, ou mon ava donn ou. Akoz i annan viktimizasyon, ou mon ava donn ou. Mon a montre sa *DA* lekel ki'n dir sa. Akoz...

MR SPEAKER

Onorab...

HON SEBASTIEN PILLAY

Ako zli i pou al dir, li i pou al viktimize. Vis-Prezidan pou al viktimize. So, keston pou li, eski ou *stand* anba ou *statement* ki tou distrik lenspekter pe ale avek *DA* ozordi - *you stand by that statement* or eski i annan travay ki bezwen ganny fer pou asire ki sa lenspeksyon lo travay sa

bann kontraker i ganny fer an relasyon avek zot peyman?

Prezan trwazyenmman Mr Speaker, i annan 3 pwen dan kestyon. Ou'n les zot reponn tou le 3 pwen, so les mwan demann...

MR SPEAKER

Onorab, 2 kestyon. *Panel* reponn silvouple.

HON SEBASTIEN PILLAY

Semenn pase ti napa problemn dizef, la *State House* i ponn. Konmsi ki ou kapab konpran? Semenn pase, la...

(comments off-mic)

MR SPEAKER

Order! Order! Panel mon a ganny zot repons silvouple. *VP?*

VICE-PRESIDENT AHMED AFIF

Mersi bokou Mr Speaker. Avek ou permisyon lo kote konplent, konbyen konplent ki'n resevwar? E si tou *DA* i ganny konsilte, mon prezimen wi. Me selman mon a permet *CEO* avek ou permisyon donn son larepons. Mersi.

MR SPEAKER

CEO, ou ava adrese silvouple.

CEO SHANE EMILE

Mr Speaker, mersi. Onorab, mersi pou ou 2 kestyon. Premye kestyon, wi, mon debout par mon *statement*. Kot i konsern wi tou mon bann lenspekter i al vizit dan distrik avek *DA*. Si *DA* pa la i anvoy *Office Manager*. Si *Office Manager* pa la i anvoy en lot zofisye, *ok?* Selman si i annan okenn konsern, i annan okenn lobzervasyon i normal, aköz parey mon'n dir e mon ti fer kler osi tou.

Mon vwar piblik tou le Zedi mwan. Si i annan okenn konsern, i annan okenn lobzervasyon, sakenn i annan son drwa anba Lalwa pou li egzers drwa e pou li *raise* son konsern devan lazans, *ok?* E apre nou kapab fer *investigation*.

E premye, apre ti annan sa kestyon ki ou'n demande kot i konsern kantite ki lazans in anrezistre? Mwan mon reprezant lazans, so tou konplent ki mon'n resevwar parey mon pe dir ou i 2. E mon'n fini vwar sa 2 endividi. Mon'n fini war sa 2 endividi, *ok?* E petet i enportan fer resorti ki wi i annan ka ki mon bezwen lyez avek *POU* pou mwan regarde; pou mwan regarde *basically* sa *outcome* avek son *appeal* aköz i koumsa.

Me *at the end of the day* mon'n ganny *advise* ki, be *CEO*

baze lo sa *memo* ki ti *release* i pou annan *judicial review*. Savedir petet i enportan fer resorti. E mon pou redir ankor. E mon pou redir ankor, Lalwa Prokirman i ganny enplimante anba Minister Finans. Petet, i enportan annan enteraksyon separe avek *POU* avek *Central Procurement Unit* pou sa prosedir pre kalifikasyon.

Akoz nou, nou zis en antite ki pe lape dir ki kriter ki nou pe ekspkete – wi, i normal. Me pa nou ki fer seleksyon pou fer sir ki sa lot dimoun i bouz dan sa lot staz *tender*. So, i enportan annan en enteraksyon avek Minsiter Finans. Mersi bokou Mr Speaker.

MR SPEAKER

Mersi. Bon, nou'n termin la pou kestyon *PNQ*...

HON SEBASTIEN PILLAY

Be Minis Finans pa'n reponn Mr Speaker?

MR SPEAKER

Mon remersye bann zofisye ek Vis... silvouple Onorab Pillay, ler Speaker, pe koze ou sipoze pe ekoute. Mersi Vis-Prezidan e bann zofisye, mon swet zot bonn kontinyasyon e bon depar.

(APPLAUSE)

MR SPEAKER

E Madanm Raporter ou ava apel lot Minis silvouple.

(comments off-mic)

MR SPEAKER

Lasanble i ankor an sesyon silvouple! Bonzour Dokter Justin Valentin Minis pou Ledikasyon. E bonzour Ms Merna Eulentin Sekreter Prensipal. Mr Bernard Arnephy Direkter Zeneral. Mr Ferdinan Denousse Direkter *Seychelles Institute of Technology*. E lo kote nou osi annan Mrs Gina Domingue Direkter Zeneral pou *Human Resources and Administration*. Mr Jean Alcindor Direkter Zeneral for *Technical and Vocational Educations*.

Byenveni zot tou, ok mon'n gnny tou. Byenveni zot tou pou partisipasyon dan sa kestyon. Minis, delegasyon e bann Manm i okouran ki nou annan en long lalis kestyon, 20 antou mon krwar. Minis, i pou en maraton. E mon krwar *Assembly Business Committee* ki ti prepar *Order Paper*, in prevwar ki nou pou al lazournen lo sa bann kestyon.

Me an menm tan, nou bezwen gard en regar lo letan.

So, nou a komanse. E nou a fer otan ki posib dan sa bomaten, e nou a fini apre midi. Premye kestyon i limero 94, dan non Onorab Sylvanne Lemiel.

HON SYLVANNE LEMIEL

Mersi Mr Speaker. Bonzour Mr Speaker. Bonzour Minis avek ou delegasyon. Mon kestyon i lir konm swivan. Minis 1e 19 Novanm 2024, ou ti anonse ki ou Minister pe al konsantre lo *high impact teaching* 2025 pou bann etidyan akademik avek bi amelyor performans sa group etidyan. Sa Lasanble ti a kontan ganny plis detay lo sa nouvo stratezi ki ou ti prononse? Mersi.

MR SPEAKER

Mersi Onorab. Minis?

MINISTER JUSTIN VALENTIN

Mersi Mr Speaker. Bonzour Mr Speaker. Bonzour tou bann Manm Onorab. Bonzour tou bann dimoun ki pe ekout nou lo diferan medya. Onorab, mersi pou ou kestyon. Mr Speaker, sa lanons pou konsantre lo sa *high impact teaching* sirtou avek bann etidyan akademik, ti en lapel pou bann ansennyan revwar lapros ki zot kapab servi pou anmenn plis rezilta.

Nou anvi war bokou plis etidyan ki score grad C ou pli

meyer dan zot bann diferan size. E sa ti direkteman en lapel pou alert bann ansennyan lo bann metod enternasyonal ki'n ganny prouve i ede pou er zanfann, etidyan reisir pli byen. Par egzanp anmenn plis koneksyon ant konsepsyon ki en etidyan pe aprann avek lavi toulezour.

Fer zanfann aprann set bann *goals* ek target pli realis. Entrodwir legzanp ki konkret e bann diskisyon ki angaz etidyan. Servi bann metod kestyon ki adres tou nivo entelektiyel. Donn etidyan legzersis ki fors zot enterakte ek konsepsyon. E aprann bann nouvo keksoz. Adres diversite e enklisivite dan leson. Striktir leson dan en fason korean e lozik. Kre konteks e lespas pou fer etidyan enterakte ek kanmarad. E byensir entrodwir teknolozi dan laprantisaz.

Mr Speaker, bann diferan group travay ki pe reviz program skoler pe fer sir ki sa bann stratezi ki pa nesesman nouvo, pou relans kalite laprantisaz e donn bann ansennyan sa konviksyon ki sa bann metod i ankor relevan e aplikab.

Mr Speaker, 2 stratezi ase modern ki nou ep entrodwir anba sa parasol *high impact teaching* se *socio emotional*

learning - en stratezi ki adres lemosyon e sityasyon psikolojik en zanfan.

Dezyenm se Ledikasyon Etik en metod lansennyman ki valoriz diferans, e diversite antre bann etidyan. E ed etidyan servi sa lekspektasyon pou viv an larmoni avek kanmarad. Mersi Mr Speaker.

MR SPEAKER

Mersi Minis. Onorab, ou siplemanter.

HON SYLVANNE LEMIEL

Mersi Mr Speaker. Mersi Minis, pou ou larepons. Minis, sa ou'n dir ti en lapros. I ti pou annan metod enternasyonal ladan. E ou annan 2 stratezi li menm ki ou'n fini komans lanse. Mon ti a kontan konnen si sa in fini ganny lanse dan tou lekòl e tou ansennyan i ofe avek sa ki ou pe demann zot pou zot al fer?

Zot annan sa konpetans dan tou sa ki ou pe demann zot pou zot al fer, pou ki nou bann zanfan li menm i kapab petet nou vwar bann amelyorasyon dan zot rezilta. Akòz parey ou i ti dir sa stratezi li menm i ti pou bann etidyan ki pou amelyor, amelyor zot letid lo nivo akademik.

So, eski la letan ou'n lans sa lapros ou'n lans li dan tou lekòl ? E lo ki staz osi ki ou'n

komanse? Eski i pe komans dan primer? I pe komans dan segonder? Donn nou en pti pe plis detay. Mersi Mr Speaker.

MR SPEAKER

Mersi Onorab. Minis?

MINISTER JUSTIN VALENTIN

Mersi Mr Speaker. Mersi Onorab. Mr Speaker, bann metod ki nou demann bann ansennyan pou fer, i parfw nou kontinyen repete. Akòz nou santi annan de ler apre ki ou'n lans en keksoz, apre pli tar ou santi ki i annan i kontinyen garde. Me i annan sa tandans ki dimoun i kontan retoun dan zot konfortabilite.

Donk, nou, nou fer sir ki Minister Ledikasyon, bann zofisye, e osi kot lekòl i annan bann *leaders* bann diferan *leaders* i kontinyen revwar bann travay ki bann ansennyan pe fer. E annan bann sipor lokalize ki ganny fer. Sa bann metod ki mon'n dir dan premye group, i bann metod ki pa neseserman nouvo parey mon'n dir. Me selman i bann metod ki ou bezwen tanzantan ou pe redir bann ansennyan ki pou fer.

Me lo sa ki konsern sa 2 stratezi *socio emotional learning*, e ledikasyon etik, sa enn i pe ganny fer dan tou lekòl

e pou le moman nou konfortab ki bann ansennyan i pe konpran sa 2 metod. E pti a pti zot pe aplik li dan zot lavi toulezour. Mersi Mr Speaker.

MR SPEAKER

Mersi. Wi Onorab, mon a permet ou en klarifikasyon.

HON JUSTIN VALENTIN

Mr Speaker, mersi. Letan Minis pe reponn mwan, i pe fer mwan realize Mr Speaker. Eski si nou pe dir, nou pe koz *high impact teaching* la. Eski zis sa 2 stratezi i ase ki ou'n lanse petet pou fer ki i annan sa *high impact teaching*? Oubyen ou annan lezot keksoz osi ki ou pe mazin lanse ki pou enkorpor dan tousala, ki pou nou ganny sa rezilta ki nou pe konsernen dan *high impact teaching* pou nou bann zanfan? Mersi Mr Speaker.

MR SPEAKER

Mersi. Minis, si ou kapab elabore.

MINISTER JUSTIN VALENTIN

Mon ava elabore Mr Speaker. Mr Speaker, ou pou realize dan mon premye paragaf mon ti nonm omwen 9 diferan metod, stratezi ki form parti *high impact teaching*. E apre mon'n konsantre lo 2 ki nouvo ki pe

ganny enplimante dan bann lekol. Tousala, ansanm - ansanm i pa vedir ki tou ansennyan pou fer tou sa bann metod tou lazournen, toulezour.

I annan ansennyan ki konsantre lo en pe metod, i annan i konsantre lo diferan, me selman sa i lalis bann metod ki si i ganny servi byen nou konnen. In prouve enternasyonalman ki sa bann metod i anmenn rezilta dan laprantisaz. Mon panse PS ki swivre osi bann diferan aktivite ki ariv kot lekol, i anvi azout en pe lenformasyon lo evalyasyon. PS?

MR SPEAKER

Wi, PS, oule azoute?

PS MERNA EULENTIN

Mersi Mr Speaker. Bonzour tou bann Manm Onorab prezan. E bonzour tou bann dimoun ki a lekout. Zis en pti pwen ki petet mon anvi azout lo sa ki Minis in dir. Mersi Onorab pou ou kestyon.

Ti annan osi formasyon lo evalyasyon ki resaman bann depite direkter ek direktris ansanm avek bann kordinater letid, ki swa lo nivo primer ou segonder ti ganny formasyon lo ki mannier nou evalye dan

laklas. Akoz, parey ou konnen Onorab ou'n en ansennyan.

E parfwa nou vwar ki pete zot i annan zis sa evalyasyon papye kreyon me pou nou kapab get bann diferan fason pou nou evalye sirtou bann *high achievers* parey ou pe koz lo la lo kote akademik. So, sa i zis enn ki mon'n anvi azoute. Mersi.

MR SPEAKER

Mersi. Onorab Arissol, Sandy.

HON SANDY ARISSOL

Mersi Mr Speaker. Bonzour Minis avek ou lekip. Mr Speaker, mon ti anvi demann avek Minis ou konnen parske souvandfwa letan nou pe koz *high impact teaching*, bann metod ki nou servi, i annan keksoz ki mon'n realize. Parske mwan mon annan zanfan ki dan lekol, primer ozordi sa ki zot pe fer se zot partaz avek paran bann *syllabus* bann program, bann nouvo *teaching practice* ki nou zanfan i bezwen aprann dan lakour.

E la mon fek sorti Minister Ledikasyon 2 semenn pase, parski annan bann nouvo keksoz zot in entrodwir lo primer ki mannyer marmay i *google* pou ganny lenformasyon, i annan en sa ki zot in donn nou paran.

So, lo kestyon Onorab Lemiel mon ti a kontan zisteman demann avek ou Minis, kote nou paran nou sitye nou letan Minister Ledikasyon par egzanp zot fer prononsman *in regard to high impact teaching*, pou ki nou osi paran nou kapab siport bann ansennyan. Parske zis ansennyan tousel pa pou fer nou zanfan *shine*, me bann paran osi. Kote nou paran nou kapab rantre, kote zot bezwen nou pou nou kapab donn sa sipor pou ki nou zanfan i fer byen an relasyon avek son letid? Mersi Mr Speaker.

MR SPEAKER

Mersi Onorab. Minis?

MINISTER JUSTIN VALENTIN

Mersi Mr Speaker. Mersi Onorab. Mr Speaker, i vre ki paran i zve en rol enportan dan laprantisaz son zanfan. E sa i reflekte kot lekol en kantite, aköz lekol i enkli sirtou bann lekol primer i angaz bokou zot bann paran dan lavi lekol, dan lavi letid zot zanfan.

I annan bann *open days* ki ganny fer kot bann lekol, ki bann paran i ganny envite pou *attend*, pou ale. E tousala ansanm i donn sa paran en lendikasyon ki pe arive pou zot kapab partisip dan lavi zot

bann etidyan. Me sa ki petet nou kapab e fer plis ankor, nou kapab - i annan lekol ki fer pa tou - i annan bann latelye ki bann diferan lekol i fer, bann anliny apre lekol osi zot zwenn bann paran. E sirtou si i annan bann zanfan ki en pe pli retarde, nou war i annan serten lekol i menm apel bann zanfan, bann paran ki pou donn zot bann metod siplemanter pou travay avek zot bann zanfan.

Donk, lekol i fer son mye pou osi angaz bann paran dan lavi zot bann etidyan. Me selman parey nou dir osi, pa tou paran ki pou annan letan an term pou al kot lekol pou al partisip dan sa bann kalite aktivite. Me selman la nou demann paran osi pou kre letan, aköz zot bann zanfan i bezwen zot. Kre letan, rod en pe letan e nou osi pe envit paran pou konnen ki pe arive kot lekol aköz si zot, zot pa konnen byensir zot pa pou kapab siport zot bann zanfan.

Donk, ozordi atraver sa kestyon mon lans en lapel pou bann paran al kot lekol, bann paran angaze avek ansennyan zot zanfan ; fer ki sa metod montre zanfan lesen, sa metod sa leksperyans i pa vin zis en zafer ansennyan e etidyan. I osi vin en leksperyans ki paran i

partisip ladan. Mersi Mr Speaker.

MR SPEAKER

Mersi Vis-Prezidan. Ok nou ava al lo en lot kestyon. Limero 95, Onorab Michel Roucou.

HON MICHEL ROUCOU

Mersi Mr Speaker. Bonzour Minis, ek ou lekip. Bonzour tou dimoun ki pe ekout nou. Mr Speaker, kestyon 95 i lir koumsa; eski Minis i kapab dir Lasanble konbyen laplikasyon ki *UniSey* i resevwar avek etidyan enternasyonal pour Program Letid ki *UniSey* i ofer? Mersi.

MR SPEAKER

Mersi. Minis?

MINISTER JUSTIN VALENTIN

Mersi Mr Speaker. Mersi Onroab, pou kestyon. Mr Speaker, pandan sa dernyen 3 an *Unisey* i resevwar an mwayenn 6 a 10 laplikasyon sak lannen. An se moman *Unisey* i annan 3 etidyan enternasyonal ki'n ganny enstri lo son bann program dan sa bann domenn swivan;

- *Diploma in IT and Computing* i annan en *Nigerian*.

- *MA in Peace and Conflict Resolution* i annan en *Hungarian*.
- Dan *BSC in Environmental Science* i annan en Morisyen.

Tou le 3 etidyan pe pey zot prop letid, e zot pe reste Sesel pandan ki zot pe fer zot letid. Dan program *Doctorate in Business Administrations* ki komanse an Septanm 2025, i annan en Franse ki pe ekspekte vini. Li osi i pou pey son prop letid. Pou le moman i pa ankore ariv dan pei. Me i pou antre pou li komans son program an Septanm 2025.

Tou etidyan etranze pou le moman i pey menm pri avek bann etidyan Seselwa. *Unisey* sa i en metod se pou atrakte plis etidyan enternasyonal dan son bann program. Mersi Mr Speaker.

MR SPEAKER

Mersi Minis. Wi Onorab, ou siplemanter?

HON MICHEL ROUCOU

Minis, mersi pou ou larepons. Annefe si ou kapab dir avek nou ki benefis ki pei li menm li i pou gannyen ler bann etidyan pe vin etidye isi? E apre osi ou'n mansyonn plizyer bann pei kot bann etidyan ki deza pe fer bann letid isi e ou'n dir pou dir

i annan sa Franse ki annan nide pou vini pou swiv son letid.

Si ou kapab dir avek nou ki *Unisey* li menm li i pe fer pou fer sir ki i atrakte plis bann etidyan enternasyonal pou zot kapab pourswiv zot letid isi? Apre osi Minis, si ou kapab dir nou...

MR SPEAKER

Onorab, ou'n demann 2...

HON MICHEL ROUCOU

Enn dernyen Mr Speaker.

MR SPEAKER

Ou pe al lo 2 la. Les Minis reponn sa 2 kefwatwa en lo ti ava kapab poz ou kestyon. Minis?

MINISTER JUSTIN VALENTIN

Mersi Mr Speaker. Mr Speaker, i annan bann benefis - byensir bann benefis ekonomik ki kapab arive letan i annan bann etidyan enternasyonal. Ou konnen sirtou i annan bann pti lendistri ki benefisye, par egzanp vitman la ou kapab mazin bann dimoun ki lwe lakaz par egzanp ki kapab benefisye.

E osi bann mon konnen etidyan byensir ki pe peye direkteman, i pe anmenn reveni dan lekonomi pei. Donk, i annan sa benefis ekonomik byensir. E apre i annan osi

benefis ki etidyan li menm sa kominote entelektyel sa pei i gannyen. Akoz letan ou vwar etidyan enternasyonal sirtou ki vin dan diferan, diferan konteks, diferan *backgrounds*.

Sa i ede pou fer ki konnen bann refleksyon, bann rezonnman bann enteraksyon bann etidyan i vin ris, i vin pli ris i varye. E apre sa ki osi i anmennen letan ou vwar bann etidyan enternasyonal i vin Sesel i toultan osi i deklanse bann relasyon ant swa bann pei ouswa bann liniversite ki bann etidyan swa kot in sorti. Ouswa bann liniversite kot sa etidyan i kapab ale.

Par egzanp mon rapel *Unisey* lefe ki a en moman ti annan etidyan enternasyonal. E ler li prezan *Unisey* in deside anvoy on bann etidyan *overseas*, al etidye dan lezot liniversite sa in pli fasil. Sa laport in ouver pli vit, aköz byensir in donn lendikasyon ki i annan etidyan enternasyonal ki'n vini.

E sa etidyan enternasyonal lafason posibleman ki in vann son leksperyans, in ede pou fer ki *Unisey* osi son laport i ouver pou son bann etidyan pli lwen. Ki bann stratezi ki en liniversite normalman i fer e ki mon konnen Liniversite Sesel pe fer

zot - enn i annan bann promosyon ki zot fer, sa i premyerman.

Apre i annan bann, *exchange programmes* ki zot fer avek lezot liniversite aletranze. Sa i ede pa neseserman pou bann etidyan vin long term. Me bann etidyan pas en pti peryod letan petet en *semester* detrwa semenn and so on. E an fezan sa, i permet osi bann etidyan prezan ler zot in fini atraver 1 mwan, 2 mwan, 1 *semester* partisip dan lavi en liniversite i permet zot pli tar retournen pou fer en long program.

Ouswa ankor parey mon pe dir zot vann sa liniversite avek lezot. Ler mon dir vann, pa vann fizik, fer promosyon pou sa liniversite atraver zot leksperyans ki zot in pas ladan. Donk, vwala bann metod ki Liniversite pe fer pou le moman. Mersi Mr Speaker.

MR SPEAKER

Mersi Minis. Onorab Sandy Arissol?

HON SANDY ARISSOL

Mr Speaker, mersi. Mersi Minis, pou bann larepons ki ou'n donner. Mon ti anvi zisteman tous sa dernyen pwen ki ou'n koz lo la. Ou konnen letan ou'n mansyonn bann sif, kantite etidyan etranze ki nou annan,

apre ou'n dir sa enn 4enm pe vini Lafrans, mon ti a kontan zisteman demann ou, akòz pou le moman nou annan zis sa 3? Eski depandan kefwà lo program ki nou pe ofè ki nou napa bokou plis, oubyen liniversite nou annan pou le moman kapasite zis pou nou pran sa 3 e 4enm ki pe vini? Mon ti anvi sa larepons.

MR SPEAKER

Mersi. Minis?

MINISTER JUSTIN VALENTIN

Mersi Mr Speaker. Mr Speaker, anefè i annan plizyè faktè pou en etidyan vin gann swazir pou vin dan en liniversite i bezwen plizyè faktè. E menm osi lafason ki sa Liniversite i konnen i rekonnet dan lemonn, sa osi i en faktè letan etidyan i swazir liniversite. Byensir i annan sa program ki i pe ofè.

E apre letan nou bokou konvèsasyon ki nou fè lo Liniversite Sesel, son kapasite i pa nesèyman kapasite Liniversite Sesel, me kapasite pei li menm pou pran en kantite etranze pou etidye. Sa i en pe keksoz ki nou bezwen travay lo la. Enn par egzanp, nou, nou santi poudir par egzanp lozman akòz la pou le moman liniversite napa akomodasyon.

Etidyan pou bezwen vini pou vin reste mon pansè dan en lakaz prive. Me bann konvèsasyon ki ou gannnen avèk bann etidyan osi ki lè zot pe fè laplikasyon enn, de nou'n war mon santi poudir zot kapasite pou pey bann akomodasyon prive i difisil. Donk, i en travay petet ki nou bezwen fè ki liniversite menm pey osi i bezwen aziste li pou li kapab resevwar bann etidyan etranze.

Me selman sa ki nou kapab di se ki etidyan etranze letan in byen gannnen organize i anmèn en kantite benefis dan en sosyete. Mersi Mr Speaker.

MR SPEAKER

Mersi. Onorab Bistoquet.

HON ANNE BISTOQUET

Mersi Mr Speaker. Bonzour Mr Speaker. *Panel*, koleg Manm Onorab. E tou dimoun a lekout. Minis, parey nou konnen Liniversite Sesel lannen pase zot in entrodwi en nouvo *course*, en nouvo degre ki apel *Bachelor of Science in Travel and Tourism Economics Programmes*. E parey nou konnen Sesel i en pei ki en pilye nou lekonomi se tourizim. So, eski Liniversite Sesel pe *market* sa *course overseas* en fason ki nou avè annan bokou etidyan

etranze ki ava enterese pou vin etidye sa *course* isi ki byensir i ava ed nou lekonomi?

E eski Liniversite Sesel pe anvizaze fer bann *living campus*? Akoz nou konnen poudir sa *course* i pou atrakte bokou kekfwa bann zenn 16an, 17an, 18an etranze *living campus* ki pou kapab *accommodate* sa bann zenn. Mersi.

MR SPEAKER

Mersi Onorab. Minis?

MINISTER JUSTIN VALENTIN

Mersi Mr Speaker. Mersi Onorab pou kestyon. Mr Speaker, wi annefe Liniversite Sesel li i *market* tou son bann *courses* ki pe fer. E son lentansyon vreman i ti ava voudre annan bokou etidyan, bokou plis etidyan. Sa *course Business Travel and Tourism* i en *course* ki ou konnen bokou etidyan ti ava voudre vin Sesel, pou sa leksperyans *tourism*, akomodasyon akoz nou konnen poudir Sesel i vreman for lo la.

Spesifikman ki *Unisey* pe fer pou sa *course* la, la ozordi mon pa pou kapab dir ou, me selman en konversasyon avek *Unisey* nou kapab konnen. Me sa ki mon kapab dir, se ki ler *Unisey* li zot al bokou dan bann *fair*. E zot osi al bokou bann

program etranze. E sa mon konnen i annan bokou letan pase osi in komanse kot zot fer bann lesanz.

E sa enn *course* la, i en *course* ki komans atrakte bokou lesanz. Donk, i montre ou poudir i pou enn sa *course* ki *Unisey* pou kapab servi pou li kapab *market* son lekor. E osi an dot mo *market* pei. Donk, i en bon *course* ki'n Liniversite Sesel in met ansanm. E mon krwar sa *course* pou anmenn bokou rannman pou Sesel. Mersi Mr Speaker.

MR SPEAKER

Mersi Minis. Bon nou a pran poz la. Nou a rebran 1105. Mersi.

(BREAK)

MR SPEAKER

Nou a rebran avek kestyon limero 96, dan non Onorab Richard Labrosse.

HON RICHARD LABROSSE

Mersi Mr Speaker. Bonzour Minis, bonzour tou delegasyon ki la avek nou pou sa kestyon Mr Speaker, i sorti direktman kot enn zabitan ki'n anvoy kot mwan.

Alor sa kestyon i lir konm swivan, eski Minis i kapab

enform Lasanble ki'n ganny fer ouswa pe ganny fer kot *SIT*, pou fer sir ki annan ase mendev kalifye dan domenn konstriksyon sirtou dan domenn konstriksyon ki annan demann ozordi? Mersi Mr Speaker.

MR SPEAKER

Sirtou avek demann dan konstriksyon ozordi, wi. Bon Minis, ou repons.

MINISTER JUSTIN VALENTIN

Mersi Mr Speaker. Mersi Onorab, pou ou kestyon. Mr Speaker, *SIT* atraver Minister Ledikasyon i reste angaze pou kontinyelman ankouraz bann etidyan ki termin zot letid lo nivo S5, pou pran formasyon dan diferan kour ki *SIT* i ofer dan domenn konstriksyon.

Sa i enkli domenn sarpantye, mason, plonber, elektrisyen, *painting and decorating*, refrizerasyon e *air conditioning*. Defi i reste pou kapab ganny otan etidyan pou ranpli bann plas dan bann kour tel ki sarpantye, mason pou divers rezon.

Swa en mank lentere, oubyen etidyan pa zwenn kriter pou sa bann formasyon. Pou fer fas avek sa problem mankman lentere, *SIT* i travay avek bann lekòl segonder pou

fer bann ansenyan swa karyer pli byen konpran bann program sa lekòl.

SIT i osi organiz bann port ouver pou etidyan, zot menm vin vwar ki pe pase kot sa lenstitisyon.

An se ki konsern etidyan ki pa zwenn nivo, *SIT* in fer bann program *Apprenticeship* ki parey bann program fondasyon. Sa bann program *Apprenticeship* i ede met etidyan lo en nivo pou komans en sertifika, e osi ed zot kite al rod en lanplwa dan en domenn respektif.

I osi annan en konponan *work based experience* ki etidyan i bezwen fer. En lot defi i vin kot sa pti group ki konplet bann formasyon zot pa neseserman rantre dan sa domenn pou fer en karyer. I annan ki dekouraze menm avan zot komans travay.

Mr Speaker, i bon note a sa pwenn ki pou en pei kapab ede adres mankman mendev kalifye dan domenn konstriksyon, i en zefor kolektiv tou partner e non pa zis *SIT* i dwatet zwe sa rol.

Sa i enkli paran, i enkli ansenyan primer, segonder osi byen ki bann anplwayer ki enplike dan ed etidyan pou swazir zot karyer.

Bann lendistri i bezwen sa bann zenn e zot osi zot bezwen ede atir sa bann zenn dan zot lendistri dan zot landrwa travay.

Nou'n vwar par egzant, ki etidyan i ganny atrakte dan en program letan i vwar ki kondisyon e latmosfer dan landrwa kot i pou ale pli tar i favorab. Mersi Mr Speaker.

MR SPEAKER

Mersi Minis. Ou siplemanter Onorab Labrosse?

HON RICHARD LABROSSE

Mersi Mr Speaker. Mersi Minis, pou ou larepons ki ou'n donn nou, Minis mon de kestyon siplemanter i konm swivan.

Eski *SIT* ozordi anba Minister Ledikasyon, zot pe revwar osi la fason ki zot pe admit bann etidyan ki pou antre dan sa bann domenn ki mon'n dir, ki i en demann ozordi dan konstriksyon dan pei.

Ler ki mon pe sey dir par sa Mr Speaker, parfwa osi nou bezwen get kalite dan plas lakantite ki nou gannyen. Eski i annan bann travay ki pe ganny fer ant Minister Ledikasyon depi sa bann etidyan ki annan sa gran lentere kot zot pe vini - ankore enn fwa mon repete pou nou

ganny kalite dan plas kantite. Mon dezyenm kestyon Mr Speaker, i konsern ozordi nou pe koz modernite partou kote,

Eski Minis i kapab asir Lasanble ozordi ki kot *SIT* ozordi bann lekipman ki pe ganny servi, ki nou bann etidyan pe servi pou laprantisaz i pe swiv dan lemonn modernite parey nou pe vwar ozordi parey dan bann lezot pei, ouswa i annan bann travay osi ki pe ganny fer lo sa laliny? Mersi Mr Speaker.

MR SPEAKER

Mersi Onorab. Minis.

MINISTER JUSTIN VALENTIN

Mersi Mr Speaker. Mr Speaker, mon ti a kontan les Direkter *SIT* adres sa de pwensilvouple.

MR SPEAKER

Mersi. Direkter ou annan laparol.

**DIRECTOR SEYCHELLES
INSTITUTE OF TECHNOLOGY
FERDINAND DENOUSSE**

Bonzour Mr Speaker, bonzour tou Manm Onorab, bonzour tou dimoun a lekout. Onorab, kot *SIT* nou pe deza angaz dan moderniz nou bann *teaching tools* ki nou annan sirtou dan nou bann *vector rooms*.

E nou dan en prose kot nou pe develop ankor plizyer *training rooms* kot a la plas ki nou servi *overhead projectors* nou pe servi *interactive screens* pou *teach* bann etidyan.

Lo kote lekipman ki zot servi dan zot bann *workshop*, nou annan sa ki apel en *High Tech Budget* ki Minister i akord nou. E nou revwar sa tou le lannen, kot pa tou *workshop* ki ganny sa sans pou zot *upgrade* zot lekipman, aköz i kout en kantite.

Par egzanp kot *Mechanical Engineering* ou annan sa ki apel *lathe machine* so, nou deza annan 4 ou 5 *lathe machine* ki ase bon lo standar pou le moman. So, anmezir nou ganny nouvo teknolozi ler ava ariv son tour pou li sans sa lekipman pou met sa ki pli modern nou pou fer li.

So, sak *workshop* i annan son lannen ki son *High Tech Budget* pou aplike kot i pou kapab ganny son lekipman apropiye pou li bouze avek teknolozi.

Selman an di-z-an sa nou annan tou lekipman dan sa bann *workshop*, ki ase bon pou latmosfer travay ki nou annan dan pei pou le moman. Mersi Mr Speaker.

MR SPEAKER

Mersi Direkter. Bon mon annan trwa Manm ki'n lev lanmen mon pou pran sa trwa Manm. Mon pou pran sa trwa Manm ki'n lev lanmen pou rezon kestyon letan. Onorab Labrosse, ou pe rod en klarifikasyon?

HON RICHARD LABROSSE

Wi, i annan en kestyon pa'n reponn Mr Speaker.

MR SPEAKER

Anr si pa'n reponn *ok*, ale.

HON RICHARD LABROSSE

Wi. Mr Speaker, mon ti'n demann Minis ki travay ki Minister Ledikasyon pe fer, pou fer sir ki bann zanfan ler i sorti kot lekòl ki kot *SIT* nou ganny zanfan ki vreman annan sa kalite dan plas la kantite ki nou pe vwar ozordi.

Parski lyezon sa kestyon aköz parfwa nou vwar bokou etidyan ki antre, me selman nou pa pe vwar sa kalite konmsi. Mersi.

MR SPEAKER

Byen Minis, si ou kapab azoute.

MINISTER JUSTIN VALENTIN

Wi, wi. Ou ti le reponn? Non, *ok*, mon a reponn dakor. Wi, premyerman i annan swa karyer - *careers guidance* ki i

kontinyelman nou fer avek bann etidyan.

Ki sirtou ki dan lekol segonder e nou osi nou fer ki nou donn zot sa loportinite pou al vwar ki pe pase kot sa lenstitisyon, pou zot devlop zot lentere boner.

E apre i annan osi bann etidyan ki dan S5 ki pe anvizaze antre dan dizon dan lekol konstriksyon, zot al - sirtou bann etidyan *TVET* - zot al sa bann zour ki zot fer dan lendistri.

E sa i permet zot devlop zot lentere bokou. E byensir i annan bann size i annan bann etidyan ki annan bann size *academic* ki zot pe fer.

Par egzanp, i annan ki pe fer matematik, i annan ki pe fer en pe lasyans zot osi sa bann etidyan zot montre sa lentere. Akoz nou anvi ki lendistri, sa lendistri i devlope i osi nou pa zis le zis bann dimoun bann mon pe rod sa mo egzakt.

Nou osi bezwen bann teknisyen, nou osi bezwen bann teknisyen dan sa *field* konstriksyon, donk nou kouraz bann etidyan pou le moman la nou pe ankouraz bann etidyan ki annan en bagaz *academic* pou zot osi zwenn sa lendistri.

Ki fer ki ansanm nou ava ogmant pa neseserman la kantite, me kalite bann etidyan

ki antre dan konstriksyon, i nesaser pou pei sa. Mersi Mr Speaker.

MR SPEAKER

Mersi Minis. Onorab Loizeau, ou kestyon.

HON NORBERT LOIZEAU

Mersi Mr Speaker. Bonzour Minis ek ou delegasyon. Mr Speaker, ti zis anvi demann Minis.

Minis, eski annan ou okenn travay ki'n ganny fer par ou Minister ek lezot antite Gouvernman enkli Minister Lanplwa, pou fer sir ki bann program formasyon kot *SIT* i anliny avek lekonmi lokal.

Sirtou dan domenn konstriksyon? Eski i annan sa travay in ganny fer? Mersi.

MR SPEAKER

Mersi. Minis.

MINISTER JUSTIN VALENTIN

Mersi Mr Speaker. Mersi Onorab, wi Onorab i annan travay ki ganny fer. E pli laprev ki travay i ganny fer se ki program i ganny akredite, i ganny *validate*.

Si napa sa laprev sa bann program pa ganny, pa ganny sa stati. Alor SQA par egzanp, pa rekonnet.

E lefe ki bann program - bann program *SIT* in laplipar, tou mon ganny sa sinyal la ki prezan tou son program in fini ganny akredite par *SQA*, i en laprev konkret ki bann program i zwenn demann lekonomi lendistri, e lekonomi Sesel. Mersi Mr Speaker.

MR SPEAKER

Mersi. Onorab, Onorab Romain.

HON GEORGES ROMAIN

Mersi Mr Speaker. Minis, mon kestyon i vin atraver parey mon okouran *in the past* kot *SIT* ti dan bann gran lakonpannyen ti adopte zot lekol.

E la mon pe koz bann lakonpannyen konstriksyon. Eski zot annan an plas an se moman kot zot pe ankouraz bann gran lakonpannyen ki kapab vini kekfwa adopte en serten departman, oubyen adopte lekol li menm, ki sa i a ede pou bann zanfann kapab ganny sa *work attachment*, ki ava ed zot pou kapab reste dan sa domenn ki ler zot in swazir. Mersi Speaker.

MR SPEAKER

Mersi Onorab.

MINISTER JUSTIN VALENTIN

Dakor. Mr Speaker, mersi Onorab. Mr Speaker, mon ti a kontan les Mr Denousse pou elabore, silvouple.

MR SPEAKER

Tre byen. Direkter.

**DIRECTOR SEYCHELLES
INSTITUTE OF TECHNOLOGY
FERDINAND DENOUSSE**

Mersi Mr Speaker. Mersi Onorab, pou ou kestyon an realite nou annan en komite kot lekol ki nou ganny ordonnen par *SQA* pou nou annan sa ki apel en *Research Innovation Committee*.

Epi osi lo sa komite nou pou annan, nou ti deza annan zis en pti pe *dormant* ou kapab dir - nou pou annan en reprezantan dan sak sa bann lendistri.

Nou deza an kontak ek zot, e dek ki sa komite i *fully* an operasyon, nou pou annan sa dyalog ek zot pou nou kapab travay etrwatman ek zot.

Me kot ki konsern lakonpannyen ki adopte nou, pou le moman nou napa okenn lakonpannyen ki'n adopte nou *as such*.

Akoz parey ou konnen nou annan divers letid *ongoing* 20 an tou, kot lekol, so, i pa pou difisil me selman nou kapab get ladan pou annan lakonpannyen

ki kapab adopte nou. Mersi Mr Speaker.

MR SPEAKER

Mersi Direkter. Onorab Aglae?

HON EGBERT AGLAE

Mersi Mr Speaker. Mon a dir bonzour Minis ek ou *Panel* Ledikasyon. Minis, dan ou larepons ou'n fer resorti en mo mon krwar ki ase relevan se lentere pou gard bann zenn ouswa diriz zot ver *SIT*.

SIT koman en pos-segonder, eski nou pe mazin regard en pti git an aryer lapros ki petet ledikasyon i annan dan nou *curriculum* segonder pou kapab de pli, pli boner posib *ok*;

Premyerman idantifye bann zenn ki kapab annan sa bann lentere pou al ver *SIT*, e dezyenmman osi baze lo bann *careers guidance* ki egziste dan lekol ozordi.

Petet, pou ou met lanfaz ase pli boner ansanm ek resours ki kapab develop sa bann zenn ki pou vin ver sa kapasite *SIT*, sirtou nou konnen pa tou zenn akademikman o nivo.

Petet pou vwar bann ki kapab al ver sa, eski zot pe mazin regard dan segonder li menm? Mersi.

MR SPEAKER

Mersi Onorab. Minis?

MINISTER JUSTIN VALENTIN

Mersi Mr Speaker. Mersi Onorab, pou ou kestyon. Onorab, sa ki ou'n eksprimen i egzakteman sa ki nouvo reform ki nou ti prezante semenn pase in koz lo la -egzakteman.

Pou fer ki annan sa koerans depi byen boner dan segonder ki an finalman apre anmenn bann etidyan dan bann diferan pos-segonder ki enkli osi bann *Professional Centres*, ki enkli osi *SIT*.

E Mr Denousse i anvi siplemant avek enn de pti pwen *please*.

MR SPEAKER

Yes Mr Denousse, ou azoute?

**DIRECTOR SEYCHELLES
INSTITUTE OF TECHNOLOGY
FERDINAND DENOUSSE**

Mersi Mr Speaker. Mersi Onorab, pou ou kestyon. An realite nouvo lapros ki nou, nou pe pran kot *SIT* nou pe entansifye bann vizit dan *secondary schools*.

Nou'n osi annan sa dyalog avek bann *secondary schools*. Semenn pase menm nou'n annan bann vizit nou envit bann lekol pou vin vizit nou.

Pa zis nou ki al kot zot, nou fer zot vin vizit nou *schools*.

Bann etidyan i vizit tou sa bann *workshop* pou zot ki annan en apersi kote zot anvi ale, *ok*. So, sa nou laport i ouver pou sa e nou pou entansifye lo la. Menm dan nou program ki nou anvi fer nou anvi fer *spots* lo medya sosyal, lo televizyon ensitwit pou sak sa bann *workshop* sa i dan nou plan kot nou kapab *outreach* bokou bann etidyan pour zot vwar.

For example a day in the mechanical engineering workshop, what goes on, pou zot kapab annan en apersi ki zot pe vin fer dan *SIT*. Mersi Mr Speaker.

MR SPEAKER

Mersi. Nou pou fer en pti sanzman *panel* la, nou pe dir orevwar Mr Denousse, Direkter mon krwar nou'n fini avek bann kestyon ki konsern li.

E pou 97 nou pe envit Mr Jean Alcindor, pran son plas lo latab e Madanm Domingue i reste lo *side table*. Mersi Mr Denousse. Nou ava al lo kestyon 97 dan non Onorab Audrey Vidot.

HON AUDREY VIDOT

Mersi Mr Speaker. Bonzour Minis ek ou delegasyon. Mr Speaker, kestyon i lir konm swivan;

Eski Minis i kapab dir sa Lasanble si sa program *General Secondary Education and Skills Development Pathway* pou bann etidyan S4 ek S5 dan lekol Leta pe ganny byen enplimante avek resours ki zot annan? Mersi.

MR SPEAKER

Mersi Onorab. Minis.

MINISTER JUSTIN VALENTIN

Mersi Mr Speaker. Mersi Onorab, pou ou kestyon. Mr Speaker, Minister Ledikasyon i annan en kantite defi pou enplimant sa program i ti a swetab.

Malgre ki nou annan nou en gran group ansenyan ki kalifye eksperyanse, malgre ki lekol i annan li en *TVET liaison officer* ki zwe sa rol entemedyer ant etidyan, paran, lekol ek lendistri; malgre sipor kontinyel ki seksyon *TVET* dan Minister Ledikasyon i donn bann lekol, nou konstate ki kontinyen annan bann defi pou nou kapab enplimant sa program.

Lobzervasyon ki nou'n fer i montre ki bokou sa bann etidyan i nepli anvi kontinyen dan en letid formel, e akòz sa lobligasyon Lalwa pou kit zot ziska S5 nou bezwen vwar nou pe rod bann alternativ.

E alternativ se rod en model ki etidyan i al lekòl dan lekòl formel en zour, e la restan bann zour zot ganny plase dan bann landrwa travay.

Lekòl napa otan mwayen pou donn bann etidyan sa formasyon ki zot bezwen. Nou pa nesesman kapab ganny tou bann plasman ki bann zanfan ti ava vouldre annan.

Akoz i annan lezot group, bann diferan lezot group ki an konpetisyon avek bann etidyan TVET pou rod plasman.

Mon bezwen masyonnen ki i annan en gran mazorite bann etidyan ki ganny met lo plasman, zot aprann byen e zot menm nobou resevwar lanplwa apre ki zot in konplet sa program.

Sepandan serten etidyan malerezman, zot deside kit sa landrwa travay apre zis en pti pe letan ki zot in ganny plase, e apre pou re rod en lot plasman pou zot i vin difisil e i konplike.

Par egzanp, akòz zot kite, par egzanp? Zot dalon pa avek zot sa bann rezon ki zot donn nou, zot pa apresye lanvironnman sa travay kot zot ete, zot trouve ki zot napa lentere sa landrwa kot zot in ganny plase. Ouswa sa bann keksoz ki landrwa pe demann zot pou fer.

Sa bann rezon i labaz osi sa transformasyon ki mon'n koz lo la semenn pase, pou ede revwar lafason nou enplimant sa bann diferan *pathways* dan lekòl segonder. Vwala en pe bann defi ki nou gannnen Mr Speaker, mersi bokou.

MR SPEAKER

Mersi Minis. Onorab, ou siplemanter.

HON AUDREY VIDOT

Mersi Minis, pou repons. Mon apresye lefe ki ou'n fer resorti bann defi, e nou osi mon spesifikman mon santi ki sa bann group manm - group etidyan i bezwen ganny latansyon dan en fason ou en lot pou zot kapab, akòz se zot apre ki pou al dan lemonn travay. E bokou fwa se sa group ki nou ganny difikilte pou ganny zot dan bann lanplwa stab letan zot in ariv zot laz adilt.

Alors Minis, eski ou kapab dir nou si Minister Ledikasyon apard ki sekter prive ki zot rod plasman pou met sa bann etidyan -

eski Minister Ledikasyon li menm in pran lankadremman serten sa bann etidyan? E si zot osi pe met enkli bann lezot departman oubyen lorganizasyon Gouvernman?

Par egzanp, letan nou pe regarde dan sekter lanplwa dan *tourism* nou annan en kantite zenn- en kantite etranze ki pe fer *gardening*, *landscaping*, eski zot in idantifye bann ki enterese dan sa domenn pou met zot avek petet *LWMA* atase ek bann kontrakter, oubyen bann lezot *area* ki zot vwar i annan potansyel pou nou kapab anmas sa bann zenn? Mersi.

MR SPEAKER

Mersi Onorab. Minis?

MINISTER JUSTIN VALENTIN

Mersi Mr Speaker. Mersi Onorab. Mr Speaker, mon ava les Mr Alcindor, ki direktteman angaze avek bann lorganizasyon pou reponn sa kestyon silvouple.

MR SPEAKER

Tre byen. Mr Alcindor.

DG FOR TECHNICAL AND VOCATIONAL EDUCATION AND TRAINING AND ENTREPRENEURSHIP JEAN ALCINDOR

Bonzour Mr Speaker, bonzour tou Manm Lasanble, e bonzour tou bann dimoun ki pe ekout nou ozordi bomaten.

Onorab, mersi pou ou kontribisyon ki ou kestyon ki tre valab dan sa demars ki nou

pe fer pou nou kapab ganny plis nou etidyan ganny plasman.

Parey Minis in dir lo boner, nou annan nou anviron 77 a 80 pousan nou bann etidyan *S4* ek *S5* ki deza dan plasman. Wi, sa stratezi ki Onorab, in dir i en stratezi tre enportan dan nou nouvo *TVET Policy and Strategy 2025-2028* pou nou travay non, selman avek sekter prive, me nou osi pe travay avek sekter piblik. Dan bann diferan Minister osi nou'n ekrire zot - diferan *MDAs*, bann lazans, nou'n osi ekrire zot pou zot kontinyen donn plasman nou bann etidyan.

Alors sa i en demars ki nou pe fer, pou nou kapab fer sir ki tou nou bann etidyan zot ganny plasman. Akoz lo baz teknik avek stratezi wi, nou pe travay avek diferan lazans. Me selman o nivo Gouvernans avek *leadership* sa *TVET Policy and Strategy* i fer ki nou enn son pilye enportan sa nouvo *TVET Strategy* avek *Policy and Strategy*, se ki nou bezwen travay etrwatman avek sekter prive avek sekter piblik osi pou annan sa *partnership*, pou nou kapab bouz devan. Wi.

Apre byensir nou dan Minister Ledikasyon, nou deza annan bann etidyan ki nou'n plase. Menm dan mon divizyon i annan en fiy sorti Anse Royale

e i pe fer *graphic design* akòz divizyon *TVET* pe osi *house educational technology*, me sa fiy ki sorti Anse Royale i tre tre tre konpetan. Menm o nivo *store management* osi, nou annan kat bann etidyan ki laba, e apre dan bann lezot seksyon osi. Wi, *science laboratory* osi tou nou'n mete.

Savedir ler nou pe regarde menm kot nou menm ledikasyon, menm Minister Lasante nou deza annan nou bann etidyan ki laba.

E parey Onorab, in dir dan *hotel and tourism* osi nou pe ouver laport pou plas zot, ki en fason ki nou ava kapab avan lannen fini 100 pousan nou bann etidyan i a kapab ganny plasman.

Akoz wi, i annan sa bann debousman bezwen pouse be la avek nou *policy* ek *strategy*, i a fer ki nou ava kapab annan sa striktir avek sa *tool* ki pou ed nou pou al pli devan. Mersi bokou.

MR SPEAKER

Mersi Direkter. Mon annan trwa Manm mon krwar setou ki mon pou kapab pran. E Onorab Pillay, ou kestyon.

HON SEBASTIEN PILLAY

Mersi. Bonzour *panel* ki la. Mr Speaker, dan son larepons

Minis in koz lo lekol napa mwayen e kestyon orizinal in demande si pe ganny enplimante?

So, si nou kapab retourn kestyon avek Minis, prenon kont bann defi ki'n mansyonnen, e bann lesey ki Minister Ledikasyon li menm pe fer pou li plas bann etidyan *in house*, kot zot menm si nou kapab dir sa.

So, eski Minis i kapab dir nou si sa program pe ganny byen enplimante, oubyen eski an relasyon avek sa *TVET Policy and Strategy 2025-2028*, se sa kot zot pou al fer bann revizyon pou revwar son lenplimantasyon?

Akoz i annan konsern lo lapar bann etidyan ki se zot ki bezwen al rod *placement* dan bann landrwa travay. So, eski sa i en keksoz ki zot pe konsidere pou adrese.

Eski lo nivo Gouvernman li menm prenon kont ki zot annan plizyer Minister, plizyer departman, zot pe osi lans n lapel oubyen fer en konversasyon - oubyen pa konversasyon, me etabli en program ki sa bann zanfan i kapab ganny entegre dan sa bann Minister, me osi prenon kont ki Gouvernman pa kapab *absorb* tou dimoun.

Akoz idealman ti ankò zis sèkter prive, so eski sa i le ka? E zis en dènyen pwen Mr Speaker, taler lo kèstyon *SIT* petet Minis pa'n ganny sans tous lo la, eski sa bann *door-to-door I mean day trip* la ki bann etidyan i fer, eski zot pou *extend* posibilite pou bann etidyan Praslin, La Digue osi ganny akse avek posibilite vin kot *SIT*? Mersi.

MR SPEAKER

Mersi Onorab. Minis.

MINISTER JUSTIN VALENTIN

Mersi Mr Speaker. Mersi Onorab, pou ou kèstyon. Mr Speaker, parey nou'n dir lenplimantasyon wi, i annan bokou defi avek sa lenplimantasyon.

E nou anmezir ki nou vwar sa bann defi akòz i pa lentere ni lekol, ni Minister Ledikasyon. Nou osi nou sagren letan nou santi en zanfàn pa dan plasman. Nou vwar sa i fatig nou en kantite, akòz i anmenn bokou lezot problem pa nesèrman pou sa lekol, me i anmenn problem pou sa paran. I konfize, i pa konnen ki pe arive ek son zanfàn.

Nou pa anvi sa arive, donk lekol osi byen ki seksyon ki ansar *TVET* i rod tou mwayen. E sanmenm sa ki en lapros ki

nou'n fer nou'n dir be dabor annou nou, nou menm nou dan Minister Ledikasyon annou komans pran nou bann zanfàn; annou komans met zot dan bann diferan seksyon, donn zot bann diferan *exposure*. E apre avek sa stratezi ki Mr Alcindor, in koz lo la nou pe osi al ver lezot bann Minister, lezot landrwa dan sèkter piblik, pou fer ki zot osi zot konpran pou rezon sa program *TVET* e anmenn bann etidyan pou donn zot bann plasman.

Donk, e bann *door-to-door* ki Onorab, in demande si kot *SIT* i annan bann *extend* vizit, e nou pou osi note ki resaman Gouvènmàn in dakor pou pey tou *exchange* vizit ki bann etidyan Praslin, La Digue i vin fer Mahe.

Donk sa i en gran-

(comments off-mic)

MINISTER JUSTIN VALENTIN

Mon a les Mr Arnephy azoute Mr Speaker.

MR SPEAKER

Mr Arnephy azout keksoz Mr Arnephy silvouple.

**DIRECTOR GENERAL FOR
INSTITUTIONAL SUPPORT
BERNARD ARNEPHY**

Mersi Mr Speaker. Bonzour tou bann Onorab. Mr Speaker, i a bon note a sa pwen ki *recently* ler sa bann port ouvert in ganny fer dan sa bann PCs tou bann etidyan Praslin, La Digue in osi benefisye egalman parey bann etidyan Mahe.

So, Minister Ledikasyon nou'n fasilite zot pasaz desann, transportasyon *from jetty* pou al kot sa bann lenstitisyon, so zot in benefisye parey tou bann lezot etidyan. Mersi.

MR SPEAKER

Mersi Direkter. Onorab Samynadin.

HON KELLY SAMYNADIN

Mersi Mr Speaker. Bonzour Minis e delegasyon e tou dimoun a lekout. Minis, mon kestyon i annan pou fer avek sa size plasman li menm.

Mwan mon ti ava kontan pou elimin serten konfizyon ki annan deor. Mwan osi mon en paran ki annan en zanfandan *S5 TVET general pathway* lekòl Pointe Larue. Lekel ki pou vreman responsab pou rod plasman pou bann etidyan, eski se paran, eski se lekòl, eski se *liason officer*, eski se Minister Ledikasyon li menm?

E osi mon ti ava kontan konnen si zot satisfè avek koperasyon ki zot gannnen

avek paran, an sa ki konsern rod plasman pou zot zanfandan? Mersi Mr Speaker.

MR SPEAKER

Mersi Onorab. Minis.

MINISTER JUSTIN VALENTIN

Dakor. Mersi Onorab, pou ou kestyon, Mr Speaker, ankore mon ales Mr Alcindor reponn sa kestyon silvouple.

MR SPEAKER

Mersi. Mr Alcindor ou annan laparol.

DG FOR TECHNICAL AND VOCATIONAL EDUCATION AND TRAINING AND ENTREPRENEURSHIP JEAN ALCINDOR

Mersi mis pou ou kestyon e byensir sa kestyon i anlany avek Mr Onorab, byensir avek Onorab Pillay.

Pa zis Sesel ki plasman konmsi ki nou demann paran pou partisipe, lemonn antye. Mon etidye *TVET* Ostrali, partou, mon'n *travel* en kantite dan domenn *TVET*.

Annou reste asire ki sa travay klasman la i en travay kolektiv, i annan naryen mal si paran i kontribye. Me selman sa ki enportan se fodre nou lo nivo Minister nou pe depan lo zis paran pou rod plasman pou

bann etidyan. Savedir i en travay kolektiv, e i en pwen.

En lot pwen ankor, travay ki nou Minister nou pe fer, nou'n ganny diskisyon avek *Seychelles Chamber of Commerce and Industry*. Parske zot, zot annan lalis tou sa bann dimoun dan bann SM's bann *Small and Medium scale Enterprises*, bann biznes en pti pe pli larz zot osi, nou pe diskite ek zot pou zot osi partisip dan sa program TVET pou nou kapab plas bann etidyan.

En dernyen pwen ki mon oule fer resorti, en rekomandasyon mazer ki sa *National TVET Policy and Strategy* in fer, i pe demann nou Minister Ledikasyon - pe demann pei anefer pou *set up* en *National TVET and Skill Development Council*.

Sa Konsey i pou napa zis bann si oule Manm ki sorti dan Minister Ledikasyon, me i pou annan bann lezot dimoun dan bann lezot Minister - i pou annan dimoun dan sekter prive e nou pe demande ki sa dan nou papye dan nou *proposal* ki nou pe met devan o nivo Minister, la ki nou pe finalize ki i ganny *chaired* konmsi par bann dimoun byensir ki pou kapab donn en lelan, donn sa sipor pou nou kapab konmsi *take TVET to the next level*.

Savedir i annan pou fer avek nivo gouvènan ek *leadership* la pou nou *sort out* sa problem konfizyon mis. *Thank you.*

MR SPEAKER

Yes, Minister oule azoute mon sipoze, wi?

MINISTER JUSTIN VALENTIN

Wi, mon pou elabor en pti git Mr Speaker, zis pou met la pratik en pe lo sa teori kot Mr Alcindor in koz lo la. La realite - larealite Sesel, Minister Ledikasyon bann TVET *Liason Officer* ki al rod plasman pou bann etidyan, an premye entans. I annan moman ki paran i ofer i dir mon konn tel dimoun, mon konn tel lorganizasyon mon pou al met mon zanf. I annan sa.

Me ki problem osi i annan, se ki ler en etidyan i kite *prematurely* konmsi. I pa ankor fini ouswa en senp pti fot, en senp pti *misunderstanding* ki arive ant li avek sa landwra travay i kite. E annandler i kite nou'n war sa, i pa raport kot lekol pou dir lekol ki in kite. I annan sa bann keksoz koumsa.

Donk, a sa pwen paran i war son zanf toulezour i ankor la kot li, toulezour i la ki pe arive ki pe arive e la i vin en problem. E i vre i annan bann etidyan ki'n ganny difikilte pou

ganny plasman, pa son problem, pa ni problem zot paran in ganny difikilte plasman.

Akoz, aköz ananndler ler en zanafan i kite, ouswa en landrwa travay ler en zanafan in vini in disparet in ale, i perdi lentere pou pran en lot deswit. I pa oule pran en lot deswit.

So, tousala i bann konplikasyon ki arive e nou parey nou pe dir nou lentansyon se fer ki zanafan ki tou zanafan i ganny byen ankadre.

Me selman ananndler par egzant sa konversasyon zanafan in disparet. Annandler ou krwar i pe ale ou, ziska ler sa *liaison officer* i ariv kot sa landrwa travay pe rod li la ki i dekouger poudir i pa la, swa in vini i pa'n la.

Donk, i annan osi bann travay ki nou bezwen fer a sa landrwa travay kot nou'n plas zanafan. Par egzant le moman ki sa i arive en zanafan i disparet, pa tou ki dir i dir nou osi in dirparet.

La ou konnen i bann keksoz parey mon pe dir lenplimantasyon sa program li definitivman i *very far from perfect*. Me selman i annan lentansyon tou dimoun pou fer sa ki nou reisir dan sa proze. Mersi bokou.

MR SPEAKER

Mersi. Byen, mon sipoze nou kapab bouze. Onorab Monthy, ou kestyon.

HON PHILIP MONTHY

Mersi Mr Speaker. Mon kestyon in parsyelman ganny reponn me selman mon annan en paran ki a sak fwa i envoy mon bann mesaz, annefe in anvoy mwan en mesaz la.

En ansyen *teacher* tou li menm lo sa zafer plasman. Mon konnen Minis Mr Alcindor ou'n eksplike, mon vwar difikilte, mon war travay ki pe ganny fer. Me selman menm annandler anler Cascade mon zwenn sa bann manrmay anler kot ti plenn mon koz ek zot, zot dir mon nou la aköz nou napa plasman, isi laba.

Dan lenstans kot zot in seye, zot pa'n ganny plasman pou en etidyan, i pa'n gannnen, napa landrwa pou met li, eski sa etidyan i ganny kit lanmenm kot lakour, i reste kot lakour, i *idle*?

Oubyen i annan en *backup plan* i annan en keksoz ki zot ofer dan sa bann lenstans koumsa kot zot pa'n ganny en plasman pou en etidyan? Mersi.

MR SPEAKER

Mersi. Minis.

MINISTER JUSTIN VALENTIN

Mersi Mr Speaker. Mersi Onorab. Onorab, mon kontan sa kestyon, ou konnen tou zanfan ki pa ganny plasman i devret retourn kot lekol.

E la, mon pe dir ek bann paran ki pe ekout nou la, tou zanfan ki pa ankor ganny en plasman ki se zot mon, ouswa in a en moman in ganny plasman in kite nou anvi konnen lekol sa zanfan byensir nou, nou pou konn zot tou aköz bann *liaison officer* i rod zot.

Osi i annan zanfan petet in ganny en plasman i pa oule ale i dir i pa'n ganny. Si i pa retourn kot lekol- i annan en ta ki pa retourn kot lekol aköz i konnen aköz i pa retourn kot lekol aköz i sipoze dan en plasman li, ou konpran mwan?

Tousala i annan bann sa. Be selman i annan bann ka ki vre. I annan bann ka ki vre ki nou osi nou'n konstate, fodre pa ki mon zwe lipokrizi lo sa topik. I annan wi, i annan lekol ki frenm en kote lizye letan en zanfan pa'n ganny plasman, i ti a voudre sa zanfan pa la ozordi. I annan sa. Nou tou nou konnen lekol. Me nou pa ankouraz sa ditou.

E nou, nou demann lekol silvouple ankadre sa zanfan, ankadre sa zanfan. Aköz dan

lekol osi i annan bann lezot, i annan bann ansennyen ki doue travay avek bann zanfan TVET lo tou nivo.

E nou, nou pe demann lekol, rod ou bann *teachers* ki kapab ankadre sa bann zanfan. Ankadre zot. E i annan bann kou dan laklas ki ou kapab-lontan dan *biology* nou ti apel sa *alternative to practical*. I annan bann ansennyen ki kapab rod osi bann *alternative to practical* ki i kapab donn en zanfan dan lanvironnman lekol.

E sanmenm sa ki prezan nou, sa reform ki nou anvi koz lo la, se pou fer ki lanvironnman lekol a tou moman i kapab pare pou ankadre zanfan TVET dan tou nivo.

MR SPEAKER

Mersi Minis. Bon, in ariv ler pou en lot pti sanzman dan *panel*, nou pou dir orevwar Mr Alcindor. Mersi bokou pou ou partisipasyon, e son plas pou ganny pran par Mrs Gina Domingue. E nou kapab avans lo kestyon 198. Onorab Churchill Gill.

HON CHURCHILL GILL

Mersi Mr Speaker. Bonzour *panel*, bonzour tou Manm e tou dimoun ki pe ekout nou. Kestyon i lir koumsa,

Eski Minis i kapab donn en leksplikasyon nou Lasanble lo leta e lakantite akomodasyon kot *Hostel* Anse Royale vi ki i annan bokou konsern mete devan par paran bann etidyan ki pe komans zot letid sa trimes? Mersi

MR SPEAKER

Mersi Onorab. Minis.

MINISTER JUSTIN VALENTIN

Mersi Mr Speaker. Mersi Onorab pou kestyon. Mr Speaker, nou panse osi ki sa kestyon petet ti en kestyon ki ti'n ganny drafte en pe pou Zanvyé, akòz lafason ki mon pe war lafason ki in ganny ekrir, me selman mon a reponn li.

Youth Hostel i annan en kapasite pou pran 180 etidyan e an se moman i annan 172 etidyan. Sa konsern ki ti egziste o komansman lannen, akòz logmantasyon dan lakantite etidyan ki sorti Praslin ek La Digue, sa in ganny adrese e pou le moman sa bann sityasyon in ganny- lo Mahe in ganny rezourd.

Ti annan en konsernb lo komansman, akòz ti pe annan bokou etidyan e i ti annan lafreier ki pou napa ase plas. Me sa in ganny rezourd. Ki ti arive, *Hostel Management* in aste bann meb adisyonnèl par

egzanp lili, matla, *locker*, e sa in ariv en sonm. Sa ti aste an Zanvyé en sonm R85 mil, Minister Ledikasyon e *Management Youth Hostel* pe kontinyen *monitor* sa sityasyon e adres li an konsekans sirtou dan komansman lannen.

Me nou sa ki nou kontan nou, se ki sa logmantasyon i akòz enn zanfan Praslin ek La Digue pe debourye. E bokou zot pe ganny aksepte, pe ganny aksepte dan lekol, dan lekol bann-PCs.

E apre nou war osi bann etidyan ki anvi kontinyen. I annan bann kour ki ou ti pe eksepte zot pou fini, me sirtou bann kou *apprenticeship* zot deside prezan mont lo nivo sètifika e byensir zot bezwen reste la *hostel*.

Donk, sa kestyon pe osi demann- ou konnen la kominote annou vwar ki pe arive, sityasyon pe arive e la i annan en loportinite, loportinite en pti biznes la ki pe devlope, kot petet ki mannyer nou kapab *accomodate* bann zanfan lo Praslin, La Digue.

E zanfan Praslin, La Digue pa desann zis pou bann sant profesyonnèl, zot desann osi pou Liniversite Sesel i annan ki desann pou al Ma Joie. Donk, i annan sa demann pou fer bann pti akomodasyon ki ava

atrakte bann zenn sirtou bann zenn Praslin, La Digue ki vin etidye Mahe. Mersi Mr Speaker.

MR SPEAKER

Mersi. Ou siplemanter Onorab, wi.

HON CHURCHILL GILL

Mersi Minis, pou ou bann larepons. Mon note ki ou'n osi ou'n realize ki Praslin, La Digue zot pe debourye e se pour sa ki mon anmenn sa kestryon aköz an 2021, nou ti fer en vizit ansanm ek ou avek ou bann zofisye, kot nou ti diskrit en nouvo *block*. Mon mazine sa letan nou ti'n diskrit lo la aköz nou'n realize ti pou annan sa *increase*.

Petet ou kapab donn en leksplikasyon la ki'n arive avek sa? Aköz sa *increase* i pa pou aret la li, e menm si ou'n dir bann dimoun i annan en loportinite i pa en keksoz osi ki pou ariv la.

So, nou bezwen konnen avek bann etidyan ki sipoze vini fitir, ki pou arive, *ok*. E se sa ki ti a bon ou donn en leksplikasyon lo sa *block*.

Apré dezyenm, menm si ou'n dir ki sityasyon in ganny adrese i pa'n neserman adrese, nou osi pran kont ki i annan 4 lasanm ki manrmay pe *share*. Par trwa manrmay

ladan. E an menm tan i annan 7 ki ti sipoze vini e zot, zot pa vini ler zot in ganny dir ki zot pou bezwen *share* lasanm.

Apré i annan bann ki paran in bezwen pran lo zot menm e met zot dan en landrwa swa avek fanmir oubyen avek *guest house* bann ki napa fanmir.

So, i kler ki sa problem i demann en serten desizyon ek serten aksyon, alor si ou kapab donn nou en ki plan fitir Minister pou nou fer fas avek sa sistasyon? Mersi.

MR SPEAKER

Mersi Onorab. Minis.?

MINISTER JUSTIN VALENTIN

Mersi Mr Speaker. Mersi Onorab, pou ou bann kestryon. Me mon anvi komans par dir bann etidyan Praslin, La Digue Mr Speaker, kontinyen travay dir pou zot osi ganny en plas dan bann sant profesyonnel.

Aköz nou Minister Ledikasyon, osi byen ki bann lezot *partners*, nou pou bezwen *accommodate* zot letan zot pou'n ariv Mahe. Nou pou bezwen fer en fason.

Wi, i annan bann plan ki nou anvi fer, me a tou plan ki ganny materyalize parey nou ti ava anvi, me e apré osi nou bezwen dir avek bann etidyan

sa konsepsyon *share* lasanm, *share cubicle* i en konsepsyon ki popilè parmi etidyan sa, e i pou difisil pou nou annan en pti lasanm pou sak dimoun, donk... Me selman parey nou pe dir o firamezir keksoz i arive, nou pou bezwen aziste nou an konsekans.

Wi, apre sa ki osi enteresan, letan nou'n al vizit akòz la mon pe gannny sinyale ki mon pe mank en pti zafer ki enteresan, se i annan en *block* ki ladministrasyon deza pe servi e nou, nou pe gete ek ladministrasyon ki mannyer en alternativ pou zot ladministrasyon ki mannyer i kapab *free* sa *block* pou bann etidyan gannnyen pou servi.

Donk, tousala i bann keksoz ki nou pe fer. E mon osi note ki i annan bann diferan modalite lakaz ki nou pe war gannny entrodwir dan pei, petet sa osi i ava en konsepsyon ki nou a kapab servi a lavenir pou bann etidyan Praslin, La Digue.

Wi, i pou annan ou konnen annandler annou get parey dan bann annou get parey dan en liniversite, kot i annan akomodasyon, ki nou war annandler?

Nou war poudir i annan serten Polisi ki gannny etabli. Par egzanp priyorite i gannny donnen pou etidyan premye

lannen. E apre en etidyan dizon in fer 3an, la in komans konn sa landrwa, la i komans gannny demande pou li petet fer en alternativ.

Sa i annan bann Polisi pou le moman nou pa ankor ariv dan sa demars, nou, nou ankor pe abzorbe, sistenm i ankor pe abzorbe, nou ava gete dapre nou bann kou, bann diferan keksoz ki pou arive. Nou ava osi menm pe get lespas kot pou bezwen fer ankor bann landrwa, bann landrwa reste pou bann etidyan.

La an mezir nou pe koze, i annan bann lezot demann ki vini I annan etidyan e sa annandler i annan demann ki realistik i annan ki pa neserman realistik e i annan etidyan ki dir ou koumsa li i oule, zot osi zot anvi sirtou bann ki pou lekol dan lavil, zot pe dir ou koumsa akòz napa en *hostel* pou lavil?

Tou *hostel* i Anse Royale, ou konnen tou sa i bann *challenges* ki nou fer fas avek ki prezan nou, nou bezwen balanse, gete ki mannyer nou *navigate* dan sa bann kompleksite. Mersi.

MR SPEAKER

Mersi. Silvouple, vitman wi, zis klarifikasyon en.

HON CHURCHILL GILL

Wi, klarifikasyon, akòz kesyon i tre spesifik. So, Minis kantmenm in donn mwan bann larepons, i pa'n donn bann paran Praslin en garanti ki i pe fer pou adres sa problem. Akòz la nou deza Zen e lannen prosenn nou pou annan en lot *cohort*.

Alors, mon ti a voudre en larepons pli spesifik pou sa bann paran ki pe ekout nou. Mersi.

MR SPEAKER

Well, si i annan larepons spesifik. Minis, silvouple zis adres sa nou a *move on*.

MINISTER JUSTIN VALENTIN

Mr Speaker, mon a les *DG* Arnephy koz lo proze silvouple.

MR SPEAKER

Yes, DG.

DIRECTOR GENERAL FOR INSTITUTIONAL SUPPORT BERNARD ARNEPHY

Mersi Mr Speaker. Onorab, oubyen pou dir ki ti annan en vizit ki ti ganny fer pa tro lontan pase e apre ki sa vizit ti'n ganny fer i annan serten travay ki'n ganny fer.

So, nou'n konsiltasyon avek Lazans Lenfrastriktir pou nou rod meyer fason pou nou

ogmant kapasite kot *Youth Hostel*.

Me malerezman parey ou konnen poudir sa landrwa i deza *compact* - i napa en lespas spesifik pou met *additional building*, e se pou sa rezon parey Minis fek dir la.

Nou, nou pe eksplor posibilite pou nou *free* sa lespas ki pe ganny okipe ozordi par ladministrasyon ki kapab *take up to* anviron 20 etidyan e rod en alternativ.

E mwan semenn pase zisteman dan sa bann laliny, mon ti annan en diskisyon avek *CEO* kot Lazans Lenfrastriktir, e nou'n ganny en reasiran pou dir par egzanp, la i annan *CJSOI* ki pe vini.

E i annan sa bann *prefab facilities* ki pe ganny servi pou akomodasyon, e *hopefully* ler sa i fini Minister Ledikasyon pou ganny priyorite pou ganny serten sa bann fasilite, pou nou ogmant kapasite dan nou bann lekol kot i mank serten lespas.

E osi mon'n koz lo *youth hostel* so, ansanm avek lazans nou ava diskite ki mannyer nou kapab servi serten sa bann fasilite pou nou ogmant kapasite kot *youth hostel*.

An menm tan ki nou osi adres bann bezwen kot bann lezot lekol, so sa i en diskisyon

ki nou'n deza komanse. Mersi Mr Speaker.

MR SPEAKER

Mersi DG. Mon annan 7 Manm mon pa pou kapab pran tou, mon pou donn 20 minit sa kestyon. Onorab Samynadin.

HON KELLY SAMYNADIN

Mersi Mr Speaker. Minis, ou'n mansyonnen dan ou larepons ki i annan en group etidyan ki pe aktyelman okip *youth hostel*.

E ou'n osi mansyonn bann alternativ ki kapab ganny pran an kont me an term pratik mon ti ava kontan konnen, eski i annan en konversasyon ki'n komanse ant Minister Ledikasyon avek Liniversite Sesel pou ki sa lenstitisyon zot osi zot kapab zot kapab pran kont an term akomodasyon?

Zot kapab pran kont ki demann pou letid i kapab ogmante byensir, ki swa lokal ouswa enternasyonalman. E an term akomodasyon retir en pe presyon lo *youth hostel* li menm li. Mersi.

MR SPEAKER

Mersi.

MINISTER JUSTIN VALENTIN

Ok. Non mon – mersi Onorab, mon ti pe zis fer sir mon'n konpran kestyon. Donk ou pe

demann, ou pe demann bann etidyan Liniversite Sesel ki pe reste dan *hostel* pou sed laplas. Ok.

Vwala sa i parey bann *policy* ki mon'n koz lo la pli boner, i annan bann *policy* ki nou bezwen etabli, par egzanp, etidyan parey partou i egziste konmsi nou pa pe fer nanryen ki kont natir.

Nou pe dir par egzanp, bann etidyan ou'n deza reste *hostel* avan ou ti al Liniversite ou'n reste *hostel* 3 an, konmsi prezan la e petet la kot petet *allowance* i kapab ganny nou kapab revwar *allowance* mon pa konnen.

Akoz ou konnen zanfana sa pwen pou petet bezwen reste dan landrwa prive dan olye vin dan *youth hostel*, wi i annan en presyon la ozordi kot possegonder, liniversite bann ki osi kot dan Lenstitisyon Ma Joie nou pe lager menm landrwa.

E sa pe afekte, pou le moman non nou pa ankor enkli Liniversite Sesel nou pa ankor dir aköz sa pa Liniversite Sesel ki vin rod plas pou sa bann etidyan.

Me Liniversite Sesel osi mon konnen dan zot plan zot annan sa lentansyon pou fer akomodasyon, e sa i ava petet en debousman si zanmen zot

plan akomodasyon i materyalize.

Donk, Minister Ledikasyon prezan la i donn nou sa, sa lafors ankor, sa rezon pou apiy Liniversite Sesel pou rod son akomodasyon avek bi tir presyon lo *hostel*. Mersi Mr Speaker.

MR SPEAKER

Mersi Minis. Mon a donn Onorab Woodcock, laparol.

HON WAVEL WOODCOCK

Mersi Mr Speaker. Mr Speaker, permet mon pou felisit lekip Grande Anse Praslin ki'n *win Unity Relay* ki fek pase la Dimans.

E nou'n etabli en nouvo rikord mon felisit tou bann manm ki ti lo sa tim Grand Anse Praslin.

Mon premye kestyon Mr Speaker, i *youth hostel* depi ler mon ti *youth hostel* an 1999 ziska la napa okenn konmsi i ankor sa menm *youth hostel* ki mon komanse, *of course* annan dan bann travay renovasyon ki'n ganny fer lo la.

Me selman i *more or less* i la menm kantite *unit* ki ti egziste avan, e la plis ki 25 an pli tar nou annan menm la kantite *unit*.

E mon'n tann Mr Arnephy, in dir pou dir i annan serten

konsiderasyon ki zot pe pran avek sa bann *prefab* ki pou ganny servi pou *CJSOI*. Sa i en *alternative* ki nou kapab konsidere, me eski Minister li menm apre tou sa lannen eski zot pe anvizaze parey ou'n dir eski sa travay ki'n ganny fer pou swa idantifye en teren, ouswa dapre bann vizit ki nou'n fer, bann diskisyon ki nou'n annan avek Minis.

E vizit ki mon Komite MYCC osi in fer *youth hostel* zot in diskite, e petet idantifye swa kot sa *hostel* ouswa lezot landrwa kot zot kapab fer lezot akomodasyon?

Akoz parey ou'n dir la kantite etidyan ki sorti Praslin, La Digue in ogmante e nou osi annan sa defi ozordi kot i annan bann etidyan ki al fer zot *A Level* ler zot fini zot *A Level* zot pa ganny en *scholarship*, zot deside al en lot lekol STA ouswa Lekol pou *Business*, alor eski tousala pe ganny pran konsiderasyon pou idantifye en teren aköz i en *urgency*?

La kot in arive nou bezwen konsider lezot akomodasyon. Mersi.

MR SPEAKER

Mersi. Minis.

MINISTER JUSTIN VALENTIN

Dakor mersi Mr Speaker. Mersi Onorab. Onorab, baze lo bann tandans ki ti pe egziste pase sa pa ti lo latib, me la avek nouvo tandans e nouvo patern parey ou'n sit tousala, mon krwar la pou le moman wi, mon krwar nou bezwen nou napa swa la pou komans i dan rod komans sa konversasyon pou komans en lot teren pou petet al ouswa agrandi *hostel*. Sa i vin en topik apartir ozordi. Mersi Mr Speaker.

MR SPEAKER

Mersi. Mon pou avans lo prosen kekyon. E sa se limero 99 Onorab Anne Bistoquet.

HON ANNE BISTOQUET

Mersi Mr Speaker. Kestyon 99 i lir koumsa, eski Minis i kapab enform Lasanble a) konbyen etidyan ki'n kalifye pou swiv letid lansennyman pou lannen 2025?

b) eski i annan en amelyorasyon dan la kantite konpare avek lannen 2024? Mersi.

MR SPEAKER

Mersi. Minis?

MINISTER JUSTIN VALENTIN

Mersi Mr Speaker. Mersi Onorab, pou ou kekyon. Mr Speaker, pou lannen 2025 en

total 42 etidyan in kalifye pou swiv lansennyman kot *SITE* dan bann diferan kategori.

Dan Diplonm dan Ledikasyon *Early Childhood* i annan 25 etidyan, e sa 25 etidyan 8 ladan i sorti direkteman dan *S5*, 4 i sorti dan *A Level*, 4 i ti pe swiv en *Certificate* dan *Child Care Development*, zot in ganny zot in fer zot *IGCSE*, e zot in kalifye pou antre dan en lot staz program; 6 etidyan nou apel zot bann *mature students* aköz zot in fini *S5* plis ki 5 an pase.

E 3 etidyan sorti dan program *Upgrading* ki zot ti pe fer lannen pase. Dan program *Upgrading* i osi annan 11 etidyan ki la ki'n antre.

E dan program *Aspiring Teachers* bann etidyan ki sorti direkteman *A Level*, i annan 6 etidyan. Prezan an se ki konsern eski i annan en amelyorasyon dan la kantite konparab avek lannen 2024?

Wi, i annan en pti amelyorasyon la kantite etidyan ki'n kalifye. Me selman sa pa ase, aköz nou bezwen nou ti a voudre bokou plis etidyan Seselwa sirtou etidyan ki sorti direkteman *S5* i zwenn lansennyman.

An 2024 ti annan en total 20 etidyan - 12 dan program *Diploma*, 6 dan program

Upgrading e 2 *Aspiring Teacher programme*.

Savedir parey mon'n dir lannen 2025 nou vwar en logmantasyon, me selman i pa neserman en gran logmantasyon.

Me toudmenm nou ki dan sa profesyon nou ankouraze, aköz nou vwar pou dir pti a pti - dousman dousman sa la kantite pe ogmante.

E la ankor a sa pwent petet mon remerci bann *careers guidance officers* kot bann lekol bann *teachers*, ki pe osi zwe en rol enteresan, enportan pou fer bann etidyan konpran aköz zot bezwen zwenn lansennyman. Mersi Mr Speaker.

MR SPEAKER

Mersi. Wi, Onorab, ou siplemanter.

HON ANNE BISTOQUET

Mersi Mr Speaker. Mersi Minis, pou larepons Mr Speaker, Minis in dir pou dir in annan en logmantasyon. Eski zot in vwar kwa ki pe fer sa logmantasyon, eski zot pe anvizaze an forsi lo la pou ki i ava annan plis etidyan ankor ki vin devan pou pran sa letid?

Anvi ki nou konn bann defi ki annan konmela ledikasyon, e dezyenmman semenn pase Minis dan ou

statement kot reform ou ti dir pou dir ler i pou annan sa reform nou pou bezwen pe mwens ansenyan.

So, eski ou krwar pou dir nou pou annan sifizaman ansenyan Seselwa ki pou kapab pran sa kour dan sa reform? Anvi ki nou vwar pou dir sa sif i pe ogmante. Mersi.

MR SPEAKER

Mersi Onorab. Minis?

MINISTER JUSTIN VALENTIN

Mersi Mr Speaker. Mersi Onorab, Mr Speaker, lefe ki sa logmantasyon pa gran logmantasyon pa signifikan nou pa'n fer okenn letid pou nou vwar ki pe arive.

Donk nou ankor pe gete pou le moman ki pe arive si sa logmantasyon i kontinyen, me selman mon prezimen enn se ki petet mesaz mesaz bann *careers guidance*.

Aküz mwan osi koman Minis Ledikasyon sak fwa mon ganny sans koze zwenn en group etidyan sirtou bann etidyan S5 mon koz ek zot, mon koz ek zot lo lenportans vin en ansennyman.

Donk, petet sa mesaz pe antre dousman dousman. E wi, nou ti dir ki nou pou ler nou pe fer reform nou pou bezwen petet mwens ansenyan. Me la

nou pe koz ansenyan Seselwa, nou pou bezwen nou pou toultan bezwen ansennyan Seselwa aköz sa profesyon parey mon pe dir i dinamik.

Dinamik dan lesans, annefe pei i dinamik ansennyan pou toultan pe vwar en lot debousman. I annan dimoun ki'n vin dan lansennyman i dir ou mon'n vin dan lansennyman pou sa 5 an apre mon pe ale. Mon pe al rod en lot debousman. I pou toultan koumsa. I annan dimoun ki *retire*. Nou annan nou en group popilasyon ansennyan - en bon grander group popilasyon ki pe apros ki'n depas 55an, an montan.

Donk nou bezwen osi pe prepare pou ranplas zot. Donk nou pou toultan bezwen ansennyan e la kantite ansenyan osi li i dikte la fason ki ou aranz ou lekol, ou sistenm ledikasyon.

E apre i osi dikte la kantite keksoz ki ou kapab mete dan ou sistenm ledikasyon. Donk pour Sesel nou pou toultan bezwen bezwen bezwen ansennyan. Mersi Mr Speaker.

MR SPEAKER

Mersi. Onorab Pillay?

HON SEBASTIEN PILLAY

Mersi Mr Speaker. Prenon kont bann larepons ki ou'n donner, e lefe ki mon paran en etidyan ki'n al fer letid lansennyman in pran bokou pou ankouraz li pou li al fer sa letid.

In swiv dan lepa bann manm son fanmir, eski koman Minister Ledikasyon ou'n annan okenn lenteraksyon oubyen ou'n organiz okenn *meeting* avek bann *NQTs* ki'n sorti dan lenstitisyon letid pou vwar ki bann konsern ki bann si oule, bann keksoz ki zot ti a kontan met devan ou ki ava permet ou re organiz serten keksoz pou ankouraz plis zenn ki sorti dan segonder pou antre dan lansennyman?

Dezyenmman, lefe ki *policy* ou Gouvernman *as it stands* anski konsern *retention teachers* aköz sa osi bann zenn i gete, zot pa pe aksepte sa diskisyon otour dan en *long service allowance*, aköz the *teaching* ou reste bokou letan e ou *accrued* leksperyans - Mon pa le *premium* deba lo en Mosyon ki devan Lasanble.

Me eski ou pare koman Minis Ledikasyon ou re angaz ou Gouvernman e sirtou Minister Finans pou revwar sa pozisyon ki zot in pran lo en *long service allowance*?

Ki ava fer ki bann zenn ki pe regard en karyer dan

lansennyman lo long term, i ava osi vwar en lekspektasyon en benefis ki vin avek leksperyans ki zot pou gannyan dan *teaching*.

Akoz *let's face it* en ansenyan pa vin en ansenyan dek koman i fini fer *training*, i vin en ansenyan nou tou ki la anndan ki'n fer ki'n aprann ki'n *train* pou vin en *teacher*, nou konnen i vin avek leksperyans.

So, eski ou pou pare pou fer sa konversasyon? Mersi Mr Speaker.

MR SPEAKER

Mersi Onorab. Minis?

MINISTER JUSTIN VALENTIN

Mersi Mr Speaker. Mersi Onorab, pou kestyon. Mr Speaker, mon komans par dernyen kestyonn Onorab, mon pare pou fer tou konversasyon ki pou dan benefis lansennyman. E ansenyan Sesel, tou konversasyon. E sa konversasyon in la sa lentansyon in la toultan.

Donk mon kontinyen mon pou fer tou konversasyon, e byensir e mon'n toultan dir letan nou koz lo Bidze osi letan nou pou'n ganny dir ki la prezan pei i dan en posibilite la pou li kapab revwar bann *scheme of service*, mwan, mon konfidan ki mon pou enn sa

parmi premye pou ale pou dir annou get, annou get *scheme of service* bann *teachers*, aköz mon konpran e mon senpatiz byensir avek sa konteks ki mon bann ansenyan pe travay ladan.

Donk mon felisit tou bann ansenyan la pou travay dan sa latmosfer konplike, sa latmosfer ki pa neserman parey lezot landrwa, i ete.

Premye kestyon Mr Speaker, mon'n komans en demars ki mon al kot bann lekol i pa lo menm lavites ki mon ti ava voudre. Aköz i annan lezot keksoz ki arive tanzantan.

E mon'n pran li mon devwar pou mwan zwenn bann ansenyan, e sak fwa mon al laba mon zwenn osi bann ansenyan dan kot lekol lo en baz endividyel mon zwenn bann ansenyan ki fek antre.

E mon koz avek zot, mon koz avek zot lo ki mannyer zot pe pase - mon koz avek zot lo zot lo zot lo zot letid mannyer in arive. Donk mwan mon en dimoun ki zwenn ansennyman lo en baz regilye, e mon konpran e mon konnen ki pe arive an term sa lansennyman.

Donk, pou fer *meeting* ki ou'n kriy tou bann ansenyan nouvo vini nou a koze - non, mon pa ankor fer sa. Me selman, mon pa ankor vwar

nesesite akòz mon zwenn sa bann etidyan lo en baz- sa bann ansenyan i nepli ansenyan la zot en ansenyan.

Mon zwenn zot lo en baz preski regilye akòz mon, mon fofile tou la zournen mon lo teren e mon zwenn zot nou koz nou koze.

Sa *challenges* ki annan dan lekol Mr Speaker, foudre pa dimoun i krwar mon pa konnen. Mon konnen konmsi e mon partisip dan lazwa bann ansenyan mon partisip dan zot soufrans.

Donk wi-

HON SEBASTIEN PILLAY

(comments off-mic)

MR SPEAKER

Onorab Pillay, silvouple-

MINISTER JUSTIN VALENTIN

Mersi, mersi Mr Speaker.

MR SPEAKER

Ou kapab ekout Minis, ou'n demann en kestyon les li reponn.

HON SEBASTIEN PILLAY

(comments off-mic)

MR SPEAKER

Les li reponn.

HON SEBASTIEN PILLAY

(comments off-mic)

MR SPEAKER

Onorab Pillay, *order!* Minis in terminen ek sa?

(Interruptions)

MR SPEAKER

Ok. Onorab Uranie, ou kestyon.

HON ROCKY URANIE

Mersi-mersi Mr Speaker. Bonzour *panel*, bonzour tou bann ansenyan ki a lekout byen ki ganny sans swiv Lasanble.

Minis, kestyon i lo bann ansenyan ki'n kalifye pou antre *SITE* - bann etidyan in kalifye pou antre *SITE*. Eski kriter pou antre, grad pou antre *SITE* i ankor parey ti ete 15 an 10 an pase?

Oubyen zot in bezwen fer desann grad pou kapab fer ki plis etidyan i kapab antre *SITE*? Mersi.

MR SPEAKER

Mersi Onorab. Minis.

MINISTER JUSTIN VALENTIN

Mersi Mr Speaker. Mersi Onorab, pou kestyon. Mr Speaker, sa kestyon mon pa ti a kontan atraver sa kestyon nou souzestim konpetans e kalite ansenyan ki pe antre dan bann dan lekol.

Ansenyan ki pe antre bann nouvo etidyan ki pe antre zot pe antre li avek zot leker, zot annan sa volante pou ansennyen e nou respekté sa.

E i annan bann ki annan bann mank *SITE* i organiz son lekor pou fer ki sa ansenyan ki annan mank zot gannyen, e tou bann ansenyan ki pas atraver sa sistenm lansennnyman zot *graduate* zot *successfully*, zot *successfully* konplet zot letid.

Donk i pa en kestyon fer desann grad, i en fason i en kestyon rod bann dimoun ki annan lentere, ki annan lentere. Pa vo lapenn ou annan gro grad ou vini ou pe zis vin rod larzan apre ou disparet.

Sa profesyon i en profesyon ki ou bezwen vin avek leker ladan, ou napa swa. Donk ozordi tou bann ansenyan ki'n zwenn - tou bann etidyan ki'n zwenn sa profesyon mon salye zot e mon dir zot nou pou fer sir.

Minister Ledikasyon nou pou fer sir ki nou ankadre zot byen *irrespective* avek ki ou ti antre, nou pou ankadre ou byen nou pou fer ou sorti koman en *fantastic* ansenyan. Mersi Mr Speaker.

MR SPEAKER

Mersi Minis. Nou a bezwen termin la pou sa bomaten i annan serten laranzman pou

meeting ki mon bezwen respekté.

I reste nou 13 kestyon, mon krwar nou pe tonm en pe an aryer nou a regarde ki nou kapab fer apre midi. Mersi Minis e delegasyon mon a vwar zot ankor apre midi bon *pause* nou a rebran 2 er.

(BREAK)

MR SPEAKER

Bonn apre midi Minis ek bann zofisye. Bonn apre midi bann Manm. bonn apre midi nou travayer Lasanble. Nou a kontinyen. Mon met a latansyon bann Manm e osi delegasyon ki nou annan apepre 11 minit par kestyon.

Donk zot a konpran si i annan okenn nesesite pour limit lakantite kestyon. Nou'n ariv lo kestyon nimero 100, dan non Onorab Egbert Aglae.

HON EGBERT AGLAE

Mersi Mr Speaker. Bonn apre midi Minis, *panel* e tou dimoun ki a lekout. Kestyon i lir *comme* swivan:-

Eski Minis ki responsab pour Ledikasyon i kapab dir ek sa Lasanble, konbyen nouvo ansenyan son Minister pe mazin fer antre dan nou sistenm skoler pou adres bann mankman kot i annan? Mersi.

MR SPEAKER

Mersi Onorab. Minis?

MINISTER JUSTIN VALENTIN

Mersi Mr Speaker. Bonn apre midi tou dimoun. Mersi Onorab pour keston. Mr Speaker, o komansman lannen 2025, ti annan en mankman 72 ansennyan. Ziska la nou'n kapab fer antre 41 ansennyan. Par kont sa sif i kontinyen sanze. Akoz bann ansennyan i annan ki demisyonnen, ouswa i annan ki transfer dan lezot departman Gouvernman, ouswa dan bann departman prive.

Sa i fer ki mankman ansennyan i reste en defi pour Minister Ledikasyon. An se moman i annan 54 ansennyan an tou. Me dan sa 54 i annan 34 ansennyan ki'n fini fer preski tou formalite, pour komans zot lanplwa.

I annan 26 pour sorti *Sri Lanka*, 10 pour al dan primer e 16 pour al dan segonder. 4 ansennyan lokal pour segonder, i annan 30 – i annan 3 ansennyan Franse pour segonder, en i annan en ansennyan pour Ptit Anfans.

So Mr Speaker mon kontinyen fer sa lapel pour ankouraz etidyan pour zwenn lansennyman.

E tou lendikasyon i montre ki letan sa reform ki nou'n propoze, pour vin an mars, nou pour pli byen kapab servi nou resours imen, sirtou lo nivo segonder. Mersi Mr Speaker.

MR SPEAKER

Mersi Minis. Onorab Aglae, siplemanter.

HON EGBERT AGLAE

Minis, mersi pour ou larepons. Premyerman avek sa bann mankman malgre i annan ki'n antre. E ou'n fer resorti osi ki i annan ki *resign*, ouswa i bouz lo bann lezot *greener pasture* petet.

Petet kot i konsern bann size, *ok* ki mannyer sa pe afekte? Sirtou bann size enportan ki sa bann ansennyan petet, ti merit kouver avek bann manrmay. Ki mannyer Minister Ledikasyon pe *manage* sa li menm?

E dezyenmman kot i konsern bann *teachers assistant*, eski zot pe zwe en rol la anvi ki i annan serten demann?

Menm parey kot Lekol Port Glaud, ou konnen i annan bann *teacher assistant* ki pe soutenir enn pti gin, dan labsans kot i annan mankman *teachers*.

Eski zot pe ganny valorize pour zot kapab kontinyen bous sa trou dan en sans, avek bi ki nou kapab ganny bann lezot *teachers* ki an esperan. Mersi.

MR SPEAKER

Mersi Onorab. Minis ?

MINISTER JUSTIN VALENTIN

Mersi Onorab pour keştyon. Mr Speaker mon ti a kontan les *PS*, enform Lasanble bann diferan demars ki nou pe fer an se moman.

MR SPEAKER

Byen.

MINISTER JUSTIN VALENTIN

Mersi.

MR SPEAKER

PS.

PS MERNA EULENTIN

Mersi Mr Speaker. Mersi Onorab Aglae pour ou keştyon e mersi Minis. Pour sa bann mankman i annan bann *cover* ki *management* lekol i organize.

E nou remersye sa bann dimoun ki pran letan pour asiste, malgre i difisil e *stressful* osi. E apre nou salye bann lekol, aköz i annan laplipar lekol ki fer bann *extra class* kot zot kapab ranpli sa mank.

E a sa pwen osi mon ti a kontan felisit nou bann partener. Aköz i annan bann lezot group dimoun ki antre parfwa. Zot vin donn lekol en koudmen. Tel ki paran e bann lezot lorganizasyon, kot zot vin donn bann sesyon pour ranpli sa bann mank.

Ou lot pwen Onorab i konsernan ban *teacher assistant*, la mon ti a kontan felisit zot. Zot osi aköz i annan pa mal, *teacher assistant* ki kapab pran laklas personnelman. Zot ase kalib. E *DGHRA* pa la, me selman si pour mwan azoute, apre *DG* i sinyal mwan i annan keksoz pour azoute. I annan menm bann *head teachers* zot pe fer sa tre byen.

Bann dimoun ki e pran laklas an plis, zot annan zot bann rikord ki zot anvoy kot *DGHRA*, *DG* Domingue e menm kot mwan. E parfwa kot *DG* Arnephy, kot zot *claim* bann erdtan an plis ki zot pe fer. Donk seksyon *HR* i *compiled* tousala anba kot *DG* Domingue.

E apre nou fer laranzman pour pey zot pour sa bann *claim*. Mersi Mr Speaker. Mersi Onorab. *DG* i anviz azoute.

MR SPEAKER

Mersi. Wi. Onorab William.

HON WAVEN WILLIAM

Mersi Mr Speaker. Bonn apre midi Minis avek ou delegasyon. Mon anvi demann ou Minis pour rekritman bann *teachers* etranze, ki bann kriter ouswa prosedir ouswa kondisyon, *before they are recruited*?

MR SPEAKER

Mersi Onorab. PS, pour kontinyen adrese?

MINISTER JUSTIN VALENTIN

Yes.

MR SPEAKER

PS?

PS MERNA EULENTIN

Mersi Mr Speaker. Mersi Onorab pour ou kestyon. Sa bann ansennyan premyerman fodre zot annan en Degre. Nou pa aksepte okenn ansennyan etranze ki napa en Degre.

E dan lamazorite ka sa i depi 2022 nou'n etabli. Nou esey pran bann dimoun ki annan 2 zanfan e pa plis. Akoz Minister Ledikasyon nou kouver pour 2 zanfan.

Bann ki annan plis nou pa kouver. E petet lo peryod letan. Mon kontan ou'n demann sa kestyon Onorab.

Avek sa *suitability check*, ki an plas i pran nou enn pti pe plis lontan. Akoz *recruitment* ti

annan en delegasyon. DG avek en lekip osi.

Depi Zanvye nou'n ale pour fer *recruitment*, me prosedir i ase long, sirtou avek bann *suitability check*.

E osi bann dokiman ki sa bann dimoun i tarde anvoye. Par egzanp ennler ou kapab dir zot anvoy tou zot sertifika, anvoy zot tes medikal, anvoy bann keksoz.

Zot ganny drwa anvoy 2 sertifika, me tes medikal ouswa *police clearance* i manke.

So sa bann vatevyen kominikasyon, ou bezwen pas atraver bann prosedir i met retar, pour ki zot kapab antre dan nou lekol ase boner.

So nou ti pe ekspekte ki i pour pran en pe mwens ki 3 mwan. Me malerezman, zot – nou'n desote. E nou remersye lekol pour konpran sa, malgre i pa fasil.

E dernyen kominikasyon. Bomaten ler mon'n tyek mon *email* 7er, mon'n vwar ki annan en *batch* pe - pour antre. E DGHRA osi ti konfirman ki 15 - apepre en 15 mon krwar, (si mon *SIF* i korek?) Mon a zis *double check*, pour antre le 15.

So nou pe kapab fer en pe antre ptipti. Me byensir avek bann diferan regilasyon nou bezwen fer sir ki tou zot keksoz i an plas. Pour ki ler zot ariv

Sesel napa okenn problemm.
Mersi.

MR SPEAKER

Mersi PS. Onorab Sultan.

HON VALDANA SULTAN

Mersi Mr Speaker. Mon kestyon in ganny reponn dan larepons Onorab William. Mersi.

MR SPEAKER

Byen. Onorab Tamboo.

HON LOUISETTE TAMBOO

Mersi Mr Speaker. Bonn apre midi Mr Speaker, Minis, avek ou *panel*, tou Manm koleg Onorab e tou dimoun a lekout.

Minis, ler mon'n ekout larepons, in annan en bout ladan ki'n atir mon latansyon. Ki fer mwan bezwen demann zot en kestyon, ki mon krwar i tre enportan.

Letan ki i annan mankman *teachers*, nou fer ki nou bouz dan lot laklas pour kouver en pe. Me kwa ki trakas mwan la mwan se lo bann *teachers* zot menm. *Either being an assistant or qualify teacher*. Akoz i annan en legzanp ki konkret ki mwan mon konnen, ki dan laklas mon zanfàn - ki letan - nou pe koz lo en *coordinator*, *hmm* ki responsab en groupman louvraz. E ou

pran li pour ou fer li al responsab en laklas.

Now, ki arive avek son louvraz ki li i annan pour li fer e sa bout an plis ki ou'n donn li? Ki mannyer eski zot Minister zot anvizaze adres sa sityasyon pour soulaz en pe sa bann presyon lo sa bann ansennyan? Mersi Mr Speaker.

MR SPEAKER

Mersi Onorab. Minis, ou a diriz ou *panel*.

MINISTER JUSTIN VALENTIN

Mersi Mr Speaker. Mersi Onorab pour kestyon. Mr Speaker, mon osi anvi dir en keksoz a sa pwèn. Letan ou get bann mankman *teacher*, e ou diviz li dan lakantite lenstitisyon ki annan.

Nou pe gete, i apepre mankman *teacher* li menm, i enn ou de *teacher* par lekol. Me selman, sa i en *average*. I kapab annan serten lekol ki petet i annan plis ki 2. I kapab annan lekol ki annan 3. Me selman la nou pe get li *average*.

Dezyenm pwèn ki enportan, par egzanp bann *coordinators*. Mon pa anvi en ka, i vin en zeneral. I annan letan ou get louvraz en *coordinator*, en *coordinator* i pa pe *coordinate* toulezour, tou letan li.

I annan son *teaching load* ki annan li. Problemn petet i arive, i pa neseserman aköz mankman *teacher*. I osi arive aköz labsans dan lekol. Sa annandler ki pli - sa labsans dan lekol annandler i pli grav ki sa mankman *teacher*.

Donk sanmenm sa annandler ki ou bann *teachers* letan pour absante, ou fer sir zot fer byen, zot organize. Zot organize, zot pa zis deside ozordi zot pa pour vini, zot pa *turn up*.

I tout en travay osi ki bann dimoun ki siport lekol i fer avek bann ansennyan. Aköz i annan bann ansennyan ki ou konnen preski tou lazournen, zot annan en rezon.

Zot annan en rezon pour zot la. I annan bann rezon ki vre, i annan bann rezon ki byen. E ki zot ganny senpati tou zot bann lezot kolek.

Me i annan rezon osi annandler, ki ou doute ki sa bann rezon i valab. Donk problemn parey nou pe dir i pa neseserman sa mankman *teacher*. Mankman *teacher* lekol in fer provizyon pour aranze. Me ler i annan *teacher* absan, ki prezan i fer ki ou war – ou krwar sa mankman ki pe fer sa gran diferans. Mersi Mr Speaker.

MR SPEAKER

Mersi Minis. Nou ava avans lo prosen kestyon. Onorab Regina Esparon.

HON REGINA ESPARON

Mersi Mr Speaker. Mr Speaker, nou pe pran nimerò 110 – 101 la?

MR SPEAKER

101.

HON REGINA ESPARON

Ok. Mersi. Eski Minis i kapab dir Lasanble ki program ki son Minister i annan, pour bann *librarian* pou permet zot progrese dan zot karyer? Mersi.

MR SPEAKER

Mersi Onorab. Minis?

MINISTER JUSTIN VALENTIN

Mersi Mr Speaker. Mersi Onorab, pour kestyon. Mr Speaker, Minister Ledikasyon atraver *SITE*, pe finaliz la an se moman en program lo nivo Diplonm pour bann zofisye ki travay dan *library*, dan bann lekol.

Sa i a permet zot pour kalifye, pour pli byen desarz zot responsabilite. Letan sa program pou'n ganny akredite, nou pour kapab fer *Recognition of Prior Learning - RPL* parey nou apel li, kot bokou sa bann biblioteker.

Akoz nou konnen zot akimil en kantite leksperyans, en kantite konesans, zot pour kapab antre lo sa program e evantyelman ganny zot en kalifikasyon.

An tou i annan 10 biblioteker ki pe swiv sa program ki'n komanse - pe swiv sa program e sa pour ale pour 18 mwan.

Bann biblioteker, ki pe swiv sa program pilot kot *SITE*, in antre lo sa program, Diploma dan Ledikasyon pour bann Biblioteker. Sa program ti ofisyelman lanse le 19 Me 2025.

Bann biblioteker pe swiv sa program enn fwa par semenn. E an plis ki sa depi, depi ki mon'n antre dan lofis, in annan 6 biblioteker in swiv program devlopman *digital online Library Certificate* - en *course* ki'n ganny administre par en lenstitisyon ki baze an Lenn.

Pour annan ankore bann biblioteker ki pour swiv sa program devlopman. E pour annan 4 diferan group ki pour komanse apartir Zilyet 2025. E sa pour anmennen, ziska Desanm 2025.

So sa program pour ede devlop kapasite biblioteker dan zot, dan lalang Angle. Byensir, lalang pour koze, ekri osi laplikasyon bann lalang, pour

zot kapab byen ed bann etidyan. E pour sa program i tre eleve e nou konnen ki pour kapab byen ekip bann biblioteker. Mersi Mr Speaker.

MR SPEAKER

Mersi Minis. Ou siplemanter, Onorab.

HON REGINA ESPARON

Mersi Minis pour ou larepons byen detaye. Minis, an vi la ki pour annan en re-alinyman dan kalifikasyon bann biblioteker, eski pour osi annan en re-alinyman dan zot saler pour *accommodate* sa sertifika ki zot pour gannnen?

E dezyennman Minis, an vi ki bann *librarians* i ganny konsidere koman bann *non-teaching staff*, eski i pour annan en reazisteman? Par egzanp letan i annan vakans ki zot pour zot bezwen war zot ki zot bann *non-teaching staff*. Me zot bezwen war zot prezans kot lekol toultan menm pandan vakans letan bann lezot kad travayer pa la.

Eski pour annan en reazisteman osi dan zot lafason ki nou servi bann *librarian* pour zot travay silvouple? Mersi.

MR SPEAKER

Mersi Onorab. Minis?

MINISTER JUSTIN VALENTIN

Mersi Mr Speaker. Mersi Onorab, pour ou kestyon. Mr Speaker, lo kote saler, *alignment* saler, mon pa pour kapab donn okenn bann garanti a sa pwen.

Me selman sa ki nou konnen provizyon i ganny fer pour letan en dimoun son kalifikasyon i sanze. E avek lo nou Bidze *MB Planning* ki nou fer, letan nou konnen i annan bann lot group dimoun ki zot kalifikasyon pour sanze, provizyon i ganny fer pour zot osi zot saler, ganny aziste an konsekans. Sa i ganny fer.

E apre i annan sa lot kestyon i pa neserman zis pour bann biblioteker, me osi pour bann lezot dimoun ki travay koman bann *support services*, bann *support* servis dan lekol.

Par egzanp la toudswit mon mazin bann lab teknisyen, zot osi zot pe demande pour revwar kondisyon zot travay. Akoz i annan i ganny 21 zour konze zot.

Zot pa neserman ganny vakans, me zot ganny 21 zour konze. Me nou, nou ankor pe diskite.

Prenon kont en kantite lezot keksoz, ki bann *headteachers* - bann *headteachers* i dan sa diskisyon

zot osi, pour gete ki mannyer nou kapab reaziste sa kondisyon, ki fer ki ler lekol i fermen dan vakans, par egzanp bann biblioteker zot osi zot eksprimen zot al dan laklas zot osi.

Alor zot osi ler vakans i fer, zot osi zot anvi al vakans. Donk nou pour pran en pozisyon tre byento lo sa kote. Pa zis pour bann biblioteker me osi pour bann lezot dimoun ki ganny afekte.

Mon reganny lasirans la avek mon bann zofisye, avek *DG*, ki sak lekol bann *headteacher* depandan ki'n pase dan term, bann *headteacher* i servi zot diskresyon pour les sa bann travayer en pe pran zot bann konze.

Menm pa tou ki al ansanm me i annan ki al diferan ler. Me selman zot ganny en pe vakans. Mersi Mr Speaker.

MR SPEAKER

Mersi Minis. Onorab Pillay.

HON SEBASTIEN PILLAY

Mersi Mr Speaker. Mr Speaker, resaman ti annan en group *librarians* ki ti *retire*. Mon rapel miss Marie-Ange Moustache ki ti'n fer 42an, e mon'n travay ek li lekol Belonie. Mis Mary Antat ki'n Anse Boileau, Mis Marie-

Anette Lawen ki'n fer 39an koman *librarian*, Mis Geraine Antat ki ti'n fer pres 50an e Mis Christina Dogley ki ti 42an.

E dan en *meeting* ki zot ti gannye avèk Prezidan - e sa ti an 2022, 3an pase. Diskisyon ki ti ganny fer avèk zot sete zisteman, sa size *Scheme of Service for librarians*.

Minis pe dir nou la, zot pe al komans sa diskisyon. So eski ou kapab klarifye avèk nou, eski sa diskisyon ki ti gannye avèk Sef *D'Eta* in ganny transmet avèk ou? Pour ki depi sa letan 2022, ler sa bann dimoun ki'n fer sa kantite letan.

Akoz *obviously* sa bann *librarians* ki'n *retire*, nou konn zot tre byen zot bann dimoun ki'n donn pandan en kantite lannen. Zisteman pour nou konpran, sa rezondet aköz zot pe demann sa revizyon. E rol ki zot zwe dan lekol aköz *PS* in mansyonn *cover*.

Souvandfwa dan lekol koman en *former* administrater lekol, ou *rely* lo bann *librarians* pour ed ou avèk bann *cover*.

So dan bann lekol primer e sirtou lekol segonder. So eski zot in sa lenformasyon ariv kot ou? Ou si non kote sa lenformasyon i ete an sa ki konsern sa diskisyon ki ti arive avèk Sef *D'Eta*?

Zisteman pour ede, ede pous sa deba lo sa *Scheme of Service* pour *librarians*. Parey nou'n annan dan pour lab *technicians* dan lepase, zisteman pour nou kapab konnen kote nou *stand* avèk bann *librarians* ki pe kontinyen ganny *training*, pour nou rod *training* pour ogmant zot kapasite. So eski ou annan sa lenformasyon. Mersi Mr Speaker.

MR SPEAKER

Mersi Onorab. Minis ?

MINISTER JUSTIN VALENTIN

Dakor. Mersi Mr Speaker. Mersi Onorab, pour ou kestyon. Mr Speaker bann -tou diskisyon ki pase evantyelman ki konsern Ledikasyon, i ariv kot mwan.

I ariv kot *management* Minister Ledikasyon. E se pour se la, ki annan bann diferan keksoz ki kontinyen arive progresivman. Parey mon'n dir la, i annan bann diferan kour ki nou pe fer, ki nou pe les bann *librarian*, biblioteker fer pour zot kapab *improve* zot kapasite, zot konpetans.

Me an se ki konsern si okenn keksoz parey nou dir ki konsern saler. Ki konsern saler - nou -i tonm dan tou, dan tou diskisyon parey nou'n fer kot

pour lemoman *scheme of service* pa pe ganny touse.

Me an plis ki *scheme of service* i annan bann kondisyon. Lezot bann kondisyon. Par egzanp bann kondisyon lo si pour annan vakans - pour ariv vakans, in annan bann amelyorasyon, i annan bann aksyon ki'n ganny pran.

Par egzanp, i annan lekol parey nou'n dir, *headteacher* i servi zot diskresyon pour li kapab gete ki mannyer son lekol pe fonksyonnen? Lekel ki devret al dan vakans e ki letan *and so on and so forth*.

Me nou, nou anvi desizyon pran en desizyon. Eski nou pour tret bann *librarian* parey bann *teachers*? Ouswa zot pour kontinyen reste lo sa kad, ki zot ete la. Sa i en desizyon ki pa ankor ganny pran la pour lemoman. Mersi Mr Speaker.

MR SPEAKER

Mersi Minis. Nou ava avans lo kestryon 102. Onorab Anne Bistoquet.

HON ANNE BISTOQUET

Mersi Mr Speaker. Kestyon 102 i lir koumsa:-

Eski Minis i kapab enform Lasanble si son Minister i satisfè avèk nivo performans bann zanfan primer e segonder,

an vi bann rezilta legzanmen nasyonal? Si non, ki fason Minister pe anvizaze idantifye lakoz bann tel performans? Mersi.

MR SPEAKER

Mersi Onorab. Minis?

MINISTER JUSTIN VALENTIN

Mersi Mr Speaker. Mersi Onorab pour kestryon. Mr Speaker sa kestryon zot pour realize i mont souvan letan mon vin dan Lasanble, pour koz lo performans bann etidyan.

I toultan annan lespas pour amelyore, menm si annandler nou selebre serten bann *achievement*. Me selman nou konnen i annan en ta lespas pour amelyore.

Rezilta legzanmen i depan lo plizyer faktè. I annan ki nou annan kontrol lo la, e byensir i annan ki an deor nou kontrol. I annan plizyer mezir lo nivo lekol ki nou pe fer, pour nou kapab idantifye bann faktè ki pe afekte laprantisaz.

Sak lekol bann ansennyan, bann *management* lekol, zot annan sa konpetans pour zot fer zot prop resers, pour gete o nivo lekol ki pe arive.

Serten bann faktè i enkli bann problem sosyal. I annan bann mank langazman, sirtou

nou vwar, bann mankman langazman bann paran atraver ledikasyon zot zanfán. I annan osi mank konpetans, mank konpetans serten bann konmsi pour ankadre bann paran, pour ankadre zot zanfán.

I annan osi motivasyon bann zanfán. I annan kalite lansennyman, bann pedagozi ki annan bann mankman dan bann ansennyman parfwa.

Sanmenm sa ki nou toultan pe fer proze, pe rod bann fason pour reformen pour nou kapab bouz devan. I annan an se moman bann *curriculum working group*, bann group travay, ki pe fer en odit dan bann diferan size, pour etabli bann defi, bann defi ki konserne bann program letid e vwar bann fason pour adrese.

E sa reform ki nou'n - nou pe antreprann zisteman, i pour osi ede en kantite pour rezourd en bon pe sa bann defi ki nou annan dan ledikasyon. Evantyelman fer rezilta legzanmen vin pli meyer. Mersi Mr Speaker.

MR SPEAKER

Mersi Minis. Siplemanter Onorab?

HON ANNE BISTOQUET

Mersi Mr Speaker. Mersi Minis, pour ou larepons. Minis, an

Fevriye zot ti dir poudir i annan serten size ki etidyan in – in annan enn pti amelyorasyon, me laplipar size zot in *decline*. Eski ou kapab dir nou lekel sa bann size ki in annan sa amelyorasyon e lekel size ki'n *decline*? Mersi.

MR SPEAKER

Mersi Onorab. Minis?

MINISTER JUSTIN VALENTIN

Mersi Mr Speaker. Mersi Onorab. Mr Speaker, malerezman mon pour napa sa bann detay spesifik. Me nou kapab tou fer Lasanble ganny sa bann rezilta. Mersi Mr Speaker.

MR SPEAKER

Thank you. Onorab Arissol. Sandy.

HON SANDY ARISSOL

Mersi Mr Speaker. Bonn apre midi ankor enn fwa tou dimoun a lekout. Minis ek ou lekip. Mon ti a kontan zis demann enn pti keston an relasyon avek size.

Ou konnen Minis, bann ansennyman ozordi zot kapab annan en swa pour zot kapab *teach* en size, oubyen de size. Be bann zanfán zot, zot napa en swa pour zot swazir ki kantite size zot aprann. Sirtou dan primer.

So nou ankor pe servi menm sistenm *learning* parey letan mwan mon ti aprann, kot nou annan 7-7 size 6-7 size. E bann zanfan primer zot ganny forse pour zot aprann 6-7 size.

Eski dan laprantisaz avek kestyon ki'n ganny demande an relasyon avek bann pwen, lafason bann zanfan pe fer, eski Minister osi pe vwar oubyen zot santi, oubyen si serten letid pe ganny fer pour nou asire ki kekfw lakantite size ki nou fors nou bann zanfan sirtou pour aprann, kekfw sa osi i ede parfw pour fer performans desann. Premyerman,

E dezyenmman si i annan lekol ozordi, zot annan bann lezot aktivite, parey nou apel sa *visual aids*, pour bann zanfan olye senpleman pe zis asize avek en kaye, oubyen pe pran *notes* lo tablo.

Be si i annan bann lezot keksoz enteresan ki ankouraz bann zanfan, spesyalman dan primer, pour zot kapab pran sa letid o serye, pour ki zot pwen i monte, parey kestyon pe demande. Mersi Mr Speaker.

MR SPEAKER

Mersi Onorab. Minis?

MINISTER JUSTIN VALENTIN

Mersi Mr Speaker. Mersi Onorab pour kestyon. Mr

Speaker, kestyon Onorab i santral dan konversasyon ki pe arive a ler aktyel, dan ledikasyon primer.

Annefe dernyen kestyon taler mon pou koz lo en proze en proze, en proze '*PETALE*', ki nou pe komanse. Zisteman pour revwar sa ki nou apel sa *menu* ki nou donn zanfan.

Nou santi, nou santi vreman ki vre i annan, *timetable* lekol primer i deborde. E nou pe rod en solisyon pour sa. E nou preski ganny en solisyon pour sa problem.

Mersi Mr Speaker. E mon koleg DG i anv azoute silvouple.

MR SPEAKER

Wi. DG?

DG FOR INSTITUTIONAL SUPPORT **BERNARD ARNEPHY**

Mr Speaker, pour adres dernyen bout kestyon Onorab, ki bann inovasyon ki nou pe anmennen? So vi ki nou pe koz en kantite lo *digitalization*, an se moman la Minister Ledikasyon depi lannen pase nou'n komanse, nou pe investir en kantite larzan pour nou ekip lekol avek bann *gadget* teknik, *smart TVs*, *projectors*.

Parey zot okouran sa lannen la tou *teachers* dan nou

Bidze pour ganny en *laptop*, zisteman pour adres enn pti gin sa lentere manrmay kot *teachers* i kapab fer bann sesyon ki pli *interacting* avek bann zanfan, servi.

Ozordi si ou al lo *internet* par egzanp, i annan en kantite bann leson enteresan, bann *videos*, bann ki *teachers* i kapab servi zis pour *stimulate* lentere zanfan.

An menm tan *stimulate* zot lentere bann *teachers*, pour zot fer ki laprantisaz i vin pli *engaging*, pli enteresan. So tousala i bann fason fer. E nou kapab par egzanp ek sa mankman *teachers*, ler sa i leka par egzanp ozordi ki nou pe ankouraz lekol.

Nou'n donn zot bann gran *smart TVs*, en *teacher* i kapab si i annan - nou annan P6(1), P6(2), ou kapab met sa bann zanfan dan en *dining room*, *ok*, *conduct* en *common lesson*, kot ou pe *screen* e i fer keksoz enn pti pe pli fasil. Pour *alleviate* enn pti pe sa bann *issues* ki nou annan. *So this is a bit* nou fason fer. Mersi.

MR SPEAKER

Mersi DG. Wi, Minis, ou le azoute? Fini.

MINISTER JUSTIN VALENTIN

Mon zis anvi azoute osi, sepandan osi, ou konnen primer nou bezwen osi, nou ki *lead* sa zanfan. Alors i enportan ki nou ekspoz zot osi avek -

Menm si nou panse ki zot *timetable* i deborde, i annan bann keksoz solman, ki mon krwar i fondamantal dan laprantisaz e ki bann etidyan i bezwen. I bezwen aprann. Donk, me selman an menm tan ki kantite, ki mannyer sa i ganny i ganny donn zot, sa i santral dan nou konversasyon.

MR SPEAKER

Mersi. Wi, Onorab Pillay, mon war ou pe proteste en pe. Mon zis anvi dir ou, ki par ler mon bezwen sot ou, aköz sansan napa bokou Manm ki pour ganny sans demann kestyon. Donk in ariv ou tour.

HON SEBASTIEN PILLAY

Mersi Mr Speaker. Napa problem. Mr Speaker, mon'n ekout larepons Minis. Mon pa oule met *Minis on the spot*, be selman sa kestyon in vin kot ou en pe letan.

E ou'n ganny letan prepare pour sa kestyon. E ler kestyon siplemanter in vini lo bann size spesifik, ou'n dir ou napa sa lenformasyon.

Mon enn pti pe konsernen, *knowing* ou. Ki mon

konn tre byen ki ou'n kapab annan sa lenformasyon.

So vi ki ou pa'n kapab dir nou dan ki bann size ki ou pe war sa bann problem, sa bann *decline*, apre tou legzanmen i annan en rapor ki ganny fer, lo performans zanfann. *Exam Unit* i fer en rapor. Ou annan en sistenm *inspectorate* dan Minister Ledikasyon ki osi fer en rapor lo tou lekol.

So ki pe arive? Akoz sa i mon konklizyon, ou a dir mwan si mon mal - ki pe arive ki pe fer ki sa bann rapor pa pe marye ek kanmarad, pou zisteman adres sa bann defayans ki ou'n mansyonnen?

Bann mankman pedagozi, bann mankman dan lanvironnman. Tou sa bann keksoz ki sipoze ganny adrese. Eski i annan en problem dan fer sa bann rapor vin o nivo lekol? Oubyen eski i annan en lot keksoz ki pe arive ki pe fer ki ou pa pe war sa rezilta mannyer ou ti ava anvi war li, parey nou tou nou ti a anvi war li?

Menm dapre bann prediksyon ki ou'n deza prezant avek Lasanble? Mersi Mr Speaker.

MR SPEAKER

Mersi Onorab. Minis?

MINISTER JUSTIN VALENTIN

Mersi Mr Speaker. Mersi Onorab. Mr Speaker, i annan bokou keksoz ki, i annan bokou data ki arive - ki nou annan dan nou lanmen pour nou travay avek. E nou pas nou letan en bon pe dan nou letan analiz bann sif, analiz bann data pour rod rezon, bann lakoz.

Mon'n dir en pe pli boner ki bann rezon akoz petet bann zanfann pa pe perform parey i ete. E se pour sela rezon, ki nou'n pran bann desizyon. Bann desizyon pour nou kapab aranz sistenm ledikasyon pour nou kapab bouz devan.

Akoz - annefe bann laranzman ki nou'n fer i baze lo sa bann data, ki nou'n gannnen pour nou kapab bouze.

Nou pa anvi kontinyen vir an ron. Nou bezwen en sistenm prezan ki bouze, ki anmenn nou anver sikse. Mersi Mr Speaker.

MR SPEAKER

Mersi Minis. Nou ava al lo kestyon 103. Onorab Conrad Gabriel.

HON CONRAD GABRIEL

Mersi Mr Speaker. Dir bonn apre midi tou dimoun. Bonn apre midi *panel*. Kestyon i lir koumsa:-

Anvi ki i annan bann problem disiplin dan lekol

Pointe Larue, osi byen ki dan laplipar lekòl segondè lo Mahe, eski Minis i kapab dir nou Lasanble ki son Minister pe fer pou rezoud sa problem? Mersi.

MR SPEAKER

Mersi Onorab. Minis, mon krwar osi i en kestyon ki'n vin dan Lasanble resaman. Me selman anfen, ou a kapab repas lo la. E nou a sey bref lo la.

MINISTER JUSTIN VALENTIN

Mersi Mr Speaker. Mersi Onorab, pou kestyon. I vre Mr Speaker ki sa kestyon i en kestyon ki mon'n reponn en kantite dan Lasanble.

Disiplin i en pilye fondamantal dan lasosyete. Nou rekonnet ki Lekòl Pointe Larue e lezot lekòl segondè, pe fer fas avek serten defi.

E mon Minister ansanm avek bann partener, nou pe kontinyelman rod bann meyer fason pou adres bann problem disiplin dan lekòl.

Premyèman nou pe ranforsi nou kolaborasyon ant lekòl paran ek Lapolis pou asire ki bann konsèrn disiplin i ganny *gérer* dan en fason efikas.

An plis, nou pe envestir dan program formasyon e devlopman profesyonnel bann

ansennyan. Pour ed zot ganny meyer stratezi pou *gère* konportman dan laklas.

Apard ki enplimantasyon Kod Kondwit, nou pe met lanfaz lo bann mezir prevantif tel ki program etik, *mentorship*, aktivite ekstraskoler e servis konsèy e gidans - *guidance and counselling*, pou ed bann etidyan devlop e adopte bann bon konportman.

Byento Minister Ledikasyon pou osi annan en program ledikasyon alternatif, byen striktire pou donn sipò an plis e target etidyan ki annan bann problem disiplin.

Sepandan, pou disiplin en zanfàn i demann osi en zefò kolektif, me non pa zis en zafer Lalwa e pinisyon. En zanfàn i devret a tou moman vwar li, dan en lanvironnman sipò, lekout respe mityel e lopòrtinite pou li viv son lanfans byen.

Mr Speaker, Minister Ledikasyon in ekout bann rekomandasyon, bann partnèr enkli Lasanble Nasyonal, konsèrnan Kod Kondwit. E tousala pou ganny pran an konsiderasyon pou nou evantyelman, annan en Kod Kondwit ki deservi larealite ozordi.

Sa ki Minister i kapab fer se ranforsi lenplimantasyon

bann Polisi ki an plas, kontinyen amelyor sipor e resours pour lekol, e ankouraz en lanvironnman ki siport bon konportman.

Me i en travay ki bezwen an kolaborasyon kontinyel. Si nou tou Minister, lekol, paran ek lasosyete ki enkli tou dimoun, i donn en koudmen, nou pour kapab ansanm travay, pour nou valoriz disiplin e fer zanf an war sa bon direksyon dan ki nou anvi ale.

Alor mon Minister Ledikasyon, i reste angaze pour kontinyen dyaloge, e nou akey kontribisyon sorti kot tou dimoun pour nou kapab rod en solisyon.

Me Mr Speaker, paran i zwe en rol enportan dan konportman en zanf an. Se pour sa rezon ki Minister Ledikasyon i dezapwente letan paran i swazir pour vin ensilte, ou azir agresiv anver bann travayer lekol.

Alors lo non bann lekol nou demann bann paran silvouple pour zot annan bon tolerans. E ler zot vin kot lekol, vin pour zot konpran bann sityasyon, me non pa dan en laform agresiv. Mersi Mr Speaker.

MR SPEAKER

Mersi. Wi, Onorab, ou siplemanter?

HON CONRAD GABRIEL

Mersi Mr Speaker. Mersi Minis, pour larepons. Zis Minis, dir mwan konbyen *teacher* i annan pour fer bann *counselling* avek bann etidyan depi S1-S5?

E osi konbyen bann *career guidance teachers* i annan? Pour ede realiz sa lekspektasyon bann etidyan e anmenn sa *high learning impact* lo en lot nivo.

E zis an pasan Minis, ki bann mezir sekirite ki zot in met an plas vi ki sa *drop-off lane* in konplete?

E dernyerman....

MR SPEAKER

De kestyon i ase.

HON CONRAD GABRIEL

E dernyerman ...

MR SPEAKER

De kestyon i ase Onorab.

HON CONRAD GABRIEL

E dernyerman Mr Speaker, eski i annan en problem mankman *teachers* kot lekol...

(comments off-mic)

MR SPEAKER

Ah, be non!

HON CONRAD GABRIEL

Mr Speaker...

MR SPEAKER

Deza Onorab. Deza Onorab, ou de siplemanter in al an deor kestyon disiplin.

HON CONRAD GABRIEL

Non be...

MR SPEAKER

Me selman Minis i kapab met...

HON CONRAD GABRIEL

Mr Speaker – *sorry*.

MR SPEAKER

Met en repons. Minis, ou repons.

HON CONRAD GABRIEL

Mon a eksplike.

MR SPEAKER

Minis, ou repons?

MINISTER JUSTIN VALENTIN

Mon a - Mr Speaker. Annefe - anefe i annan omwen en *teacher careers guidance*, par lekol segonder. E bann *counselling - counsellor* i annan enn pour sak lekol.

Donk sa i donn nou en lendikasyon ki kantite i annan dan sistenm. Apre lot de

kestyon Mr Speaker, mon pa'n tro konpran. Malerezman.

MR SPEAKER

Wi, mon pa'n note bann kestyon. Onorab *ok*. Poz ou dezyenm kestyon.

HON CONRAD GABRIEL

Mr Speaker, nou pe koz disiplin. So nou annan en *drop-off lane* ki'n konplete Pointe Larue kot lekol segonder. So mon pe zis senpleman demande ki petet ki mezir sekirite Minister i annan pour sa?

MR SPEAKER

Mersi.

HON CONRAD GABRIEL

Apre zis an pasan. Zis dir nou si i annan mankman *teachers* kot Lekol Pointe Larue? Dan ki size? Mersi.

MR SPEAKER

Mersi. Minis, nou ava adres sa kestyon disiplin. Sekirite lo *drop-off lane*.

MINISTER JUSTIN VALENTIN

Mr Speaker. *DG* Arnephy i anvi pran sa kestyon.

MR SPEAKER

DG. Wi. Ou annan laparol.

**DG FOR INSTITUTIONAL
SUPPORT BERNARD
ARNEPHY**

Mr Speaker, avek proze pour agrandi semen Pointe Larue, so Minister Ledikasyon avek son bann partener ti agree lo en desizyon. Pour bouz nou *boundary wall* en pe pli anndan pour fer sa *lane drop-off* pour manrmay lekol.

So nou, nou'n deza koz avek lekol aköz lekol i annan striktir an plas, son *warden* e menm bann *teachers* ki ede avek sipervizyon, pour ki dan bomaten, sirtou dan bomaten letan i annan *drop-off*, kot *at least* nou ganny sa bann dimoun *warden*, ansanm avek serten *teachers* ki vin. Aköz letan mon'n pase nou'n vwar landrwa i *safe* li. Me solman ou konnen i annan manrmay ki nwizans.

So zis koman en mezir prekosyon lekol li *internally* i aranze. So sa lekol i kapab fer, pour li aranze pour fer sir ler zanfani ganny *drop-off*, zanfani antre direktteman kot lekol zot pa *loiter* lo semen, pour fer sir zot an sekirite.

E sa i osi aplik pour apre ler lekol, kot si annan okenn zanfani ki bezwen al pran bis o bor *main road*, so i toultan annan sipervizyon.

So mon pa war i sipoze nen problem. E son dezyenm parti keston, *in regards to* mankman ansennyan. So Pointe Larue i enn bann lekol segonder ki annan serten mankman ansennyan parey lezot lekol segonder.

Nou konnen bann size par egzant dan matematik nou konnen i manke pour lemoman, dan lasyans. So parey PS in dir pli boner bann *teachers* ki pe rantre. Nou konnen poudir lekol Pointe Larue Segonder i enn sa bann lekol ki dan lalis priyoriter, pour li ganny asiste avek serten mankman *teachers*.

So *hopefully* i ava ede adres enn pti gin sa mankman kot lekol Pointe Larue Segonder. Mersi Mr Speaker.

MR SPEAKER

Mersi. Onorab Samynadin.

HON KELLY SAMYNADIN

Mersi Mr Speaker. Mr Speaker, mon napa en keston me selman plito vi ki Minister Ledikasyon i la. Mon ti ava profite pour mwan *acknowledge* e remersye zot.

Swivan Mosyon ki mon ti anmenn devan Lasanble Mardi le 27 Me, 'pour demann Minister Ledikasyon pour reviz Kod Kondwit'.

E mon'n note dan larepons Minis ki'n mansyonn serten rekomandasyon ki nou'n anmenn devan. Tel ki kolaborasyon e langazman kominoter, paran, Lapolis, formasyon pour bann edikater, bann program etik, *mentorship*, *extracurricular activities*.

So mon ti ava zis kontan remersye zot, pour pran nou bann rekomandasyon an kont. Vi ki nou lo sa kote latab nou ti deside, nou ti vot an faver sa Mosyon akòz nou santi ki ti annan en nesesite. So nou ti a kontan dir zot mersi. E felisitasyon pour sa travay ki zot a pe fer. *Thank you*.

MR SPEAKER

Mersi. *Well* i pa egzakteman en keston. Me Minis, mon pa konnen si ou annan okenn remark ki oule fer, zis pour *acknowledge*.

MINISTER JUSTIN VALENTIN

Mersi Mr Speaker. Mr Speaker Minister Ledikasyon i valoriz en kantite bann diskisyon ki pase dan Lasanble. Donk nou toultan, nou toultan pran bann rekomandasyon e nou anvi bouz devan.

Akòz nou anvi en sistenm ledikasyon ki reflekte osi

demann lasosyete. Mersi Mr Speaker.

MR SPEAKER

Mersi Minis. Onorab Tamboo.

HON LOUISETTE TAMBOO

Mersi Mr Speaker. Minis, ou'n fer resorti ki detrwa fwa ou'n reponn sa keston lo disiplin. Me mwan mon ti a kontan konnen eski i annan en problem dan ou sistenm ki pe fer ki sa problem i kontinyen vin alarman e ki nou bezwen anmenn li ankò dan Lasanble? Mersi Mr Speaker.

MR SPEAKER

Minis, ou repons.

MINISTER JUSTIN VALENTIN

Mersi Mr Speaker. Mersi Onorab. Onorab i annan problem dan nou, dan sistenm sosyete ki nou tou nou form par ladan.

Donk, problem disiplin i pa dan problem sistenm ledikasyon. I pli gran ki sa, e mon krwar letan nou rekonnet sa, nou pour travay ansanm pour nou kapab rod son solisyon. Me dabor nou bezwen rekonnet ki i annan problem, ki nou bezwen adrese. Mersi Mr Speaker.

MR SPEAKER

Mersi. Onorab Roucou, ou kestyon.

HON MICHEL ROUCOU

Minis, bonn apre midi. Annefe mersi Mr Speaker. Minis, lo kestyon anmennen par *MNA* pour distrik Pointe Larue. Ki pe demann ou lo kote nivo disiplin dan lekol segonder Pointe Larue.

Minis si ou kapab dir nou, akoz bann kestyon ki'n ganny demande oparavan, i montre ki mannyer ki zot pe ganny dir, poudir ki i annan e masiv problemn dan Lekol Pointe Larue.

Si ou kapab dir nou, ou menm ou, eski i annan konsern ki bann *teachers* Lekol Pointe Larue Segonder in vin war ou kot zot dir ou poudir keksoz pe pet an fler kot lekol Pointe Larue nivo disiplin? Ki ou kapab dir nou lo la? Ki sityasyon kot lekol Pointe Larue lo nivo disiplin? Mersi.

MR SPEAKER

Minis, ou kapab adrese?

MINISTER JUSTIN VALENTIN

Mersi Mr Speaker. Mersi Onorab, pour kestyon. Mr Speaker, parey nou pe dir dan tou lekol, dan tou lekol sityasyon pa perfe. Problemn

disiplin sirtou dan bann lekol segonder i partou.

I annan bann problemn ki relye avek plizyer keksoz. Nou ti a voudre annan en -disiplin zanfan ti ava en pe – nou ti a swete ki ti ava en pe pli meyer.

E sanmenm sa ki nou toultan osi demann paran pour nou paran i zwe en rol kle dan ed sa sityasyon. E sanmenm sa ki finalman dan mon pti lentervansyon mon'n lans en lapel pour paran nou konpran.

Letan nou vin kot lekol, konmsi annou konpran ki'n arive, annou konpran ki'n arive avan nou vin agresiv. Akoz nou war i annan bann deka, bann detrwa ka ki pe ogmante. E sa pa dan lavantaz personn.

I met lekol dan en sityasyon ki zot santi zot annandler zot napa sekirite akoz zot per ki paran sirtou bann ki vin agresiv kot lekol.

Me nou, nou bezwen rod osi bann solisyon. Nou pe travay ansanm ek Lapolis pour fer sir ki sa bann keksoz i ganny eliminen.

Donk, e mon ti a demann osi bann zanfan, bann zanfan pour zot travay en pe. Sirtou bann – pa tou zanfan. I annan bann bon zanfan dan sistenm lekol. Bann zanfan – sa bann sistenm disiplin i avek enn pti group sa.

E nou, nou bezwen travay ek sa pti group. E se pour sela rezon ki tre byento nou pour annan sa *Hope Center* ki ti ganny met – ki nou’n deza fini met premye pyer anler Bon Espoir.

E sa pour ed en kantite rezourd en pe bann problem ki annan. Kot bann zanfann pa kapab viv ansanm ek lezot i ava ganny mete dan sa sant. Koumsa zot ava ganny refer. E apre zot ava ganny reentegre dan sistenm skoler. Mersi Mr Speaker.

MR SPEAKER

Ok. Mersi Minis, mon a pran kestyon Onorab Larsen.

HON CECILE LARSEN

Mersi Mr Speaker. Bonn apre midi tous. Minis, mwan mon ti a kontan konnen parey bann etidyan ki ganny sispann, pour rezon disiplin, eski zot ganny anvoye dan lakour ziske ler zot sispansyon i fini oubyen i annan en program ki zot swiv panda sa letan? Mersi Mr Speaker.

MR SPEAKER

Mersi. Minis?

MINISTER JUSTIN VALENTIN

Mersi Mr Speaker. Mersi Onorab pour kestyon. Mr

Speaker, parey mon'n dir, sa topik sispann ti dan konversasyon letan sa Mosyon ti pe ganny debate.

Donk nou pour lemoman, wi bann zanfann i ganny anvoye mazorite letan, bann zanfann i ganny anvoye dan lakour. Me nou pe rod osi alternativ pour sispann. Akoz sispann pa neserman rezourd nou problem. I annan bann etidyan ki rod li sa sispann.

Zot rod sa sispann e apre i annan sa ki nou apel bann *suspension package* ki PS i kapab apre elabor enn pti pe lo la.

Me selman nou, nou pa krwar poudir sispann i le meyer solisyon. Me selman i annan letan ki ou bezwen, ou napa swa, ou bezwen tir sa zanfann kot lekol.

Akoz enn, pour sekirite osi lezot zanfann, ki anvi fonksyonnen ki anvi aprann byen. Mersi Mr Speaker.

MR SPEAKER

Mersi. PS pour azoute.

PS MERNA EULENTIN

Petet zis pour eksplik enn pti pe detrwa legzanp bann *suspension package*. Par egzanp i annan bann lekol i kapab donn pour en semenn, swa de zour sa bann zanfann

pour fer bann travay kominoter. Swa i kapab dan zot distrik, swa i kapab kot lekol.

E i annan menm bann lorganizasyon parey mon'n mansyonnen oparavan, ki kot nou anvoy sa bann zanfan, i kapab swa kot *NCC*, swa kot en lorganizasyon kot zot kapab ganny enn pti pe *mentoring* e koz avek. Mersi.

MR SPEAKER

Mersi. Onorab Woodcock, i sanble mwan ou pe pran en labitid kriy atraver lasal, mon a demann ou arete e konsantre lo ou kestryon silvouple.

E zisteman ou annan laparol pour ou kestryon la 104.

HON WAVEL WOODCOCK

Mersi Mr Speaker. Mon kestryon i konm swivan:-

Eski Minis, i kapab donn detay sa Lasanble lo bann diferan proze renovasyon e nouvo proze ki pe al ganny antreprann lo bann diferan lekol lo Praslin? Mersi.

MR SPEAKER

Mersi. Minis, repons.

MINISTER JUSTIN VALENTIN

Mersi Mr Speaker. Mersi Onorab pour kestryon.

Mr Speaker, Minister Ledikasyon in ganny Bidze pou

enplimant de proze pour Lekol Praslin Segonder sa lannen.

Premye proze, se renovasyon lo lekol ki konpri bann travay zeneral pour mentenir standar sa lekol. E osi nouvo konstriksyon.

Sa proze i enn ki'n fini *tender*. An se moman lekip *SIA* pe finaliz rekomandasyon pour apwent en kontrakter. Nou pe ekspekte ki sa proze i a kapab komanse a lafen Zen sa lannen.

Dezyenm proze ki osi ase avanse dan son preparasyon, se renovasyon lo blok *S1* sa lekol. E bann travay i enkli, bann *maintenance* e reparasyon lo bann defayans striktirel ki'n ganny idantifye.

An menm tan, bann travay pour osi fer lo sistenm elektrik sa lekol. E osi bann amelyorasyon kosmetik anliny avek bann renovasyon zeneral, ki pour asire ki sa fasilite i reste lo en standar akseptab.

Nou ekspekte ki sa proze i a kapab ganny *tender* ver lafen Zen 2025. E travay i ava komanse ver milye Out sa lannen. I annan en sonm R7.5milyon ki'n ganny bidzete, pour sa de proze.

Nou osi annan plan pour konstriksyon en blok 2 laklas kot Lakres Grand Anse Praslin Primer pour ede adres mankman lespas.

Sa proze i an se moman kot Lotorite Plan pour laprouvasyon neser. Nou ekspekte ki sa proze i demare tre prosennman. Mersi Mr Speaker.

MR SPEAKER

Siplemanter Onorab Woodcock?

HON WAVEL WOODCOCK

Mersi Mr Speaker. Mon apresye ki proze byento pe al demare lo sa Lekol Praslin Segonder. Sirtou lo sa *block S1* ki annan en, pa mal problem.

Mon kestyon i sirtou kote konsern sa 2 laklas kot primer. Eski Minis i kapab donn nou en nide konbyen sa proze pour koute? E osi lo kote Baie Ste Anne, eski i annan okenn travay renovasyon osi ki pour komanse lo Lekol Baie Ste Anne Primer? Mersi.

MR SPEAKER

Mersi Onorab.

MINISTER JUSTIN VALENTIN

Mr Speaker, *DG* Arnephy pour reponn sa de kestyon silvouple.

MR SPEAKER

Thank you. DG?

DG FOR INSTITUTIONAL SUPPORT **BERNARD ARNEPHY**

Bon pour sa proze - mersi Mr Speaker pour donn mwan laparol. Onorab, mersi pour ou kestyon.

Pour sa proze lakres, pour lemoman vi ki proze i kot *Planning* e i pour ganny *tender* byento. So petet nou pa dan en pozisyon pour nou devwal sonm. Me solman i en proze ki nou'n fini konstate nou kapab *fit in* dan nou Bidze Minister pour sa lannen.

An sa ki konsern Lekol Baie Saint Anne, parey ou okouran Onorab. Lannen pase Lekol Baie Ste Anne ti ganny serten sonm. 1.2milyon pour bann travay renovasyon zeneral.

Pour sa lannen in napa larzan dan son Bidze. Me pour lannen prosenn, nou'n fer provizyon pour ki Lekol Baie Ste Anne i ganny serten sonm larzan pour nou termin en proze ranplasman bann lafnet ki'n deza komanse e ki reste ankor serten travay pour nou fer.

So vwala travay ki nou annan pour fer lo Baie Saint Anne Lekol Baie Ste Anne Primer. Mersi Mr Speaker.

MR SPEAKER

Mersi. Nou pas lo prosen
kestyon Onorab Aglae.

HON EGBERT AGLAE

Mersi Mr Speaker. Kestyon i lir
konm swivan:-

Eski Minis, ki responsab
pour Ledikasyon i kapab donn
en pti kontrandi sa Lasanble lo
proze mentenans kot Lekol
Primer Port Glaud? Mersi.

MR SPEAKER

Mersi Onorab. Minis?

MINISTER JUSTIN VALENTIN

Mersi Mr Speaker. Mersi
Onorab, pour kestyon. Mr
Speaker, Minister Ledikasyon
atraver Lazans Lenfrastriktir, ti
enplimant en proze pour fer
renovasyon lo Lekol Port Glaud
an 2024.

Bann travay ki ti ganny
antreprann anba sa proze i
konm swivan:-

- *Fencing* otour sa
lekol.
- Reparasyon bann
beton ki ti'n en pe
dekoke.
- Reparasyon
deteriorasyon
striktir twatir.
- Amelyorasyon lo
bann laport. En pe
amelyorasyon
kosmetik pour

aranze pour fer en pe
zoli.

Mr Speaker, travay ki'n
ganny fer anba sa proze i anliny
avek Bidze ki ti a nou
dispozisyon e i enportan poudir
ki ankor annan en pe travay ki
tonm an deor Bidze ki nou pour
bezwen – ki pour bezwen ganny
fer a lavenir.

Malgre sa proze in
terminen, lekol in osi met a
latansyon Minister e SIA serten
defo ki zot in obzerve.
Espesyalman avek lenstalasyon
sa bann *fence*. E anvi ki sa
proze i ankor dan en staz *defect
liability period*. Nou pe angaz
avek kontrakter pour koriz sa
bann defo.

Minister Ledikasyon i an
se moman pe travay lo en
propozisyon, en proze pour
enstal en pe *camera* sirveyans
kot bann lekol primer - pli
spesyalman kot lekol Port
Glaud aköz nou'n remarke ki i
annan bokou en pe vandalizm
ki pe pase laba kot sa lekol en
pe resaman. Mersi Mr Speaker.

MR SPEAKER

Mersi. Siplemanter Onorab
Aglae.

HON EGBERT AGLAE

Minis, mon a dir ou mersi pour
larepons e mersi pour ekout
bann konsern ki ti ganny met

devan ou. Minis mon annan sa pour demann ou.

Anvi ki ou'n war poudir i annan serten pti *anomaly* ek sa *fencing*. E osi i kontinyen annan serten *intruders* ki pe antre dan lekol - e bann diskisyon ki'n fer avek Lotorite Lekol ansanm avek PTA - se ki mannyer zot kapab, sirtou i annan sa bout deryer ki ti annan en demann kan Bidze i permet. Zot a vwar si petet apre *Mid-year Review*.

Sirtou sa bout deryer kot sa *fencing* i ganny mete an beton pa sa *fencing* bann *chain-link fence* ki zot in mete. Akoz nou pe war poudir *still* zot pe grenpe zot pe sot dan lekol.

E in annan bann lensidan vole ki'n arive resaman, ki kontinyel. Sa i enn.

E dezyenmman Minis. Kot i konsern sirveyans, nou konnen lekol i annan en Kontra Sekirite. Mon pa pour blanm personm mwan, me selman *still* nou pe war poudir i annan *intruders* dan lekol. Eski zot pe mazin ansanm travay ek sa bann kontrakter sekirite?

Ou'n nonm *camera* la. Si i annan fason petet ek Minister Finans pour gete dan bann limedya kapab ganny en kolaborasyon ansanm ek zot pour kapab met dan bann *dark spot* - bann *camera* sekirite, ki ler sekirite i devan, i kapab osi

monitor ki pe pase par deryer lekol. E nou kapab *deter* en pe sa bann move pratik vandalizm ouswa vol ki'n arive dan lekol Port Glaud. Mersi.

MR SPEAKER

Mersi Onorab. Minis?

MINISTER JUSTIN VALENTIN

Mersi Onorab. Mr Speaker, ankor sa i bann proze ki an konversasyon. Donk mon ti a kontan demann DG Arnephy pour li elabor en pe lo ban diskisyon resan ki pe arive.

MR SPEAKER

Tre byen. DG.

DG FOR INSTITUTIONAL SUPPORT **BERNARD ARNEPHY**

Mersi Mr Speaker. Onorab wi ou korek pou dir parey ou okouran poudir lekol Port Glaud resaman nou pe resevwar en kantite bann *issue* vandalizm.

E la nou'n fek fini fer *fencing* nou ti'n swete met bann *fencing* ki en pe pli solid. Me malerezman ler nou ti pe negosye avek sa kontrakter pour li *alternate* sa *chain link* avek sa bann *clear view fence* ki bokou pli ser. I ti pour kout nou 3 fwa pli ser. E sa ti pour *delay the process*.

The project, ki sa kontrakter ti'n deza li menm fini elapse son contract duration. Me solman i en diskisyon ki nou pe fer ek lekòl an se moman la.

E nou, nou swete ki le meyer fason se parey ou pe dir met en *boundary wall* kot sa lekòl. Malgre nou pa swete met *boundary wall* kot lekòl primer. Me lekòl Port Glaudd i enn ki nou pe konsidere pour ranplas sa bann *chain link* avek en *boundary wall*, pour asir sa bann sekirite.

E parey nou'n dir pli boner, nou deza annan en konversasyon avek Minister Finans avek *POU* pour nou vwar bann lekòl ki bezwen bann *additional security*. E *part of the security system*, ki nou anvi met kot lekòl se lenstalasyon *camera* sirveyans.

Ki a vin koman en *deterrent* e si nou ganny laprouvasyon. Ki nou pe fer en *proposal* pour *Mid-Year Review*, si nou ganny laprouvasyon lekòl Port Glaudd nou'n fini *earmark* koman sa lekòl primer, ki pour ganny lenstalasyon bann *camera* sirveyans, zisteman pour ede deter en pe sa bann sityasyon.

E la nou pe lans en lapel avek lakominote. Nou konnen poudir Port Glaudd i annan en *police post*, lanmenm la o bor -

konmsi pour annan enn pti pe plis vizilans akòz *it's very sad every Monday morning* ler ou vini, *headteacher* pe anvoy rapor, pe *call* ou pe dir ou poudir antre in kas laklas, in vol *whatever* ki'n pran.

So it's very sad pour en kominote parey Port Glaudd. So mon krwar i en travay kolektiv, tou bann dimoun dan kominote, pour nou met zefor ansanm. E si nou idantifye lekòl sa bann dimoun, pour nou anmenn zot devan Lotorite konsernen pour pran aksyon avek zot. *Thank you* Mr Speaker.

MR SPEAKER

Mersi. Wi, Onorab Sultan.

HON VALDANA SULTAN

Mersi Mr Speaker. Mr Arnephy dan son larepons in mansyonnen poudir zot ti pe mazin, zot in deza fer sa reparasyon pour sanz baraz avek lekòl.

Mon mazine si petet zot ti pe mazin, Minister ti a mazin met servi materyo parey kot zot servi kot Anse Royale Segonder. Petet parey ou pe dir, ou pa anvi bar vizibilite lekòl primer avek en miray.

Me petet lo deryer, sirtou deryer laba kot *hall*, akòz bann debri natirel i toultan pe tonm

la deryer sa *wire* ki zot in mete toultour.

Si petet zot ti pe mazin bar lo devan petet parey zot in servi kot lekòl Anse Royale. E petet met miray lo kote, oubyen lo kote ki vir ek lanmar osi. Mersi.

MR SPEAKER

Mersi. Minis? DG a kontinyen.

MINISTER JUSTIN VALENTIN

Wi, annefe. Mersi Mr Speaker. Sa pwen in ganny note e an diskisyon. I ava ganny pran an konsiderasyon. Mersi.

MR SPEAKER

Mersi. Onorab Pillay?

HON SEBASTIEN PILLAY

Mersi Mr Speaker. Mr Speaker, nou a note ki sa keston ti vin devan Lasanble, in vin dan Lasanble mon krwar a de repriz. E dernyen repriz ki ti vini, ti annan sa konsern ki ti'n eksprimen *over* servi *chain-link fence* e materyo ki pe ganny servi.

Sa letan malgre ki Onorab Aglae ti sey met sa pwen devan, ti annan en retisans lo lapar *panel* ki ti vini pour ekout sa konsern. E nou kontan la ki zot pe ekout sa konsern.

Mon keston tre senp ki mon le demande mwan, zot in dir nou konversasyon tou sa

bann keksoz pe al fer, pros pe arive. Eski ou kapab donn nou en lasirans - nou Chairman COGA la, lo kan eski zot kapab efektivman raport ek Lasanble poudir sa problem in ganny rezourd?

Zot met an plas en *fencing* ki adekwa, ki pran an konsiderasyon pa bar vizibilite lekòl, proze lekòl lo son fasad devan, me osi annan son miray deryer. Kan eski zot pour kapab fer sa Mr Speaker? Mersi.

MR SPEAKER

Mersi Onorab.

MINISTER JUSTIN VALENTIN

Mersi. Mr Speaker. Mersi Onorab. Mr Speaker, ler sa proze, ler sa konversasyon ti vin dan Lasanble, nou pa ti reziste, kontrè nou ti dir nou pour konsidere.

Me selman apre konsiderasyon parey in ganny dir la, i ti pour kout nou bokou pli bokou pli ser pour al fer sa lazisteman.

Kontra ti'n fini ganny donner alor nou ti dir be annou fer li, pour pa tard sa prosedir, me la nou'n raporte ki'n arive.

An se ki konsern donn en dat. Mon pa pour kapab donn sa la. Akòz nou pa ankor ganny Bidze, nou bezwen rod Bidze dabor. E letan nou fini ganny

Bidze, la nou ava kapab dir ki egzakteman, ki nou pour fer e ki direksyon sa travay pour ale. Mersi Mr Speaker.

MR SPEAKER

Mersi Minis. Nou ava avans lo kestryon 106. Onorab Regina Esparon.

HON REGINA ESPARON

Mersi Mr Speaker. Eski Minis i kapab donn Lasanble en kontrandi lo progre konstriksyon *playground* Glacis, e kan ki sa proze i sipoze demare? Mersi.

MR SPEAKER

Mersi Onorab. Minis?

MINISTER JUSTIN VALENTIN

Mersi Mr Speaker. Mersi Onorab pour kestryon. Mr Speaker, mon'n dir Onorab ki sa kestryon i a pe lager bokou pour son laplenn.

E nou pe tonm dakor ki ler sa laplenn i pare, nou a donn li en rol enportan pour louver sa laplenn aköz degre i pe travay dir pour sa laplenn.

Provizyon bidzeter in ganny mete dan Bidze 2025, pour ki sa proze i kapab vin en realite. Sa proze ti ganny konsevwar detrwa lannen pase e i ti'n deza annan en *design* preliminar.

Sa travay i prensipalman pour donn lekòl Glacis Primer sa lespas pour bann aktivite devlopman *sport* dan lekòl. En fasilite ki lekòl pe demande pour en pe letan.

E ki Minister Ledikasyon in konsider vreman enportan pour kapab konplete, pour devlopman akademik, bann devlopman akademik fizik. Espesyalman la dan konteks ki nou pe fer nou bann kanpanny Nasyonal pour obesite.

An se moman bann teknisyen kot Lazans Lenfrastriktir, pe prepar bann detay teknik pour sa proze. E nou ekspekte ki sa proze i a kapab komanse ver lafen Out sa lannen, pour li konplete avan lafen 2025. I annan en sonm R3milyon ki'n ganny bidzete pour sa proze. Mersi Mr Speaker.

MR SPEAKER

Yes, Onorab Esparon. Siplemanter.

HON REGINA ESPARON

Mersi Minis, pour larepons pozitiv e ankourazan. Mon ti ava kontan demann avek ou Minis, an vi ki dan dernyen vizit ki mon ti ganny sans partisipe avek teknisyen, pour regard teren, ti annan sa problem kot en morso sa teren deryer kot in

konstri, kot in fer renovasyon Kordgard zot in ran pour zot fer en *parking*, e i annan en negosyasyon ki bezwen ganny fer ant ou Minister avek Minister kot Lapolis pour regarde, oubyen Lenfrastriktir.

Pour regarde si nou kapab bouz sa *parking*, bouz sa teren deryer pour rann lekòl, pour kapab *extend* sa *playground* ziske deryer kot sa e met en bout sa *parking* en kote lo devan ki ava al lo kote drwat.

Pour ki i a liber enn pti pe sa teren deryer ki malerezman in ganny pran pour fer *parking* pour Kordgard. Eski ou okouran ki i annan sa negosyasyon e ki mannyer keksoz pe ale? Mersi.

MR SPEAKER

Mersi Onorab. Minis.

MINISTER JUSTIN VALENTIN

Mersi Mr Speaker. Mersi Onorab. Mr Speaker, DG Arnephy pour donn dernyen devlopman lo sa proze.

MR SPEAKER

Tre byen. DG.

DG FOR INSTITUTIONAL SUPPORT **BERNARD ARNEPHY**

Mersi Mr Speaker. Mersi Onorab. Mr Speaker, dernyen

kominikasyon ki nou annan avek Lazans Lenfrastriktir ki pe negosye, sa *leeway* lo nou *behalf* avek - mwan osi mon form parti, se ki nou'n fini dakor, ki sa parkin pour ganny *salvage* pour kit lespas pour sa bout laplenn ganny fer. E nou'n osi fini transfer sistenm *sewage* Kordgard lo nou *STP* kot Lekol Glacis, zisteman pour kree lespas pour ki sa proze i ganny fer.

So nou pozitiv ki – se sa ki'n met enn pti gin sa detay teknik pour fini *drawing*. So dek ki sa finalize, mon anvoy kot *Planning Authority* pour en *approval* e pour nou kapab koman nou proze *sometimes in August*.

Akoz nou mazin en i pour en proze 3 mwan. So si nou ganny en kontrakter ki serye, pour fer sa louvraz - 3 mwan *by December* nou pou'n fini avek sa travay. Mersi Mr Speaker.

MR SPEAKER

Mersi. Minis. Wi, Onorab Pillay.

HON SEBASTIEN PILLAY

Mersi Mr Speaker. Zisteman se sa kot problem in vini kot sa parkin in ganny fer. Akoz larzan ti'n fini bidzete depi lannen pase. Ou ti donn en *commitment* dan Lasanble ki sa pour ganny fer.

E parey ou konnen lekol Glacis zanfán pa kapab mars sa zistans pour al kot *playing field* ki dan distrik. Akoz i deza dan sa letan ki zot pour annan pour fer *physical education*. In fini manz en pe letan pour zot kapab fer sa.

Now, lefe ki ou Bidze i 3milyon, e ki nou pe dir poudir nou le *salvage sa parking*. Eski sa travay, *salvage sa parking* pour tonm anba sa Bidze 3milyon ki sipoze al ver fer sa *playing field, including son fencing, including son miray* ki pour vin avek par anba? Or eski Lapolis ki pour kouver, oubyen SIA li menm ki pour rod en Bidze pour kouver, *salvage son parking*?

E si ou pe dir nou poudir sa pour ganny fer e *drawing* i sipoze ganny fer, e *timeframe* ki nou pe dir i sa lannen pour fini, Minis, mon pa le demann ou en dat, akoz i pa posib pour ou donn mwan en dat, *given* ki ou annan sa negosyasyon, me eski ou kapab donn nou en larepons definitif lo kan eski SIA pour donn zot en larepons, konplet lo sa *salvaging sa parking*?

E eski se li ki pour pran *cost moving sa parking*? E sa pa ava vin pran dan sa 3milyon ki'n ganny mete spesifikman pour sa *playing field* Lekol Glacis. Mersi Mr Speaker.

MR SPEAKER

Mersi Onorab.

DG FOR INSTITUTIONAL SUPPORT **BERNARD ARNEPHY**

Mersi Mr Speaker. Onorab, letan nou ti diskite sa Bidze 3milyon. I ti zisteman, i en sonm ki ti pour *cater* pour sa bann lazisteman ki annan pour fer avek sa teren.

Akoz sa teren li menm li i en teren ki ase difisil. I annan en kantite ros, i annan en kantite *backfilling* pour fer. E san sa sonm, i pour kouver tou sa bann travay ki annan pour fer. Sa *salvaging*, nou'n fini fer sa *diversion and so on*.

Me solman si *worse comes to worse*, then nou *within our budget*, parey nou konnen nou annan nou bann PSIP, i pa toulta ki nou kapab *fully* enplimant tou nou bann proze ki nou'n planifye, pour serten rezon ouswa en lot. So nou kapab *play within our budget* si i annan *okenn fund additional*, pour nou *incur* dan sa proze nou ava fer li.

Me solman nou asire ki pour sa larzan i pour sifi pour nou fer sa bann travay. *Thank you Mr Speaker*.

MR SPEAKER

Mersi DG. Nou a pas lo kestyon 107. Onorab Doyace Porice.

HON DOYACE PORICE

Mersi Mr Speaker. Mr Speaker, Minis ek ou delegasyon, tou mon bann koleg Onorab. Bonn apre midi. Mon kestyon i lir koumsa:-

Eski Minis i kapab dir Lasanble, ki son Minister pe fer pou amelyor size transpor pour bann zanfan segonder ki pratik spor e letid ekstra apre ler lekòl vi ki bis SPTC pa pran zanfan dan linifòm apre en serten ler?

MR SPEAKER

Mersi Onorab. Minis?

MINISTER JUSTIN VALENTIN

Mersi Mr Speaker. Mersi Onorab, pour kestyon. Mr Speaker, i annan en zefor kontinyel ki Minister Ledikasyon ansan avek SPTC i fer pour asire ki bann etidyan ki angaje dan bann aktivite ekstraskoler osi byen ki dan *sport* i kapab antre dan bis piblik pour zot al dan Lakour apre ler lekòl.

Kantmenm sa i reste lenstans kot i kontinyelman annan serten labi lo en tel laranzman - e se pour sa rezon, ki nou zefor i enn ki kontinyel pour fer sir ki bann etidyan ki

vremman bezwen sa servis i kontinyen gannnen.

Nou'n osi ganny konfirmasyon la, avek SPTC ki bann etidyan ki montre zot kart bis ki valid, apre 4er edmi pa sipoze rankontre okenn difikilte.

E nou prezan nou pour kontinyen demann bann etidyan, eski vremman zot ganny difikilte, e nou, nou pour al kot SPTC - nou ava al rod - si i bezwen nou ava rod en solisyon meyer.

Me la pour lemoman nou'n ganny sa lasirans, ki pa sipoze annan okenn problem, si zanfan i annan zot kart ki valid avek zot. Mersi Mr Speaker.

MR SPEAKER

Mersi Minis. Siplemanter Onorab Porice.

HON DOYACE PORICE

Mersi Minis, pour ou larepons. Petet sa kestyon ti vin dan en *meeting* ki mon ti zwenn avek *headteacher* e osi depite.

E zot ti annan sa problem ki ti pe - ti arive lo Praslin. Minis, eski zot annan en dialog avek bann lezot lazans ki annan lo Praslin, parey NSC, bann ki annan transpor?

Petet sa osi ti kapab ede apard *SPTC*. Mersi.

MR SPEAKER

Mersi.

MINISTER JUSTIN VALENTIN

Mersi Mr Speaker. Mersi Onorab. Mr Speaker, i annan serten lenstans, kot bann par egzant mon konnen i annan en lazans vwayaz ki ede. *NSC* osi i annan bann letan ki lekol i telefonn zot letan zot dan bann difikilte, i asiste zot.

Donk, i annan en laranzman ki ganny fer lo Praslin pour zisteman kapab degaz en pe lasasen, letan i annan bann problem. Mersi Mr Speaker.

MR SPEAKER

Mersi Minis. Nou a kapab pas lo kestyon 108. Onorab Philip Arissol.

HON PHILIP ARISSOL

Mersi Mr Speaker. Bonn apre midi tou dimoun. Kestyon nimer 108 i lir koumsa:-

Eski Minis i kapab donn detay Lasanble lo renovasyon Lekol Segonder Anse Boileau:

a) Ki mannyer sa R2.4 milyon pou ganny depanse pou sa proze?

b) Ki amelyorasyon spesifik ki pou ganny fer lo Lenfrastriktir lekol?

c) E, ki mannyer sa pou ed bann etidyan ek ansennyan dan zot lanvironnman pou aprann e travay? Mersi.

MR SPEAKER

Mersi Onorab. Minis, diriz ou delegasyon.

MINISTER JUSTIN VALENTIN

Mersi Mr Speaker. Mersi Onorab, pour kestyon. Mr Speaker, zis pour fer resorti, provizyon bidzeter pour fer renovasyon lo Lekol Segonder Anse Boileau pour sa lannen i R4milyon, me non-pa 2.4 - i 4milyon.

Savedir i annan en zoli pti sonm. Sa larzan pe ganny servi pour amelyorasyon zeneral ki konpri:-

Renovasyon lo *staff room*, lo *tuck-shop*; penn tou bann blok, penn par deor, repar twa lo bann blok ki koule, louveraz elektrik, repar bann striktir kot in ganny andomaze, Konstrir bann *walkway* ant bann diferan blok. E kouver osi bann drenaz ki annan.

Provizyon in fini – proze annefe in fini ganny *awarded* e en kontrakter i ekspekte komans travay anver lafen Zen 2025.

E tousala zisteman pour fer ki laprantisaz son konteks, son lanvironnman pour vin pli meyer. E nou ekspekte ki bann zanfan, e bann ansennyan i ava fonksyonn dan en leta en pe pli konvenab. Mersi Mr Speaker.

MR SPEAKER

Onorab Arissol. Wi.

HON PHILIP ARISSOL

Mersi Mr Speaker. Minis, eski sa renovasyon pour nesesit en depласman tanporer bann etidyan ouswa sanzman dan zot ler letid? Ki mezir ki pe ganny pran pour minimiz lenpak lo zot letid?

MR SPEAKER

Mersi Onorab. Mersi Mr Speaker. Tou bann lendikasyon ki'n annan Onorab, pour pa pour bezwen pour lemoman. Nou pa pe war okenn bann depласman e nou sa travay pa sipoze afekte letid. Sa ki nou'n ganny dir pour lemoman.

Me o firamezir, letan travay i komanse nou ava gete ki mannyer zafer i ete. E byensir tou keksoz, tou kou letan i annan bann travay koumsa ki arive kot bann lekòl, sekirite bann zanfan i ganny met, i ganny pran an konsiderasyon. E nou fer sir ki tou zanfan osi byen ki ansenyan zot an

sekirite a tou moman. Mersi Mr Speaker.

MR SPEAKER

Siplemanter Onorab Arissol?

HON PHILIP ARISSOL

Wi, Mr Speaker, mon'n fini demande mwan.

MR SPEAKER

Ou'n fini – eskize. Ok, me dan sa ka nou ava avans lo prosen kestyon 109, ki osi ou kestyon.

HON PHILIP ARISSOL

Ok. Mersi Mr Speaker. Kestyon 109 i lir koumsa:-

Eski Minis i kapab dir Lasanble ki defi spesifik ki'n fer son Minister pran en desizyon met R4.2milyon pour konstriksyon en *Mini Sewage Treatment Plant* pour Lekol Primer e Lekol Segonder Anse Boileau? Mersi.

MR SPEAKER

Mersi. Minis, ou adrese.

MINISTER JUSTIN VALENTIN

Mersi Onorab. Mersi Mr Speaker. Mr Speaker, defi prensipal ki sa 2 lekòl i fer fas avek vizavi zot sistenm desarz, se akòz zot sitye lo sa nou apel en '*high water table*'.

E sa i fer ki a sak fwa ki annan en gro lapli konbinen

avek mare o. Sa bann sistenm *sewage* i *overflow*, e kree bokou lenkonvenyans.

O kour sa dernyen, sa bann dernyen lannen Minister in depans bann sonm ase konsiderab, pour mentenir bann *septic tank*, atraver ponpe oubyen refer sa *drain field*.

E nou santi ki solisyon pli vyab, e pli soutenab, se envestir dan sa *Mini Sewage Treatment Plant*, ki a enn fwa – ki a enn fwa ede adres sa problem, e an menm tan koup lo depans lonterm.

SIA pe an se moman finaliz diskisyon avек konsiltan pour sa proze. Anfen ki bann travay teknik, ki annan pour fer avек laspe e *design* sa proze. I a kapab ganny met ansanm. Nou ekspekte kapab met sa proze kot Lotorite Plan, ver lafen Zilyet 2025. E bann prosedir *tender* i ava kapab komanse ver milye Out 2025.

E si tou keksoz i al dapre plan, nou ekspekte ki sa proze i a kapab konplete ver lafen lannen 2025. Mersi Mr Speaker.

MR SPEAKER

Mersi Minis. Wi. Onorab, ou siplemanter aprezan.

HON PHILIP ARISSOL

Mersi Mr Speaker. Eski Minis, i kapab dir sa Lasanble konbyen letan eski sa proze in ganny *earmark*, in ganny konsevwar? E eski sa *Mini Sewage Treatment Plant* pour bezwen mentenans regilye? E si wi, lekel ki pour responsab pour sa? Mersi.

MR SPEAKER

Mersi Onorab.

MINISTER JUSTIN VALENTIN

Bon. Mr Speaker, ankor nou les kestyon proze avек DG Arnephy.

MR SPEAKER

DG Arnephy.

DG FOR INSTITUTIONAL SUPPORT **BERNARD ARNEPHY**

Mersi Mr Speaker. Mersi Onorab, pour ou kestyon. Mr Speaker, parey nou'n dir, pour lemoman Lazans Lenfrastriktir pe travay avек en konsiltan - pour determin, nou'n fini determin egzakt lokasyon kot sa *plant* pour ganny enstale. Prezan i pe travay lo bann detay teknik, pour vwar lekel *plant*, ki pour pli vyab pour kapab deservi sa de lekol.

E *normally* sa i en travay spesyalize. E mon mazin en i annan *very few* lakonpannyen

Sesel ki donn sa servis. E *normally once* ki sa i fini ganny fer, se sa kontrakter ki'n ganny sa Kontra pour li enstal sa *plant*, se li ki ganny Kontra pour fer *the after service*. Savedir mentenans.

So mon mazine i pour leka. So sa i en travay teknik, ki bann teknisyen kot bann Lazans Lenfrastriktir a pran an konsiderasyon. *Once* ki proze i fini, plant i ganny enstale e son *after service* se *normally* sa *supplier*, se li ki pour ganny sa Kontra pour li *maintain* sa *plant*. Ziskan ler nou ava desid *otherwise*. Mersi Mr Speaker.

MR SPEAKER

Oule en kalifikasyon Onorab. En lot siplemanter?

HON PHILIP ARISSOL

Non Mr Speaker. I pa'n reponn en bout mon kestyon. Mon'n demande, kan eski son proze ti ganny konsevwar? Konbyen letan konmsi ki zot in pran pour deside pour al dan sa proze? Mersi.

DG FOR INSTITUTIONAL SUPPORT **BERNARD ARNEPHY**

Mr Speaker, sa proze parey nou'n dir dan larepons inisyal lontan i lo nou plan. I ti en proze ki ti sipoze anba *line of credit*

avek *India*. Me pour serten rezon i pa'n materyalize. Prezan nou as a *Ministry* nou, nou ti fer en negosyasyon ler nou ti pe desid lo nou bann proze priyoriter pour 2025.

So nou ti dir avek Gouvernman, vi ki sa i en proze priyoriter, so annou met li dan nou Bidze sa lannen, pour nou kapab *fund* li anba *JOS*, *instead of waiting for a grant*, ouswa en *foreign funding*.

So this is why, ki nou dan – ki dan nou Bidze sa lannen. Me solman i en proze ki lo *drawing board* depi 5, 6 lannen pase.

E o fir sa bann lannen nou'n depans en kantite larzan kot sa de lekol pour nou refer *septic tank*, refer *drain field* parey Minister in dir.

So enn fwa pour tou, *once* ki nou ava enstal sa *plant*, i ava rezourd sa bann problem *sewage* ki nou pe gannye, sak fwa lapli i tonbe, mare i o ensidswit. Mersi Mr Speaker.

MR SPEAKER

Mersi DG. Onorab Roucou. I annan en kestyon?

HON MICHEL ROUCOU

Yes. Mersi Mr Speaker. Minis, anvi nou war poudir i annan kot lekol Anse Boileau i annan sa problem *sewage*, ki zot pe al

depans apepre 2.4milyon pou kapab met en *STP* laba, eski i annan en travay ki ou Minister petet zot pe fer avek *PUC*, pour zot revwar bann lekòl ki petet i annan sa fasilite *sewage PUC* dan sa rezyon.

Ki zot kapab konekte zot bann lekòl lo la, pour evite ki zot kapab depans bann gran sonm, pour al met bann sistenm *STP* kot bann lekòl. Mersi.

MR SPEAKER

Mersi Onorab. Minis?

MINISTER JUSTIN VALENTIN

Ankor Mr Speaker, mon pour les *DG* enform nou bann diferan negosyasyon ki'n ganny fer.

MR SPEAKER

Mersi.

DG FOR INSTITUTIONAL SUPPORT **BERNARD ARNEPHY**

Mersi Mr Speaker. Onorab, wi sa i en diskisyon ki nou pe kontinyelman fer avek *PUC*. Par egzanp pour lemoman nou annan serten lekòl ki deza konekte lo sistenm *PUC*.

Par egzanp Pointe Larue i en lekòl ki deza konekte lo sistenm *PUC*. So sa i en travay ki nou fer avek *PUC*. E si i annan lezot landrwa osi kot

bann lekòl par egzanp Plaisance Segonder, Plaisance Primer zot konekte lo sistenm *PUC*.

So bann landrwa kot i aksesib pour kapab fer koneksyon lo sistenm *PUC* nou fer li. Me malerezman Anse Boileau i napa en laliny *PUC*. So *this is why* ki nou bezwen fer sa *STP*. Sa mini *STP* pour nou kapab rezourd problemm kot sa de lekòl.

Be bann lekòl kot i annan sa fasilite, i toultan en negosyasyon ki nou fer ek *PUC* pour nou kapab konekte lo zot sistenm. Mersi Mr Speaker.

MR SPEAKER

Mersi *DG*. Bon nou'n ganny sans ki bann dernyen kestyon in ase spesifik. E in napa bokou siplemanter lo la. So nou'n fer en pe lavans.

Me i reste nou 3 kestyon. Nou a pran en poz e nou a rebran 4er. Mersi.

(BREAK)

MR SPEAKER

Alor bonn apre midi ankor tou dimoun. In en long sesyon, me mon krwar nou kapab persiste e nou a terminen la. Nou'n ariv lo kestyon 110. Onorab Sandy Arissol.

HON SANDY ARISSOL

Mersi Mr Speaker. E ankòr enn fwa bonn apre midi. Mr Speaker, kestyon 110 i lir koumsa; -

Eski Minis i kapab dir avek Lasanble ki zistans Planifikasyon ek Bidze pou annan en nouvo semen e larantre pou lekòl Beau Vallon Primer? Mersi Mr Speaker.

MR SPEAKER

Mersi. Minis?

MINISTER JUSTIN VALENTIN

Mersi Mr Speaker. Mersi Onorab, pou ou kestyon. Mr Speaker, sa proze i en - la i en priorite pou Minister Ledikasyon.

Sa proze ti ganny *tender* an boner an 2024. Me an vi ki in annan serten negosyasyon ki'n bezwen ganny fer, avek en propriyeter prive ki son propriyete i baliz avek akse, in fer ki in pran en pe letan pou finaliz aliman final sa semen. Me aprezan tou diskisyon e negosyasyon in fini ganny fer.

E Minister atraver Lazans Lenfrastriktir, in komans prosedir re-*tender* sa proze. Nou pe swete ki sa semen, sa proze i a komanse ver Septanm 2025.

MR SPEAKER

Sanmenm, *ok*. Wi, siplemanter Onorab Arissol?

HON SANDY ARISSOL

Mersi Mr Speaker. Mersi Minis, pou sa larepons konstriktiv. E bann paran ava kontan.

Mon ti a kontan demann ou alor. Kote sa larantre pou sitye? Letan nou pe get lekòl Beau Vallon Primer ozordi kot i été, kote sa larantre pou sitye?

E ki zistans nou pe koze, an term longer semen depandan kote nou pe sitye sa semen, sa larantre? Eski sa larantre pou en larantre *motor vehicle*, ki pou akse avek bann lazans servis.

Par egzanp tenny dife, oubyen Lapolis si zanmen nou bezwen sa bann evantyalite pou sekirite nou zanfan? Mersi bokou Mr Speaker.

MR SPEAKER

Mersi Onorab. Minis.

MINISTER JUSTIN VALENTIN

Mersi Mr Speaker. Pou detay spesifik mon ava les DG Arnephy donn en kontrandi.

DG FOR INSTITUTIONAL SUPPORT **BERNARD ARNEPHY**

Mersi Mr Speaker. Mersi Onorab, pou ou kestyon. Mr Speaker, sa semen i pou

definitivman en *motorable access*. Rezon prensipal aköz Minister pe pouse pour ki sa proze i materyalize, se zisteman pou okenn evantyalite, ki arive kot lekòl primer pou nou kapab ganny akse avek, kot bann *fire tenders* i kapab akse lekòl pou fer bann lentervansyon.

As it is now, i en pe difisil. Aköz sa semen ki pas kot segonder i en semen ki i ase etrwat. E i pour tre, tre difisil pour enn sa bann *fire tender machine*, kapab akse lekòl primer. Menm sa enn pli pti *tender machines*. E i pou en proze ki nou'n - parey nou'n dir Minister in dir nou'n fini demark son alinyman. E i pour annan son *parking* ki i ou vin avek.

So nou pe mazin apepre en 500 a 600 met semen. E si tou keksoz i al byen parey nou'n dir, nou anvizaze ki sa proze i ava demare ver Septanm sa lannen.

MR SPEAKER

Yes, ou kapab ganny en adisyon.

DG FOR INSTITUTIONAL SUPPORT **BERNARD ARNEPHY**

Sa semen i pou pran kot sa semen ki nou apel mon krwar *ex-SADECO*, *ex-SADECO*. Wi,

so i pou sa semen ki diriz ki mont anler kot laplenn. E so i ver dan was avek lekòl.

So i pou antre lo balizaz ant sa bann lakaz ki bann dimoun in aste dan *land bank* la. So i pou pas la. *Thank you*.

MR SPEAKER

Ok, tre byen. Mersi. Nou ava al lo keston 111, Onorab Conrad Gabriel.

HON CONRAD GABRIEL

Mersi Mr Speaker. Kestyon i lir koumsa ; -

Eski Minis i kapab donn nou detay lo ki kalite renovasyon ki'n ganny fer kot lekòl Segonder Pointe Larue ziska prezan? Mersi.

MR SPEAKER

Mersi. Minis?

MINISTER JUSTIN VALENTIN

Mersi Mr Speaker. Mersi Onorab, pou ou keston. Mr Speaker, an 2022 ti annan en proze pou ranplas *tiles* dan lasal *computer*. E sa ti osi enkli ranplasman bann balistrad.

An 2023 ti annan travay renovasyon mazer lo blok S5, sa ti enkli ranplas bann partisyon avek bann *cement board*, refer *wiring*, sanz bann soket, bann *switches* e *fiting* lalimyer.

An 2024 ti annan konstriksyon en nouvo blok 2 laklas, a en sonm R833 milyon. Mon redir sa. An 2024 ti annan konstriksyon en nouvo blok 2 laklas a en sonm R833mil. En travay ki'n konplete an Desanm 2024. E pour sa lannen i annan travay renovasyon lo laboratwar.

E blok teknikal e osi serten travay elektrik, kontrakter pour ganny mobilize lo *site*, milye Zen 2025. Nou osi annan dan plan pou fer renovasyon mazer lo blok S1 ek S2. Mersi Mr Speaker.

MR SPEAKER

Mersi., Onorab Gabriel. Ou annan siplemanter ?

HON CONRAD GABRIEL

Wi, mersi Mr Chair. Mersi Minis, pou ou larepons, ki ase detaye. Mon ti pou zis as siplemanter demann ou, kwa ki reste as priyorite ki zot pe fer la? Mon krwar ou'n elabor en pti gin sa larepons.

So, mon a zis demann ou an vi ki nou'n fini fer sa 2 laklas, nouvo laklas i pou ganny servi pour kwa egzaktaman ? Mersi.

MR SPEAKER

Mersi. Minis? *Panel?*

MINISTER JUSTIN VALENTIN

Mr Speaker, parey nou pe dir i annan servi aktyel la. E apre byensir, parey nou ti anonse semenn pase, letan nouvo reform pou an plas - la sa 2 laklas - anfen pa zis sa 2 laklas, me byensir lekol pou ganny reorganize pour kapab akey sa nouvo reform ki Ledikasyon pe propoze. Mersi Mr Speaker.

MR SPEAKER

Ale wi, nou annan letan.

HON CONRAD GABRIEL

Mersi Mr Speaker. Ou pe koz sa reform Pointe Larue koman en *pilot project S3 to S6 please?* Ou kapab donn nou en pti pe detay. Mersi.

MR SPEAKER

Minis, ou *panel*, mon pa konnen lekel ki pou reponn.

MINISTER JUSTIN VALENTIN

Mr Speaker, nou pe zis klarifye en pwen la. Nou pe koz lo sa 2 laklas, pour la a ler aktyel la.

DG FOR INSTITUTIONAL SUPPORT **BERNARD ARNEPHY**

Mr Speaker, sa 2 laklas ki Onorab pe koz lo la i pe ganny servi koman 2 *common classroom*. E i a diskresyon parey Lekol Pointe Larue i en

lekol ki ti annan en mankman lespas, so lekol li, i servi son diskresyon.

E akòz manmway dan lekol segonder i *rotate*, so i pa pe spesifik pou lemoman. So lekol i determinen ki mannyer i pou servi sa 2 laklas. Me solman i 2 laklas ki'n ganny konstrir pou *multi-purpose*. Ki lekol i kapab deside ki mannyer i anvi servi. E i bann laklas standar, ki kapab *up to 30 students*. Mersi Mr Speaker.

MR SPEAKER

Mersi DG. Bon tre byen nou a kapab avans lo prosen kekyon ki osi dernyen. Onorab Kelly Samynadin kekyon 112.

HON KELLY SAMYNADIN

Mersi Mr Speaker. Kestyon nimerò 112 i lir konm swivan :-

Eski Minis i kapab donn Lasanble en leksplikasyon lo proze *Project for Enhancing Teaching and Learning Experience* mye koni koman *PETALE*, si sa proze pe ganny aplike dan lekol e ki son lenpak? Mersi.

MR SPEAKER

Mersi. Minis, repons?

MINISTER JUSTIN VALENTIN

Mersi Mr Speaker. Mersi Onorab, pou ou kekyon. Mr

Speaker, Minister in konsewar en proze anliny avek lobzektif dan plan devlopman nasyonal, ki swete kree en zenerasyon pou lefitir, en zenerasyon ki ede dan transformasyon sosyoekonomik pei.

Proze *PETALE - Project for Enhancing Teaching and Learning Experiences*, i en proze ki ti ganny inisyè sa lannen dan lekol primer, apre ki konsiltasyon ti ganny fer atraver en Konvansyon bann Ansennyan an Desanm 2024.

Sa i en proze ki pe target bann zelev apartir P3. Bi proze *PETALE*, se pour anrisir leksperyans edikasyonnel bann zanfan, atraver bann metod lansennyanman inovativ ki enkli ledikasyon etik, ledikasyon sosyo-emosyonnel, e osi lentegrasyon teknoloji dan bann program letid.

Sa proze i osi annan pour bi asire ki zanfan i devlop dan tou laspe lavi kot laspe akademik, vokasyonnel, teknik e bann *skill* e valer pou ganny anrisir. Nou pe espekte ki sa proze, pou anmenn en lenpak konsiderab lo performans skoler sak bann etidyan.

Sa proze pe adopte en lapros entervansyonnel plizyer sèkter. Alor pour en tel linisyativ aboutir, Minister Ledikasyon pour bezwen

langazman e komitman lekol ; paran, bann etidyan, bann diferan sekter dan pei, e lakominote an zeneral.

Pour lemoman nou sansibilizasyon in ganny fer avek tou lekol lo Mahe, Praslin, La Digue. Lot faz sansibilizasyon i pour paran e lezot parti prenon Minister Ledikasyon. Sa pour posib an mezir ki nou devlop bann model lentervansyon.

Sepandan, vi ki pour annan lenplikasyon mazer, nou'n agree pou fer en pti letid pilot an servan 2 lekol, Bel Ombre e Anse Aux Pins, avan ki nou enplimant li lo en pli gran lanpler.

A sa pwen i ankor sitan boner pou nou koz lo lenpak. Sa ki mon kapab dir se ki bann lekol primer, in resevwar sa proze pozitivman. E se rezilta pilot ki pou dikte lafason ki nou pou progrese. Mersi Mr Speaker.

MR SPEAKER

Mersi Minis. Wi, Onorab Samynadin.

HON KELLY SAMYNADIN

Mersi Mr Speaker. Mersi Minis, pou ou larepons tre detaye. An vi ki ou'n koz lo proze pilot dan sa 2 lekol, primer. Mon ti a kontan konnen ki bann *key*

performance indicators, ki zot pe servi pou mezir progres e sikse sa proze pilot?

E dezyenmman prenon kont diferan sityasyon dan abilite bann anpreman, eski i annan bann stratezi spesifik ki'n ganny kree, pour bann apreman avek bann abilite divers, ki enkli bann avek bann *special educational needs*? Mersi Mr Speaker.

MR SPEAKER

Mersi Onorab. Minis?

MINISTER JUSTIN VALENTIN

Mersi Mr Speaker. Mr Speaker, sa proze i en proze ki nou pe servi *action research*. Nou pe sansibiliz bann ansennyan la pou lemoman lo ki mannyer - ki direksyon nou pou ale.

I annan bann lezot keksoz bann endikater ki pa ankor ganny defini la. Akoz la nou ankor dan en faz sansibilizasyon, dan en faz kot nou pou donn lanmen kre sa direksyon ansanm dan en laform *action research*.

Donk, i annan bann keksoz la lo inisyal, nou pa ankor kree. Me sa i ganny kree an mezir ki proze i devlope e i sanze.

Donk, sanmenm sa ki nou pe dir, annou fer en pilot dabor. E apre nou ava gete ki mannyer

nou a servi rezilta sa pilot pou nou kapab bouz dan direksyon.

Me selman bann endikater pou byensir, pour byensir lentere bann zanfan, lentere dan laprantisaz, pou osi rezilta bann legzanmen, dan bann diferan size ki bann zanfan pou fer.

E menm lafason ki nou pou adres bann size, i ankore dan diskisyon. Akòz nou anvi servi rezilta bann travay ki bann group, bann diferan *curriculum working group* pe fer, pour nou kapab anmenn li, koman sa nouvo *menu* pou nou bann zanfan. Mersi Mr Speaker.

MR SPEAKER

Mersi. Wi, *ok* mon annan 2 Manm ki'n lev lanmen, mon a pran Onorab Lemiel, ou siplemanter.

HON SYLVANNE LEMIEL

Mersi Mr Speaker. Mr Speaker, mon ti a kontan demann Minis akòz mon santi ki sa i en pe anliny avek sa *high impact learning* ki bomaten mon ti demann li.

Petet si ou dir zot in lans koman en proze pilot dan 2 lekòl, kan ki ou ti lans sa? E petet ki dele letan ou pe donnen pou ou kapab komans war sa bon rezilta ki *PETALE* pou pe anmennen dan sa proze pilot

dan lekòl Anse Aux Pins avek lekòl Bel Ombre? Mersi Mr Speaker.

MR SPEAKER

Mersi.

MINISTER JUSTIN VALENTIN

Dakor. Mersi Mr Speaker. Mersi Onorab. Onorab, an Zanbye sa lannen, nou ti komans, nou ti lans sa proze. E en proze parey, i bezwen sansibilizasyon. La pou le moman nou dan faz sansibilizasyon dabor.

Dezyenm parti, sa ki nou anvi fer, nou anvi komans a pti pa, model bann pti program ki nou anvi fer avek bann zanfan.

Sa pou pran en pe letan, akòz i pa neseserman en lapros ki aktyel pe arive. I annan bann diferan fason reorganiz lesan, pou nou prezant avek bann zanfan.

Donk, nou pou bezwen pran en faz la letan - ou konnen akòz nou ti anvi komans sa, sirtou sa ki sa faz *training* dan vakans ki'n pase. Me vakans ki'n pase in annan bokou aktivite ki'n enplik bann *teachers* parey nou konnen ti annan *Beach Soccer*, nou pa'n kapab fer parey nou ti ava anvi.

Donk, sa term ki la i pou bann letan ki nou pou pran avek bann ansennyan pou nou kapab koz lo diferan lapros

bann leson, anmenn dan laklas, teste, retournen. So i pour en *action research activity*.

Donk, nou pe prezimen sa term ki nou ladan, dezyenm term e i pou anmenn nou osi dan trwazyenm term. Me byensir ankor, i annan bann keksoz ki ou kapab fer *paralel* an menm tan, i annan bann sansibilizasyon menm paran.

Akoz ankor parey nou pe dir paran pou pe war petet en nouvo lapros ki pe arive dan lekòl, nou bezwen koz ek zot ki pe arive.

Me nou pa anvi la pou le moman fer li lo en gran lesel. Akoz nou konnen poudir ;

(1) I en nouvo lapros ki nou pe anmenn.

(2) Nou ankor pe prodwi materyo pou nou avek dan lekòl. E *teacher* pe donn lanmen prodwi, pou donn lanmen prodwi sa bann materyo.

Donk, nou pe pran en pe letan, pou nou kapab met li byen, enstal li byen. E ler nou a'n ganny son- nou a'n ganny en lendikasyon ki pozitiv e ki fezab, la nou ava met li dan en gran lesel.

Donk, antye 2025 ki reste, i pou sa pilot ki nou pou ganny fer dan sa 2 lekòl. Ziska Desanm, wi.

MR SPEAKER

Mersi Minis. Onorab William.

HON WAVEN WILLIAM

Mersi Mr Speaker. Mon anvi demann avek Minis, si par egzanp sa Proze *PETALE* i vin en sikse. E ou'n dir ou pou anmenn li lo en pli gro lesel, savedir ou pou entrodwir dan segonder.

Me an menm tan Minis, par lefe ki ou'n resaman anons reform, ki mannyer ki sa proze pou ganny enkorpare, sikse sa proze dan sa reform ki Minister pe anmenn dan ledikasyon? Mersi.

MR SPEAKER

Mersi Onorab. Minis?

MINISTER JUSTIN VALENTIN

Mersi Mr Speaker. Mersi Onorab. Onorab, sa proze *PETALE* pou primer, i pou primer i pa pou segonder i pou primer. E i pou en proze ki byensir pe prepar bann etidyan primer pou al fer fas avek letid segonder.

Nou bi se re aranz en- ou konnen dan lekòl, en keksoz ki ozordi ou pour tann bokou *teachers* pe dir sirtou dan primer, zot pe koz lo *curriculum*, lo kalite *curriculum* lo bann diferan resours ki annan, be nou, sa proze sete redonn

primer, lekol primer en nouvo *curriculum*.

E nou, nou ti oule pran li dan an lapros kot nou travay ek en group zanfán. Petet nou komans ek li dan trwazyenm, nou mont ek sa group zanfán dan katriyenm, dan senkyenm, sizyenm ziska ler nou fer li antre dan segonder.

Akoz nou konnen sa lapros ki nou pe fer, pour li prepar li pli byen, pou li fer fas avek sa realite. Donk, i marye tre byen ansanm. Donk, en proze aköz ler ou pe kit - dizon sa group zanfán i kit *P3*, i al dan *P4*, ou konnen deryer i fini kit en program *P3* li.

Donk, sa group manrmay ki vini son lannen ansuit i benefisye en nouvo program.

Li sa group zanfán i mont dan segonder, i mont dan katriyenm nou ale koumsa. Partou kot i pase i pou kit en nouvo program.

Donk pou pe travay ek son bann ansenyan e an menm tan ou pe kit en nouvo program pour sa lot group ki vini par deryer ziska ler li i sorti dan primer i antre dan segonder. La pou li al fer fas avek la realite segonder.

E apre sa ki nou pe war, e nou'n dir sa, i kontinyite nou bezwen asir en kontinite dan

ant primer e segonder e sa nou bezwen etabli li byen.

Donk, pour nou tousala i bann travay ki nou pe fer, zisteman pou fer ki finalman bann etidyan i *attain* byen. Aköz nou santi poudir i osi petet, lafason bann materyo ki zot ekspoze avek, bann metod ki zot pe ganny ekspoze avek, i petet sa bann metod ki pa pe fer zot *attain* sa ki zot anvi. E bann *teachers* parey mon pe dir in resevwar sa lapros byen.

Akoz dabor nou bezwen komans koz ek *teachers*, fodre zot menm zot konfortab sa ki nou pe fer. Me selman an menm tan nou pa kapab vini zis enpoze, mon pa krwar ladan. Mon krwar nou travay ansanm. E se pou sela pa sa rezon ki - wi, nou koz avek tou bann lekol primer.

Me selman zot in dakor e zot in konpran nou letan dir annou komans avek 2 lekol nou a gete ki lenpak ki annan. E apre nou ava gete ki mannyer nou pou elarzi li dan lezot lekol. Mersi Mr Speaker.

MR SPEAKER

Mersi Minis. Bon, nou'n ariv a lafen finalman, lo sa sesyon keston. Mon bezwen remersye Minis e son bann zofisye pour zot partisipasyon.

Minis, ou a ganny konsolasyon ki omwen tou kestyon ki ti annan pour ou lo latab Lasanble, in ganny pran en reponn. Donk, sa petet i ava eklersi ou semen devan. Alor mon a swet Minis e *PS* Eulentin e *DG* Arnephy bon depar e en bon kontinyasyon dan zot travay. Mersi bokou.

Mon a demann Lasanble pou reste an plas pour en lanons silvouple.

Mersi pou zot latansyon, mon bezwen adres en size ki'n arive dan *PNQ* bomaten. E i regretan ki *Leader* Lopozisyon ki enplike pa la. Akoz mon ti a kontan ki i tann sa ki mon pe dir. Me selman mon'n aranze pour mwan fer sa lanons la.

E lefe ki i pa la, mon pou fini avek akoz mon anvi terminen e mon pa anvi ki sa i reste ziskan demen bomaten.

Dan sesyon *PNQ*, Vis-Prezidan Afif ti komans en remark avek, 'parey ler ou al kot Dokter'. Ler *VP* ti fer sa remark, Onorab Pillay ti lev lavwa e i ti dir bann parol swivan. Ki mon pa tro anvi repete akoz i anplifye lensilt ki in annan me selman mon bezwen repete pou fer kler.

Onorab Pillay ti dir, e mon'n verifiye lo *recording* e mon'n osi ganny konfirmasyon

ki piblik in tande sa. Onorab Pillay ti dir son parol ; -

"Ou pa en Dokter ou, ou pa en Dokter, ou ti en *PS* ki'n vole dan Gouvernman *US*, *SPPF* ! Ou en *PS* ki'n vole. Ou en manter, ou'n toultan koumsa, ou en mansonzer, ou'n toultan koumsa, sa ou problem !"

Sa bann parol i ensiltan, ofansif, pa akseptab. E plizyer fwa dan Lasanble mon demann bann Manm pour evite. I pa bann parol ki merit ganny servi, akoz i en total mank respe pour sa ki dan Lasanble. Kwa ki i ganny servi avek zofisye ki la, oubyen avek lezot Manm.

Donk, mon santi sa i en lofans serye. Mon krwar Onorab Pillay, si in annan respe i devret *apologies* avek Vis-Prezidan pour sa. Be selman mon pa ensiste lo en *apology* akoz *apology* souvan pa senser.

I pa senser, e pa vo lapenn ou demande akoz en *apology* ki pa senser, i fer plis ditor ki i anmenn rezolisyon.

Donk, e osi mon napa gran swa lo sanksyon ki mon kapab prononse dan Lasanble. Me selman mon pou dir, mon sispann Onorab Pillay pou sesyon demen bomaten, pour sa ki mon'n fek dir, ki mon fek dekrir koman en lofans.

Onorab Pillay, i a ganny sispann pour sesyon demen an

antye e i a kapab retournen
Mardi prosen. Mersi.

(APPLAUSE)

MR SPEAKER

I annan en lot pti lanons. I an
en lot Manm Onorab Tamboo,
ki'n fer en konplent kont en
Manm en remark ki sa Manm in
fer avek li.

Mon'n verifye *recording*, i
pour difisil pour mwan verifye
sa lo *recording*. Mon pe demann
Onorab Tamboo pou fer en
statement an ekri. E pou nonm
bann temwen lo sa *statement*,
pour mwan kapab kontinyen
lenvestigasyon ladan.

Mon oule dir mon pa
aksepte bann remark ofansif
kont lezot Manm dan Lasanble,
oubyen anver zofisye ki la
prezan. Mersi bokou. Lasanble i
ava *adjourn* e nou a rebran
demen *matin* 9er.

(ADJOURNMENT)